


$$\frac{350}{3\frac{1}{2}}$$

11
1101



Tratado

1. . Capitulo 1º al del nro. del. Francisco en 1722.
2. . Carta personal del obispo de Granada.
3. . Breve en forma de auto curato de la exequia del M. R. D. Martin de Arce. Arzobispo de Granada.



CAPITULUM GENERALE

LONGÈ OMNIUM

hactenus celebratorum per
totum Ordinem S.P.N.

Francisci

UNICUM ; ET CELEBERRIMUM


ROMÆ HABITUM IN TEMPLO S. MARIAE

de Ara-Cœli die 15. Maji anni 1723.

SANCTISSIMO DOMINO NOSTRO PAPA

INNOCENTIO TERCIODECIMO

PRÆSENTE IN EO, AC PRÆSEDENTE.



SUPERIORUM FACULTATE.

CAPITULUM

GENERICUM

LONGI OMNIA

IN OMNIBUS

FRANCIA

IN OMNIBUS

IN OMNIBUS

INNOCENTIO

IN OMNIBUS

IN OMNIBUS

IN OMNIBUS



PRO OEMIUM.



LABULAS Capitulares vobis de more publicaturi, operæ pretium duximus, eas à gestis ejusdem Capituli exordiri, in quibus, ut Summus Pontifex beneficentiæ in nos suæ reliquum nihil fecit, ita vicissim nihil prætermissum debemus pati ad gratiam habendam Ipsi, & ad nostram Posteritatem in gratitudinem, & obsequium ejus monumentis perpetuis excitandam. Dum ergo ab anno 1700. encyclicis literis semel, & iterum, præ cogendo nostro Generali Capitulo nequicquam datis pejora in dies portenderentur, nutantibus rebus nostris, Innocentius XIII. in firmissimum columnen sese ipsis offerre dignatus est, & Seraphico Patriarchæ vicem clementissimè referens inclinatam Ecclesiam sustentanti, Apostolicis suis literis ad 26. Martij anni 1722. Motu proprio expeditis præ insequenti anno convocavit ad Urbem idem Generale Capitulum coram se, quod & feliciter coactum fuit & demum feliciter absolutum.

Hoc igitur anno 1723. Diffinitoribus Generalibus in Festo Ascensionis ingressis Urbem, cæterisque Electoribus, ex peculiari Summi Pontificis dispensatione, in eandem feria sexta insequenti admissis, dum plura de more discuterentur ad Ordinem pertinentia, & ad majestatem Comitiorum coram Sanctissimo habendorum nonnulla digererentur, accessit ad hoc Aracœlitanum Cœnobium sub vespere octavæ dici ad Ascensione Illustrissimus, & Reverendissimus Dominus D. Prosper Marefoschi Summi Pontificis Auditor, ad syndicationem Vo-

torum per Sanctitatem suam Specialiter delegatus, qui cordate adeo ac religiose istam exhaustit sollicitudinem, ut vel Pontificio nomine disjecerit famam quandam perperam evulgatam, facturamque negotium libertati Electorum, quæ plenissima fuit, si ora, & mentes diutius occupasset: in hoc idem studium & feria subsequens collata fuit, in qua & Pontificijs literis cum omnibus, qui vacare debuerant, dispensatum, & elegans præparatio Templi pro celebrandis Comitijs accommode absoluta.

Templum ergo ita ornatum erat, ut quæ attexitur ex oloserycis damascenis, aulæis belgicis, alijsque id genus peristromatis, & ijs quidem scitè inflexis, & collocatis, nihil ad venustatem magnificam desiderare esset. Consurgebat Pontificius Thronus, quæ ex solea elevatiori mediam Navim interfecante per quosdam gradus in subiectum Gremium Templi descensus est, totique spatium interjacenti usque ad majores valvas, latèque intra perystilia lateralibus posito, majestate eminenti dominabatur, ipsique ex adverso imminens valvis ipsis, per obtenta oloseryca probè dissimulatis, insignis Tela pingens Congregatos Apostolos, igneumque descensum ad illos Divini Spiritus præpendebat. Non multum distans à Throni gradibus, & è regione ipsius aderat Mensa ita evectior consuetis, ut ab vno latere alij peduli subsellijs impositis assidentes, & ab altero stantes alij æquè commode ipsam attingerent ad scribendum. Caput ejus duo labriola occupabant, quorum alteri Superiorum Generalium sigilla inerant, alteri duo Catalogi omnium præsentium Electorum, post quæ præstò erat, & aliud labrum majus, par nimirum acervo omnium Scedularum: partem autem inferiorem Capsula tenebat hinc, desuper hiatu oblongo patens, ut Scedulæ in ipsam demitti possent, inde verò apertus Missarum Codex, altera pagina Imaginem exhibens pendentis è Cruce Reparatoris, atque altera formulam Juramenti per Electores singulos emittendi. Ubi Mensa hæc ad Disquisitores excipiendos in conspectu Throni & in medio Gremij posita desinebat, succedebant utrinque sepositæ ad peristylia aliæ continuæ laterales, quæ pro Electoribus in medium emittendis

5

tendis opportunis spatijs interruptæ, circumcirca omne reliquum Gremij obibant, ambiebantque, ipsæque non minus ac prior illa Anlæis vsque ad solum rectæ, & necessarijs omnibus vbique instructæ erant ad Schedulas describendas.

Templum in formam hanc apratum ad Electiones, & Coenobium ipsum clausum sub Custodia mansit die Comitiali, ne multitudinis antelucano concursu nobis utrumque præiperetur. Proindè sub primam lucem ritu quidem solemnem sed opeitaneo, de more sacrificatum fuit Spiritui Paracletico, & horam circiter mandato Summi Pontificis nobis dictam, in Templum Electores immissi, suisque omnes stationibus ordine collocati. Antevenerant jam Summum Pontificem quatuor Domini Cardinales, ab eodem acciti, ut in Comitij Disquisitores agerent, cum & Ipse Magnatibus atque Præsulibus adequantibus, demum in Capitolium hoc suum subvectus fuit, & quodam Universi compendio, nostro scilicet Generali Capitulo Eidem applaudente, de Humana & Divina sublimitate sua per dignationem eximiam triumphavit. Admoniti per primum intuitum Pontificiæ Crucis illatæ Templo Electores succedentem Vicarium Christi de genu adoraverunt, illoque servato habitu donec ad solum conscendisset, tum Designatore ex nutu Summi Pontificis innuente steterunt Omnes, & Dominis Cardinalibus sedentibus in dextro latere ad Mensam Disquisitionis, exceptisque nonnullis Præsulibus, alijs omnibus extra factis, Summo Pontifice præsentem ac præsidem tandem initium Comitij datum est.

Designatoribus igitur Pontificijs omnes actiones omnium dirigenribus Secretarius Ordinis Cismontanus primum ex Mensa sumpsit labriolum Catalogorum, oblatoque Summo Pontifici qui graphicè fuerat scriptus in usum ejus, accepit & ipse suum in eodem labriolo subjacentem, & in Supremo Solij gradu enunciavit de genu Nomina Electorum, ad explorandam eorum omnium præsentiam, ut moris est. Comperto illos, qui advenerant, adesse omnes, Illustrissimus, & Reverendissimus Dominus D. Vincentius Petra, Sacræ Congregationis negotijs Episcoporum,

porum, & Regularium præpositæ Secretarius, ex arca Solij Pontificij recitavit Decretum stans; subrogationum Electorum absentium omnimodis prohibitivum.

Post hæc deductus fuit ad solium P. Minister Generalis, & quidem vt se abdicaret Officio gestans labriolum Sigillorum, quod & præstitit incusans breviter & constanter rationem gubernij sui. Sanctissimus è labriolo Sigilla sumplit, & Renuntiationem exhibitam probavit annuens, acceptavitque. Subinde Zelum solvit Apostolici pectoris in allocutionem latinam ad Electores, quam exceperunt ipsi submissis genibus mentibusque, demirantes eloquentiæ nervos & momentorum incitamenta, quibus ad optima vota se veriùs sensere raptos, quam tantum extimulatos.

Allocutionem Pontificis Confessio Electorum subsequuta est. Constitit scilicet juxta solium duorum Cantorum alter, ex Electorum Coetu antea designatorum, qui pronus stans absque superpelliceo ad Ecclesiasticos modos Confessionem consuetam proferret elata voce, submissa eandem alijs genuque posito vnà cum illo enuntiantibus. In Confessione hac post Beatos Apostolos Petrum & Paulum, etiam S. P. N. Francisci mentio solemnis inducta fuit, & ipsemet Summus Pontifex formula illa vtens ad impendendam absolutionem, qua resumuntur nomina omnia per Confessionem priùs insinuata, postquam ab illis verbis eam de more orditus est: *Precibus, & meritis Beata Maria semper Virginis, &c.* Consultò adiecit etiam nostrum Seraphicum Patriarcham, attexere pergens: *Beatorum Apostolorum Petri & Pauli, & Beati Patris Vestri Francisci, &c.* atque adeo nobis ad Confessiones inductionem huiusmodi, solemniiori ritu, & sanctiori modo, quo poterat, consecravit.

Imploratus tum illapsus Divini Spiritus, etiam Summo Pontifice relicta Sede, ad Faldistorium proximum acclini genuflectente, & duobus Cantoribus primam stropham Hymni *Veni Creator* præcinentibus, cui alternis choris Ultramontani, & Cismontani Electores finem imposuerunt. Interea Summus Pontifex se se restituit Sedi suæ, ibique stans preces consuetas prosequutus est, Ver-

su prius ab iisdem Cantoribus enunciato. Jamque Electioni nihil aliud, præter Disquisitores, supererat præmittendum, qui quatuor Dominis Cardinalibus per Summum Pontificem ad id vocatis, Officio & numero responderunt.

Ad solium ergo P. Generalis processit medius inter illos, qui per Primores ad ejusmodi Menus fuerant antea nominati, ibique positis omnes genibus: *Beatissime Pater*, proposuit Generalis, si *Sanctitati Vestre placuerit, hi sunt Disquisitores electi ad recognoscenda, & ad notanda Suffragia*. Annuente Summo Pontifice, idem Generalis ad suam stationem reversus est, & sigillatim quatuor Disquisitores tacto Missarum Codice, qui apertus in postremo solij gradu offerebat Imaginem Crucifixi & formulam Sacramenti, ad illam quisque sese obstrinxit dicens: *Juro me secretum omnimodè servaturum*; ut juraverant linguli consurgebant, & præstitutis locis disponebantur in latere lævo Mensæ Disquisitionis, atque ibi quatuor nostrates stantes, juxta Purpuratos quatuor confedentes, Disquisitioni demum vnà cum illis operam impenderunt.

Antequam tamen offerendis suffragiis initium fieret, idem Illustrissimus, & Reverendissimus Præsul D. Vincentius Fetra, & ex eodem quidem quo prius loco, aliud in arena conceptum Electoribus Placitum intimavit, quod nimirum Summus Pontifex Electionem edixit assertam sibi, si ea primo suffragiorum concursu fortassis non successisset.

Secundò igitur eodem Secretario Ordinis Cismonitano eodem quo primum & gradu & habitu Electores singulos evocante, hi procedebant in medium Gremij ad pectus plicata sinistra manu, interque indicem atque pollicem dexteræ modestè schedulis elevatis, qui ad Mensam pervenientes Sanctissimo primum genuflectebant, sinistramque deinde porrigentes ad codicem ut Sacramentum ferrent, tùm vnà schedulam immittebant in Arcam, pronunciabantque: *Juro me eligere, quem secundum Deum judico meliorem*. Tunc iterata genuflectione, à dextro latere Mensæ ad solium accedebant, & cùm tertium

tium genuflexissent Sanctissimi Pedes exosculati, stationes pristinas à lævo ejusdem latere Mensæ singuli repetebant.

Nullò penitus offendiculo Electores ducenti & nonaginta sex viam ejusmodi emensi sunt, dumque Schedulæ demum, censendo earum numerum, ex Arca in Labrum appositum extraherentur, vbi Electoribus compertæ pares, etiam disquiri continuò cœptæ sunt, & per gyrum à Cardinalium primo, ad nostrorum ultimum Disquisitorum fuerunt recognitæ ad vnam omnes, & suffragia simul ex ipsis quisque recognitor adnotavit. Hæc, Deo favente, multum supra exigitam medietatem in vnum confluxerant Eligendorum. Quo successu ab omnibus octo Disquisitoribus, per æquales singulis numeros deprehensio, ascenderunt ad folium tres Domini Cardinales (quattus enim de Comitibus ab apoplexia recentè hærebat infirmo gressu) gestantes folium singuli suarum Disquisitionum, in quibus ipsemet Summus Pontifex Electionem, vt vidit confectam esse, jussit vt ad formam redacta, quæ infra dabitur, Comitibus auidè præstolantibus ipsam de more denunciaretur.

Per Disquisitorij scribam confectum id fuit præstitum, qui cum loco abiturus Sanctissimo genuflexisset, Electionem ad formæ terminos exaratam recitans è suggestu, solemniter omnibus intimavit. Audita verò Electione mirari fuit, eatenus omnes reverentiæ in Summum Pontificem constitisse, vt nihil prorsus vel obsequij, vel gaudij ad alium ab vno ipso contingerit redundare, inter quam obsequentis modestiæ non invitam tantum exhibitionem, Neoelectus provolutus ad pedes Sanctissimi Præsidentis, toto seipso indiguit vt submitteret cervicem formidabili jugo, vtque pro dignitate concurrentium rerum ex tempore proloqueretur, breviter enim his fermè verbis profatus est: *Beatissime Pater libenter hæc, quam nec optavi, nec ambiui, obrenunciarem Dignitati, nisi timerem, ne nova jurgia exorirentur, & dissidia, & scandala, ad quæ unice vitanda tanto oneri humeros subjicio, confisus in altissima Sanctitatis vestra Protectione, quam una cum Sanctissima Benedictione suppliciter imploro.* Proinde Summo Pontifici volenti parens,

rens, acceperit prout Sigilla de manu ejus, tantisque auspicijs attoniti Electores, Praesulem suum videntes inauratum, eruperunt demum in Acclamationes peragere jamdudum pressas, atque e statione sua cantorum altero praecinente: *Sanctissima Trinitati laus, & gloria*, elata voce, plenoque Choro ingeminarunt: *Laus, & gloria*; Tum cantor iterum: *Beatissima Virgini honor, & benedictio*, iterumque Electorum vox: *Honor, & benedictio*; Rursus cantor: *Beato Francisco Patri nostro decus, & gratulatio*, & Electores rursus: *Decus, & gratulatio*, Cantor demum: *Beatissimo Domino nostro Sancta, & universalis Ecclesia Pontifici Papa Innocentio Tertio decimo*; qui dignatus est in hoc Capitulo praesidere humiles gratia, multi anni, aeterna memoria, Electoresque similiter iterarunt Spiritu ferventiori: *Humiles gratia, multi anni, aeterna memoria*.

Post effusum gaudium, explicatamque gratiam in modum hunc, Summus Pontifex Indulgentias deinde ad Electores singulos, etiam ipsorum consanguineos ad tertium gradum comprehendentes, aliasque ducentas ab unoquoque pro libito dispensandas, prout Domini Cardinali Secretarii Brevium epistola praestitit, submissurus; Tunc ritu solemniori, precibus nimirum illis ab eodem praevidetur decantatis: *Adjuvandum nostrum in Nomine Domini, &c.* trino Crucis signo sub Augustissimae Trinitatis Nominibus, ter nobis omnibus benedixit, & Primoribus dumtaxat Capituli, qui advenienti obviaverant, sequentibus abeuntem, postquam tantum non quinque horas sic affuit rebus nostris, ut cum semel digredi e folio coactus esset, eas in suspenso haberi jussit donec reverteretur, utque ob incurrentem Sanguinem a sinistro tamenti oculo dolorem perpetem toleraverit, discessit tandem relinquens praesentibus motu subductae praesentiae suae, desideriumque adeo impressum nobis praesentibus, & absentibus suae diutinae sospitatis, ut quod alijs Principibus alij perhibentur ad gratiam palam professi esse, id huic nos per silentium quidem, ut vehementiorum motuum, & profundioris obsequij elinguis natura est, sed revera, sed plenius, sed quam cupidissime succlamantibus animis testati fuimus: *Nihil ultra optaremus, si Te immortalem haberemus.*

ELECTIONES.



IN PRIMIS igitur, postquam Reverendissimus Pater Fr. Ildephonsus Biezma ex Provincia Castellæ, anno 1702. Reverendissimo Patri Fr. Ludovico de la Torre, ex Provincia S. Jacobi vita functo, in Vicarium Generalem Ordinis suffectus fuit, & titulo Generalis Ministri per Sedem Apostolicam decoratus, & postquam huic etiam sublato è vivis anno 1716. successit Reverendissimus Pater Fr. Joseph Garcia ex Provincia Immaculatæ Conceptionis, electus eodem anno Vicarius Generalis, & in sequenti anno 1717. ab eadem Apostolica Sede auctus Titulo Ministri Generalis; præfenti anno 1723. die 15. Maji Pervigilio scilicet Pentecostes, in hoc nostro Romano Templo S. Mariæ de Ara: Coeli, præfente & Præsidente Comitibus Generalibus Sanctissimo Domino Nostro Papa Innocentio XIII. electus fuit in Ministrum Generalem totius Ordinis S. P. N. Francisci Reverendissimus Pater Fr. Laurentius à S. Laurentio ex Romana Regularis Observantiæ Provincia, ejusdem Provinciæ Lector Jubilatus, & Pater, olim sexennio Guardianus Sacri Montis Sion, & nuper sexennio item pro Observantibus Vice-Commissarius Generalis, & ipsius Electio formula quæ hæc subnectitur publicata fuit.

In Nomine Patris, & Filij, & Spiritus Sancti. Jubente Sanctissimo Domino Nostro Papa Innocentio XIII. præfente, & Præsidente in hoc Capitulo Generali totius Ordinis Fratrum Minorum hodie celebrato, assistentibus S. R. E. Cardinalibus, Paulutio Episcopo Albanensi, Congregationis Episcoporum, & Regularium Præsecto, Cortino ejusdem Ordinis apud Sanctam Sedem Protectore, Sanctæ Agnetis Secretario Status, & de Comitibus Sanctitatis suæ secundum carnem Germano Fratre, specialiter à Sanctitate Sua pro Disquisitoribus quoque electis, promulgatur electio Ministri Generalis, vi infra.

Hæc est electio Ministri Generali totius Ordinis

S. Francisci, canonicè celebrata per Fratres Vocales capitulariter, ac legitimè congregatos in præsentì Conventu Aracelinano Urbis, die 15. mensis Maji, anni Domini 1723. in qua quidem electione, &c.

Commissarius Generalis Familia Ultramontana:

Reverendissimus Pater Fr. Joannes de Soto, Provincia Regularis Observantiæ Immaculatæ Conceptionis Lector Jubilatus, & olim Custos, Ex-Secretarius Generalis Ordinis, ejusdemque Ordinis Procurator Generalis, atque vna Commissarius Generalis Indiarum.

Pater, & Diffinitor perpetuus totius Ordinis:

Reverendissimus Pater Fr. Joseph García, Provincia Regularis Observantiæ Immaculatæ Conceptionis Lector Jubilatus, & Pater, Ex-Secretarius Generalis Ordinis, & novissimè Minister Generalis.

Patres, & Diffinitores perpetui Familia Cismontana.

Reverendissimus Pater Fr. Cherubinus de Nardò, Provincia Reform. Sancti Nicolai Lector Emeritus, & Pater, & Observantium, atque Reformatorum Ex-Commissarius Generalis.

Reverendissimus Pater Fr. Celestinus à Mediolano, Provincia Observantiæ Mediolani Lector Jubilatus, Ex-Secretarius Generalis Ordinis, iteratò Minister Provincialis, & Diffinitor Generalis, & per decennium pro Observantibus Vice-Commissarius Generalis.

Reverendissimus Pater Fr. Joannes Cosinus à Monteminiano, Provincia Reform. Tuscanæ Lector Sacræ Theologiæ, Ex-Secretarius Generalis, & Ex-Vice-Commissarius Generalis Reformatorum.

Reverendissimus Pater Fr. Franciscus ab Altamura, Provincia Observ. Terræ Laboris Lector Jubilatus, & novissimè pro Observantibus Vice-Commissarius Generalis.

Reverendissimus Pater Fr. Joannes de Petrasitta, Provinciae Reform. Calabriae Lector Emeritus, atque Pater, Ex-Procurator Generalis Reformatorum, & eorundem novissimè Vice-Commissarius Generalis.

Reverendissimus Pater Fr. Antonius à Neapoli, Provinciae Observ. Terrae-Laboris Lector Generalis, Ex-Secretarius Generalis Ordinis, & Rescripto Apostolico Ex-Commissarius Generalis.

Procurator Generalis in Romana Curia.

A. R. P. Fr. Matthæus à Pareta, Provinciae Observ. Terrae-Laboris Lector Jubilatus, & Ex-Minister, & nuper ejusdem Curiae Commissarius Generalis.

Commissarius Generalis Romanae Curiae.

A. R. P. Fr. Hiacyntus Serrat, Provinciae Catalauniae Lector Jubilatus, & Pater.

Procurator Generalis in Curia Romana pro Reformatis.

A. R. P. Fr. Benedictus à Castro Arquato, Provinciae Reform. Bononiae Lector Emeritus, & Pater, qui novissimè eodem Procuratoris Generalis Officioungebatur.

*Procurator Generalis in Romana Curia pro Excalceatis,
& Recollectis.*

A. R. P. Fr. Joannes Diaz, Provinciae Excalceat. S. Didaci in Baethica Lector Theologus, & Minister.

Diffinitores Generales pro Familia Ultramontana.

A. R. P. Fr. Joannes de Salazar, Provinciae Observ. Carthaginensis Lector Jubilatus, & Minister.

A. R. P. Fr. Antonius Daro, Provinciae Burgenfis Lector Jubilatus, & Pater, & Ex-Secretarius Generalis Ordinis.

A. R. P. Fr. Carolus Bourget, Provinciae Observ. Franciae Parisiensis Lector Jubilatus, & Pater, Doctor Sorabonicus, & per Gallias Commissarius Generalis Terrae Sanctae.

A. R. P. Fr. Petrus Poisson Concionator Regis Christianissimi, Provinciae Observ. Franciae Lector Jubilatus, & Pro-Minister.

A. R. P. Fr. Saturninus Dirop, Provinciae Britanniae Recollectorum Lector Emeritus, Pater, & Pro-Minister.

A. R. P. Fr. Michael Mosterz, Provinciae Recollect. Colonienfis Lector Jubilatus, & Minister.

A. R. P. Fr. Franciscus Delamar, Provinciae Recollect. Hybernicae Lector Jubilatus, & Minister.

A. R. P. Fr. Emmanuel de Remedijs, Provinciae Observ. Algarbiorum Lector Jubilatus, Pater, & Custos.

A. R. P. Fr. Thomas Montalbo, Provinciae Excalceat. Granatae Lector Theologus, & Minister.

A. R. P. Fr. Joseph de Sancta Theresia, Provinciae Terrij Ordinis Lusitaniae Lector Jubilatus, Pater, & Custos.

Diffinitores Generales pro Familia Cismontana.

A. R. P. Fr. Carolus à Corleto, Provinciae Observ. Basilicatae Lector Jubilatus, Ex Minister, & Curiae Romanae Ex-Commissarius Generalis.

A. R. P. Fr. Bartholomaeus à Vulsinio, Provinciae Observ. Romanae Lector Jubilatus, Ex-Secretarius Generalis, & Minister Provincialis.

A. R. P. Fr. Gabriel à Veretijs, Provinciae Observ. S. Antonij Lector Jubilatus, & Pater.

A. R. P. Fr. Albericus Balbianus à Liburno, Provinciae Observ. Thusciae Pater, & Provisor Capituli Generalis.

A. R. P. Fr. Joannes Franciscus à Sorexina, Provinciae Observ. Mediolani Lector Jubilatus, & iterato Secretarius Generalis Ordinis.

A. R. P. Fr. Hilarius Maria de Ragusio, Provinciae Observ. Ragusij Lector Theologus, & Minister.

A. R. P. Fr. Andreas Pordagni, Provinciæ Reform.
Hungariæ S. Mariæ Lector Emeritus, & Minister.

A. R. P. Fr. Joannes Benedictus à Sarzana, Provinciæ
Reform. Genuens Lector Emeritus, atque Custos.

A. R. P. Fr. Serafinus à S. Fratelo, Provinciæ Refor.
Siciliæ Pater, & Custos.

A. R. P. Fr. Michael Angelus à Gallipoli, Provinciæ
Reform. S. Nicolai Lector Emeritus, & Minister.

Guardianus S. Montis Sion.

R. P. Fr. Jacobus de Luca, Provinciæ Observ. Ro-
manæ Missionarius Apostolicus.

Leñores Generales Sacra Theologia.

In Conventibus ad Jubilationem designatis.

In Provincia Romana.

In Conventu S. Mariæ de Ara-Cœli.

P. Fr. Casimirus de Roma.

P. Fr. Joannes Carolus de Roma.

P. Fr. Joseph Maria ab Eborâ.

In Conventu Paradisi Viterbij.

P. Fr. Joseph Maria ab Artio.

P. Fr. Vincentius Antonius de Caprarola.

P. Fr. Andreas à Furno Volasco.

In Provincia S. P. N. Francisci.

In Conventu S. Francisci Montis Perusij.

P. Fr. Hippolitus à Coceto.

P. Fr. Franciscus Antonius de Brixia.

P. Fr. Mauritius Andreas à Portu Mauritio.

In Conventu S. Hieronymi Perusij.

P. Fr. Ludovicus de Venetijs.

P. Fr. Antonius Maria de Mediolano.

P. Fr. Vincentius Antonius de Roma.

11
In Provincia Marchia.

- In Conventu S. Francisci Anconæ.
P. Fr. Joannes Baptista de Albacina.
P. Fr. Franciscus Maria à Pisapro.
P. Fr. Dominicus Andreas de Ancona.
In Conventu S. Mariæ Novæ Fani.
P. Fr. Crescentius à Domobasciana.
P. Fr. Joseph Maria de Ancona.
P. Fr. Antonius Maria ab Utino.

In Provincia Tuscia.

- In Conventu Omnium Sanctorum Florentiæ.
P. Fr. Thomas Felix à Castrofranco.
P. Fr. Candidus de Pelago.
P. Fr. Angelus Cherubinus de Florentia.
In Conventu S. Francisci Lucæ.
P. Fr. Raphael à Barberino.
P. Fr. Leopoldus de Florentia.
P. Fr. Deodatus à Volaterris.

In Provincia Bononia.

- In Conventu SS. Nuntiarum Bononiarum.
P. Fr. Aloysius à Carpo.
P. Fr. Jacobus à Finali.
P. Fr. Honorius de Bononia.
In Conventu S. Spiritus Ferrariæ.
P. Fr. Joseph Maria à Mirandula.
P. Fr. Joannes Baptista de Faventia.
P. Fr. Egidius Antonius à Carpo.

In Provincia Sancti Antonij.

- In Conventu S. Francisci Paduæ.
P. Fr. Michael Angelus de Venetijs.
P. Fr. Laurentius Antonius à Sumontio.
P. Fr. Joannes de Cadore.

In Conventu S. Francisci Vinæarum.

P. Fr. Joannes Petrus Antonius de Venetijs.

P. Fr. Joseph de Marostica.

P. Fr. Alexander Maria de Venetijs.

In Provincia Genue.

In Conventu Sanctissimæ Annuntiæ Genue.

P. Fr. Cherubinus à Capriata.

P. Fr. Aloysius Cajetanus de Albinga.

P. Fr. Franciscus de Camulio.

In Provincia Mediolani.

In Conventu S. Angeli Mediolani.

P. Fr. Mauritius à Briantia.

P. Fr. Carolus Antonius à Lauda.

P. Fr. Ludovicus à Carcano.

In Provincia Principatus.

In Conventu S. Didaci Neapolis.

P. Fr. Andreas ab Altavilla.

P. Fr. Cajetanus de Laurino.

P. Fr. Cajetanus Maria de Neapoli.

In Provincia Sanctorum septem Martyrum.

In Conventu S. Mariæ Jesu Montis Leonis.

P. Fr. Hermenegildus ab Aci.

P. Fr. Salvator ab Aquaro.

P. Fr. Joannes Baptista de Francica.

In Provincia Sicilia.

In Conventu S. Mariæ Jesu Messanæ.

P. Fr. Reginaldus ab Aci.

P. Fr. Seraphinus à Castania.

P. Fr. Rosarius à Pactis.

*In Provincia S. Nicolai:**In Conventu S. Antonij Licij.*

P. Fr. Franciscus Antonius à S. Vito:

P. Fr. Franciscus Maria ab Andria,

P. Fr. Jacobus à Locorotundo.

*In Provincia S. Bernardini:**In Conventu S. Bernardini Aquilæ.*

P. Fr. Cajetanus ab Interaquis.

P. Fr. Angelus Maria de Spinetulo:

P. Fr. Fabritius Cajetan. à Vallemontana:

*In Provincia S. Angeli:**In Conventu Jesu Mariæ Fogiæ.*

P. Fr. Nicolaus Antonius de Cuperfanò:

P. Fr. Angelus à S. Nicandro.

P. Fr. Joannes Baptista à Monte Gargano:

*In Provincia Dalmatiæ.**In Conventu S. Annæ Justinopolis:*

P. Fr.

P. Fr.

P. Fr.

*In Provincia Corsicæ:**In Conventu S. Francisci Bastiæ.*

P. Fr. Isaias à Campo laurco.

P. Fr. Jacobus ab Ochiatana.

P. Fr. Petrus Nicolaus à Capratola:

*In Provincia Ragusij.**In Conventu S. Francisci Ragusij.*

P. Fr. Ignatius à Ragusio.

P. Fr. Antonius à Ragusio.
P. Fr. Petrus Paulus à Placentia.

In Provincia Brixia.

In Conventu S. Joseph Brixia.
P. Fr. Franciscus Isidorus de Brixia.
P. Fr. Elisæus de Brixia.
P. Fr. Innocentius de Brixia.

In Provincia Basilicata.

In Conventu S. Antonij Tiri.
P. Fr. Joseph de Craco.
P. Fr. Michael Angelus à S. Mauro.
P. Fr. Nicolaus à Lacunigro.

In Provincia Bosnae Argentina.

In Conventu S. Francisci Budæ.
P. Fr. Simon Micich à Possëga.
P. Fr. Petrus à Mostaria.
P. Fr. Laurentius à Buda.

In Provincia Terra-Laboris.

In Conventu S. Mariæ Novæ Neapolis.
P. Fr. Michael à S. Marcellino.
P. Fr. Samuel de Neapoli.
P. Fr. Antonius de Capreis.

In Provincia Calabria.

In Conventu S. Francisci Cōsentiæ.
P. Fr.
P. Fr. Bernardinus de Morano.
P. Fr. Antonius de Terranova.

In Provincia S. Didaci.

- In Conventu S. Bernardini Alexandriæ.
 P. Fr. Angelus Joseph ab Alexandria.
 P. Fr. Carolus Franciscus à Solerio.
 P. Fr. Lucius à Solerio.

In Provincia S. Thomæ Apostoli.

- In Conventu S. Thomæ Taurini.
 P. Fr. Paulus Franciscus à Monteforti;
 P. Fr. Marcellus de Cuneo.
 P. Fr. Ludovicus à Montevici.

In Provincia Vallis Mazariæ.

- In Conventu S. Mariæ Angelorum Panormi;
 P. Fr. Uvillelmus de Sospello.
 P. Fr. Ægidus à Marsalia.
 P. Fr. Antonius Maria de Panormo.

In Provincia Vallis Neti.

- In Conventu S. Mariæ Jesu Modicæ.
 P. Fr. Constantius à Melita.
 P. Fr. Joachinus à Melita.
 P. Fr. Antonius Maria à Calatayrone;

In Provincia Russia.

- In Conventu S. Andreæ Leopoli.
 P. Fr. Joannes Maria à Montopoli.
 P. Fr. Alexius de Roma.

DECRETUM

SUMMI PONTIFICIS

INNOCENTII XIII.

PROHIBENS IN PERPETUUM

Subrogationes Vocalium quacumque de
causa ad Generale Capitulum non
accedentium.

Ordinis Minorum S. Francisci.

Humilibus exhibitis precibus Sanctissimo Domino
Nostro Papæ Innocentio XIII. in præsen-
ti, Miniſter Generalis ejuſdem Ordinis Fr. Joſeph
Garcia enixè ſupplicavit, vt Sanctitas Sua benignè ſibi im-
pertiri dignaretur facultatem ſubrogandi alios idoneos
Fratres in ſuffragio præſtando pro electione Miniſtri Ge-
neralis Succeſſoris in eodem Capitulo faciendæ loco, ſive
vice abſentium Vocalium, qui ex longinquis Regionibus
ultra Mare tempore congruo accedere, ſive intereſſe non
valuerunt, pluribus deductis cauſis, rationibuſque, & præ-
ſertim quia aliàs Summi Romani Pontifices inſtantibus
Miniſtris Generalibus ſimilibus precibus aliquando annue-
re dignati fuerunt, etiamque in præſenti, quod Convo-
catio huiuſmodi Capituli Generalis à Sanctiſſimo facta in
remotis illis Regionibus pervenerit tempore congruo,
non conſtat.

Attamen Sanctiſſimus Dominus Noſter re maturè
perpenſa non ſine animi ſui anguſtia ejuſmodi ſuppli-
cationibus dicti Miniſtri Generalis erga Sedem Apoſ-
tolicam,

tolicam, suamque Religionem optimè metiri minimè annuere censuit, atque confidit, eo quo Minister ipse Generalis flagrat zelo, forè vt libenter patiatur, quod Sanctitas Sua precibus ejusmodi non annuat; Sedulò perpendens à subrogationibus hujusmodi abstinere expediens omninò esse, ne intrinsecus, & extrinsecus libertatem in Capitulis Generalibus insultandi, & detrahendi, occasio, & exemplum vel etiam immeritò desumatur; Sicque vndeque integra, illibata, & intacta Vocalibus convenientibus ad Capitulum remaneat eligendi facultas, in quibus juxta Juris, & Instituti Regulas consolidari jus eligendi debet, convenit, & expedit; Ex quibus alijsque rationibus subrogationes hujusmodi fieri, nedum ipsa Statuta Ordinis expressè prohibuerunt, sed & Constitutiones Apostolicæ districtè interdixerunt: Quemadmodum in Constitutione Innocentij XIII. Prædecessoris incipien. *Christi fidelium*, §. *Pependentes* edita Romæ 16. Februarij 1694. in qua expressè absentium Vocalium vota, nec Protectoris, nec cujuscumque alterius, nec etiam ipsarum Cardinalium Congregationum Auctoritate suppleri, seu alios Vocales eorundem absentium loco subrogari prohibuit.

Quapropter Sanctitas Sua pro suo in hunc particularem Gregem benedicente Domino, sub ejus oculis, & præsentia congregatum Pastoralis Zelo, & Apostolicæ dilectionis affectu, vt Sacrosancta libertas in electione omninò integra, prout juris est, Vocalibus in Capitulo congregatis conservetur, vtque exemplo cæteris in posterum congregandis salubris hæc provisio fiat, eas omnes prohibitiones circa subrogationes nedam derogare noluit, sed confirmando, & approbando, omninò observari mandavit, & præcepit; atque iterum, quatenus opus sit, subrogationes, & suppletiones votorum loco, & vice Vocalium absentium prohibuit, & interdixit: ita vt subrogationes, & dispensationes forsan impetratæ à Romanis Pontificibus in futurum subreptitiæ, & obreptitiæ censeantur, nisi facta de hujusmodi Decreto mentione, & speciali ejus derogatione. Insuperque Sanctitas Sua ad majorem cautelam omnes, & singulos Juris, & facti


des

defectus, si qui forsan intervenerint, siue interveniant, propter Vocalium hujusmodi absentiam ob non fortasse perventam ad aliquas remotas Proviocias Intimationis hujus Capituli notitiam ex plenitudine Apostolicæ Potestatis motu proprio, ac certa scientia, hoc præsentis Decreto supplevit, & supplet.

Quod quidem Decretum provisionis, seu prohibitionis idem Sanctissimus expediri per Congregationem Episcoporum, & Regularium, ac in ejus Regestis transcribi, publicarique in præsentis Capitulo Generali congregato, ac inter ejus acta registrari ad perpetuam memoriam Sanctitas Sua mandavit, & indixit. Dat. Romæ die 15. Maji 1723.

-F. Cardinalis Paulutius.

V. Archiepiscopus Damascenus Secret.



DECRETUM

EJUSDEM SUMMI PONTIFICIS

IN IPSO CAPITULO GENERALI


ab illo datum, quo scilicet Electionem advocabat

sibi, nisi ea primo Scrutinio confecta esset.

IN præsentis Generali Capitulo sub Præsidentia Sanctissimi Domini Nostri Papæ Innocentij XIII. cum mox Scrutinium sit celebrandum pro Electione Ministri Generalis Ordinis S. Francisci, Sanctitas Sua paternò, quo flagrat, Zelo erga prædilectam hanc Religionem, enixè omnes, & singulos Vocales in Domino hortatur, & monet, vt proprij muneris conscij in eum confpirent votis, quem secundum Deum idoneum pro tanto mu-

munere ferendo summa maturitate cognoverint. Quod si
 Vocales sibi ipsis indulgentes, & patium adherentium
 studio distracti electionem in hoc Scrutinio, juxta Con-
 stitutionum tenorem non perfecerint, re diutius dissenan-
 tium animorum discordiæ protrahantur, Sanctitas Sua
 motu proprio monet, & declarat, electione Ministri Ge-
 neralis non facta in hoc primo Scrutinio, ipsam electio-
 nem sibi ipsi assumere velle, sicut ex plenitudine Aposto-
 licæ Authoritatis, & præsentis Decreti tenore, nunc pro-
 tunc ad se devolutam declarat, atque decernit, ita ut aliud
 secundum Scrutinium amplius replicari, etiam præsentis
 die non possit, nec debeat. Non obstantibus Ordinis
 Constitutionibus, etiam specialiter à Sede Apostolica con-
 firmatis, aliisque Ordinationibus Apostolicis, Statutis, &
 Consuetudinibus, cæterisque contrariis quibuscumque.
 Quod Decretum Sanctitas Sua in Actis Capitularibus re-
 gistrari mandat. Dat. in Capitulo Generali hac die 15.
 mensis Maji 1723.

G. Card. S. Agnetis.



B R E V E

SUMMI PONTIFICIS
INNOCENTII XIII.

CONFIRMANS IN FORMA SPECIFICA
Statutum Capituli Generalis de Precibus,
& Suffragijs pro eodem in Ordine
perfolvendis.

INNOCENTIUS PP. XIII.

Ad perpetuam rei memoriam:

EX injuncti nobis divinitus Pastoralis Officij debito illa, quæ à Christi fidelibus Altissimi Obsequijs sub suavi Regularis Disciplinæ jugo mancipatis vberique bonorum operum fructus benedicente Domino proferre jugiter satagentibus pio, vnanimique constituta esse noscuntur consilio, ut perpetua firmitate perennetur, libenter Apostolici muniminis nostri praesidio, cum id à nobis petitur, roboramus. Exponi siquidem nobis nuper fecerunt dilecti Filij Minister Generalis, & Diffinitores etiam Generales Ordinis Fratrum Minorum S. Francisci, tam de Observantia, quam Reformatorem punctuorum, quod ipsi, alijque ejusdem Ordinis Fratres in eorum Capitulo Generali novissime in Conventu S. Mariæ de Ara-Coeli Almae Urbis nostræ celebrato simul congregati, ac secum reputantes peculiarem illum paternæ charitatis affectum, quo univèrsam Ordinem prædictum in humilitate quippè, & paupertate fundatum, ac præclaris in Catholicam Religionem, & hanc Sanctam Sedem me-

meritis fulgentem, prisco Gentis nostræ, plurimumque de
 Sanguine, & Familia nostra Romanorum Pontificum
 Prædecessorum nostrorum, qui eundem Ordinem,
 illiusque Fratres plurimi semper fecerunt, more & ins-
 tituta complectimur, necnon recolentes recentia, atque
 laetolenta Pontificiæ nostræ benevolentia argumenta,
 quæ eis, vel maximè perhibuimus occasione memorati
 eorum Capituli Generalis, quod non modo coram no-
 bis convocauimus, sed præsentia etiam nostra decorari
 voluimus; ac propterea aliquod grati, & devoti illorum
 in nos animi testimonium exhibere, ac perpetuum mo-
 numentum extare cupientes, communibus suffragijs de-
 cretum ediderunt, & promulgarunt thesoris, qui sequi-
 tur videlicet. Decretum. Cum Sanctissimus Dominus
 Noster Innocentius Divina Providentia Papa XIII. egre-
 giam in nostrum Ordinem voluntatem à Majoribus suis
 etiam ad Apostolicam Sedem evectis jure quodam San-
 guinis, ac indita suæ Gentis pietate in se derivatam sin-
 gulari beneficentiæ, atque amoris argumento compro-
 bare volens universæ Familiæ nostræ Comitibus Idibus
 Maji in Aedibus S. Mariz de Ara-Cœli celebratis digna-
 tus sit interesse, ac præsidere, tanta Optimi Principis
 humanitate, ac majestate simul, ut erumpentes præ gau-
 dio lachrymas coram Apostolico Throno vix revocandi
 nobis potestas fieret; ne tam illustis beneficii memoria
 vlla vnquam temporum injuria, aut asperitate nostrorum
 mentibus excedat, Generale Capitulum gratum animam,
 vtut per Franciscanam paupertatem licet, exhibere cu-
 piens, proponente Reverendissimo Patre Ministro Ge-
 nerali, approbantibusque Diffinitorij Patribus statuit,
 atque decernit, vt faustus ille dies, qui tanta, ac tam in-
 signi Clementissimi Principis dignatione honestatus est,
 inter festivos, & toti Ordini Sacros perpetuis futuris
 temporibus habeatur, singulisque annis eodem ipso re-
 currente die in omnibus vtriusque Familiæ Conventibus
 pro longæva prosperitate Sanctitatis suæ, atque inclytæ
 nobilissimæque suæ Domus incolumitate, ac sospitate
 Sacrum solemne peragatur, atque omnibus vniuersi Or-
 dinis vtriusque sexus Fratribus, & Sororibus eadem pro-

re crebrae ad Deum preces fundantur. Ne autem hae grati animi testificatio una cum vita Sanctitatis Suae, quam Deus Optimus Maximus ad Christianae Reipublicae felicitatem, & Nostri Ordinis compendium diu, multumque servare dignetur, finem aspiciat, Idem Capitulum Generale proponente eodem Reverendissimo Generali Ministro, probantibusque eisdem Diffinitorij Patribus, statuit, ac mandat, ut cum Sanctitas Sua viam universae carnis ingressus mortales haec exuvias reliquerit, pro ejus Animae requie omnes, & singuli universi Ordinis Sacerdotes tres Missas celebrent, & in singulis Conventibus solemnis Missa cum integro Defunctorum Officio decantetur. Clerici verò, & Laici, Monialesque omnes, ac respectivè singuli, & singulae tres, ut ajunt, Coronas B. Mariae Virginis, & duas Stationes recitent, atque insuper, ut monumento numquam interituro tanti Pontificis memoria consignetur, in omnibus universi Ordinis Conventibus perpetuò pro anima ejus fiat Aniversarium. Id autem in omnes tabulas Ordinis inscribi, ac inferri, & per universum Franciscanum Orbem promulgari idem Capitulum Generale cavit, sanxit, ac decretum voluit in Comitij Generalibus Arahitanis hac die 17. mensis Maji anno Domini 1723. Fr. Laurentius à S. Laurentio Minister Generalis. Fr. Joseph Garcia Ex-Minister Generalis. Fr. Joannes de Soto Commissarius Generalis, & Indiarum. Fr. Cherubinus à Nardo Ex-Commissarius Generalis. Fr. Deodatus à Roma Ex-Vice Commissarius Reformatorem. Fr. Franciscus ab Altamura Ex-Vice Commissarius Generalis Observ. Fr. Antonius Blanch Discretus perpetuus Ordinis. Fr. Joannes Cosmus à Monte Miniani Discretus perpetuus Ordinis. Fr. Joannes à Petrasitta Ex-Vice Commissarius Generalis. Loco ✕ sigilli. Cum autem sicut eadem expositio subjungebat, ipsi exponentes Decretum hujusmodi à nobis approbari, & quo firmius subsistat, Apostolicæ confirmationis nostrae patrocínio communiri plurimum desiderent: Nos sinceram Fratrum Ordinis praedicti in nos, & Sedem Apostolicam devotionem attendentes, plurimumque in Domino commendantes,

tes, enixis, ac iteratis supplicationibus eorundem exponentium nomine nobis super hoc humiliter porrectis inclinati; Decretum præinscriptum Auctoritate Apostolica harum serie approbamus, & confirmamus, ratumque, & acceptum habemus, illique inviolabilis Apostolicæ firmitatis robur adjicimus, ac omnes, & singulos Juris, & fidei defectus, siqui desuper quomodolibet intervernerint, supplemus, Decernentes easdem præsentis litteras semper firmas, validas, & efficaces existere, & fore suosque plenarios, & integros effectus sortiri, & obtinere, ac ab illis, ad quos spectat, & pro tempore quodcumque spectabit, inviolabiliter observari, sicque in præmissis per quoscumque Judices Ordinarios, & Delegatos etiam Causarum Palatii Apostolici Auditores judicari, & definiti debere; ac irritum, & inane, si secus super his à quoquam quavis auctoritate scienter, vel ignoranter contigerit attentari. Non obstantibus præmissis, ac Constitutionibus, & Ordinationibus Apostolicis, necnon quatenus opus sit, prædicti Ordinis, alijsvè quibuscumque etiam juramento, Confirmatione Apostolica, vel quavis firmitate alia roboratis Statutis, & Consuetudinibus, Privilegijs quoque, Indulgis, & Litteris Apostolicis in Communium præmissorum quomodolibet concessis, confirmatis, innovatis; quibus omnibus, & singulis, illorum tenores, præsentibus prò plenè, & sufficienter expressis, & ad verbum insertis habentes, illis aliàs in suo robore permansuris, ad præmissorum effectum hac vice dumtaxat specialiter, & expresse derogamus, ceterisque contrarijs quibuscumque. Volumus autem, ut ipsarum præsentium litterarum transumptis, seu exemplis etiam impressis manu alicujus Notarii publici subscriptis, & sigillo Personæ in Ecclesiastica Dignitate constitutz munitis eadem prorsus Fides in Judicio, & extra illud habeatur, quæ haberetur eisdem præsentibus, si forent exhibitæ, vel offensæ. Datum Romæ apud Sanctam Mariam Majorem sub annulo Piscatoris die 3. Junij 1723. Pontificatus Nostri anno tertio.

F. Cardinalis Oliverius.

F.^R LAURENTIUS

A S. LAURENTIO

TOTIUS ORDINIS

S. P. N. Francisci Minis-
ter Generalis , &
Servus.

UNIVERSIS ; ET SINGULIS

*Superioribus, & Subditis Nostræ Curæ subjectis,
tàm Observantibus, quàm Reformatis, Reco-
llectis, Excalceatis, Tertij Ordinis, vel alio
quocumque nomine nuncupatis Textum Regulæ
Seraphicæ sub vno capite profitentibus, salutem,
& Seraphicam Benedictionem.*

QUAE nuper à summa, ac penè incredibili Sanc-
tissimi Domini Nostri Innocentij, Divina Pro-
videntia Papæ XIII. beneficiencia præclare
sunt, ac insignitèr gesta ad decus nostri Or-
dinis sempiternum, & si neminem Vestrum latere posse
arbitramur, tùm quod res ipsa suomet nomine celebris
per silentium abscondi minimè patitur, tùm quod in-
gens nostrorum frequentia ex toto ferè Terrarum Or-
be collecta grati animi debito, ac religioni ducti ubi-
que illa prædicare, placuit tamen parvitati nostræ ea-
dem Vobis per litteras renunciare, ut qui licet imme-
riti

riti ad totius Ordinis regimen fuimus, Deo disponente;
 promoti, ex nostra insinuatione excitetur in Vobis com-
 munitis causa letitiae, & una sit cum capite omnium
 membrorum in pia exaltatione consensus. Et sanè No-
 bis magno opere laudandum est, quod hac temporum
 conditione Eum Divina Clementia Ecclesiae Sanctae Suae
 Pastorem, ac toti Christiano Orbi Principem dederit,
 qui non solum ex illa gente ortus est, quae sicuti egre-
 gios Apostolicae Sedi Pontifices, ac praeclaros Christia-
 nae Reipublicae Instauratores, & Vindicces identidem
 peperit, ita ob ingenitam inclyto sanguini pietatem
 eosdem Protectores eximios, Parentesque benignis-
 simos praeformavit, Fraternalitatem nostram tenerimè
 diligentes, honestantes, ac modis, studiisque omnibus
 confoventes, sed qui etiam domesticis hisce exemplis
 admonitus omnium majorum suorum pietatem in se
 vnum cumulatiùs derivatam singularibus in dies huma-
 nitatis, ac benignitatis documentis nititur comprobare.
 Illud equidem insigne egregiae in nos voluntatis suae ar-
 gumentum est, quod inter primas Apostolici pectoris
 curas de toto Orbe solliciti illam nec respuerit, nec re-
 liquam fecerit, sed ex animo foverit, quae universae Fa-
 miliae Nostrae splendori, unicuique verò nostrum com-
 modis, utilitati, omnique bono studeret. Hinc illa Pa-
 terni amoris dignatio, quae non tantum generalia nostra
 comitia temporum asperitate diu intermissa coram se
 indicere, nobisque de nostris rebus conferendi consilia,
 Magistratus nostros creandi potestatem facere voluit,
 quae magna humanitas est, sed etiam (quod vota nostra
 excedere possit) eidem Comitibus interesse, ac praesidere
 per se ipse non est dedignatus; non insueto quidem Pon-
 tificiae comitatus exemplo, si Superiorum aetatum con-
 suetudinem inspiciamus, sed novo, ac planè mirabili,
 si praesentis aevi magnificentiae, ac Romanorum Pontifi-
 cum Majestatis rationem habeamus. Haec autem, & si
 Vobis omnibus perspicua esse petamus, jubemus ad me-
 moriam revocari, ut quantum totus Seraphicus Ordo,
 ac unusquisque nostrum Optimo Benignissimoque Prin-
 cipi debeamus, quantumque nos felicitatem temporis
 hujus

hujus nobis ipsis gratulari oporteat, ex nostris litteris intelligaris. Neque tamen ignoramus, inter tot communis gaudij argumenta id vnum fortè permolestum vobis contingere potuisse, quod ijs in Comitijis humilitas nostra totius Ordinis clavo admota sit, in quibus pro rei dignitate, ac splendore Pontificiæ præsentiae cum deceret Supremum Vestri Moderatorem renuntiari, qui omni Virtutum genere ornatus non solum oneri par esset, sed etiam eo maiorem omni expectatione se ipse probaret, quod tam præclaris est inauguratus auspicijs. Sed quanquam exiguitatis nostræ memores, Nos tales non esse noscamus, qui huic muneri dignè exequendo pares simus, alacres tamen demandatum nobis onus suscepimus, cum Divini Numinis præsidio, cujus sapientiae consilio tenuitas nostra ad summum tam illustris Ordinis regimen erecta est, tum Vestra confisi virtute, qui vocati in partem hujus sollicitudinis potius nostræ insufficientiæ commissum ea ratione levare potestis, quod alijs Fratribus præsidentes in gregè vobis concredito severioris instituti propositum custodiendi, Sancti, ac Seraphici P. N. Francisci præcepta consiliavè instaurandi, majorum nostrorum exempla fovendi vestris hortamentis, doctrinis, exemplis facultatem habetis. Quod enim nostris viribus assequi non valemus, ut in tota, ac tam magna Ordinis Nostri amplitudine Sanctæ Nostræ Regulæ forma ubique inviolata servetur, Regulæ Disciplina rigor nullibi laxetur, honestæ, ac ingenue artes undique excitentur, instituta denique, ac jura omnia, facta rectaque custodiantur; id omni solertia, vigilantia, sollicitudine eorum, quibus alijs præesse à Domino datum est, facile nos consequuturos esse speramus. Hortamur propterea Provinciarum Ministros, ac Prælatos omnes, ut ita Subditis suis imperare norint, ut filijs non mancipijs præesse se cogitent, neque ut dominantes in cleris, sed forma facti gregis ex animo, in omnibus seipsos præbeant, secundum Apostoli monitum, exemplum bonorum operum in doctrina, in integritate, in gravitate. Eam autem optamus adhibeant ægris animis medicinam, quæ piam Matrem debeat, non quæ impio-

1. Petr. cap. 5

Ad Tit. c. 2.

Domini sapiat austeritatem, formam illam præ oculis habentes, quam Seraphicus Pater Noster Franciscus Prælati suis servandam præscripsit, ut sint in *mandatis moderati, in peccatores misericordes, in condemnando faciles, in verbis mansueti*. Sic enim exulceratæ mentes facilius ad sanitatem revocantur, cum asperitas correctionis oleo lenitur mansuetudinis. Id autem nullus Prælatorum consequi se posse præsumat; nisi quos corrigit ex charitate diligit. Enim verò, ut verè divinè Seraphicus Patriarcha Noster scriptum reliquit, *tolerare non poterit, quos amare desierit*. Ante omnia itaque Fratres charissimi, quibus à Domino Fratrum Vestrorum regimen commissum est, nolite esse sapientes in oculis vestris, nec vestræ inniti prudentiæ, sed illam potiùs à Deo petite, quæ desursum est, sapientiam habitantem in consilio, & ea, non quæ carnis sunt, sed quæ spiritus suggerentem. Hanc enim, quæ summè necessaria est animarum rectoribus, vos adeptos esse indicio erit, si humanis afflictionibus vacui, privatisque studiis spoliati mansuetudinem, lenitatem, suavitatem in præcipiendo, hortando, arguendo adhibueritis: *Benignus est enim, ut sapiens ait, Spiritus sapientia*. Quod si zelum amarum habetis, admonet vos in sua Canonica Epistola B. Jacobus, & contentiones sint in cordibus vestris, non est ista sapientia desursum descendens, sed terrena, animalis, diabolica. Qui ergo estis Deo pro Fratribus vobis conceditis rationem reddaturi, in id sæculò curas vestras intendere, ne ad iracundiam provocetis Filios vestros, sed potiùs bonorum operum, & Sanctæ conversationis exemplo formam eis præbeatis, ad quam mores suos componere valeant: Custodientes fidelitèr in eis depositum Patrum Nostrorum: Propter quod et, Apostolus monet, *remissas manus, & soluta genua erigite, & gressus rectos facite pedibus vestris, ut non claudicans quis erret, magis autem sanetur*, pro virili contendentes, ne super vos prophetica illa exprobratio descendat: *Quod infirmum fuit non consolidastis, & quod egrotum non sanastis, quod confractum non alligastis, & quod abjectum non reduxistis, & quod perierat non quaesistis: Sed*

B. Franc. in Opusc. epist. 9. ad Provinciales Ministros.

B. Franc. in Opusc. Epist. T. ad F. Eliā.

Sapient. 10

Jacob. 3

Ad Hæbr. 12

Ezech. 34

cum

cum auctoritate imperabatis eis, & cum potentia. Hæc, si pro vestra prudentia memoria repetere vos non pigeat, hand dubitamus, quin, quod in votis habemus, ut de sollicitudine vestra gloriemur, tanquam de gaudio, & corona nostra, Nobis ex sententia succedat. Univerfos autem Vos, ac singulos Fratres per viscera charitatis Christi obsecramus, & obtestamur, ut memores finis Sancti Instituti Vestri, & Sacramenti, quo vos ipsi ad-
gistis ad serviendum Deo viventi, ut abnegantes impietatem, & secularia desideria, sobriè, iustè, & piè vivatis in hoc sæculo, Apostolicum illud vobiscum identidem reputantes, quod nemo militans Deo implicat se negotijs secularibus. Non sint inter vos, autem in potestatum, officiorumque dissimilitudine animorum dissidia, non contentiones, non similitates, non odia: Quod si invicem, ut præmonet Apostolus, mordetis, & comeditis: Videte ne ab invicem consumamini. Discordia enim maximas quasque res dilabi, ac penitus frangi, nemo est, qui nesciat: Induitè vos ergo, liceat nobis Apostolica verba usurpare, sicut electi Dei, Sancti, & Dilecti viscera misericordiae, benignitatem, humilitatem, modestiam, patientiam, supportantes invicem, si quis adversus aliquem habet querelam: Sicut & Dominus donavit vobis, ita & vos. Super omnia autem hæc charitatem habete, quæ est vinculum perfectionis. Neque tamen velimus, vos tantum metipsis indulgeatis, ut dignam nominibus Vestris, & Ordine, cui nomen dedistis, vivendi rationem Vos inire credatis, quod vestris in Coenobijs Deo vacatis, nisi etiam proximorum saluti, exterorum ædificationi, Catholicæ Ecclesiæ utilitati solerter prospiciatis. Non ad hoc enim instituti estis à B. P. N. Francisco, ut vobis solis vivatis, sed magis, ut alijs proficiatis, ut Christi bonus odor ubique sitis, talibusque moribus in edito Ecclesiæ loco præfulgeatis, ut is qui ex adverso est vereatur nihil habens malum dicere de vobis. Hoc vos monet Regula, quam Domino promissistis, hoc Patrum, ac Majorum Nostrorum exempla, hoc denique singularis in Nos, Ordinemque Nostrium Sanctissimi Universalis Ecclesiæ Pastoris Clementia, quam
in

Ad Tit. 2.

2. Timoth. 2.

Galat. 5.

Ad Colof. 3.


Ad Tit. 2.

in dies promereri debemus illustribus pro ipsa Ecclesia
operibus, gestisque præclaris, ut digni habeamur, in
quibus tot, & tam specialia illius beneficia dignè, ac
decentè collocata reputentur. Hæc sunt Fratres Cha-
rissimi, quæ humilitas nostra æqui, bonique facit gene-
ralim Charitati Vestræ suggerere, ut nostro, quo Vos Pa-
terno Amore complectimur, & unicuique Vestrum de-
cori, quantum cum Domino possumus, consulamus;
Cætera verò, quæ nostris in Comitijis communi sunt
consensione firmata, & quæ Nos specialitèr pro publi-
co bono ducimus præscribenda, in alia encyclica nos-
tra, Domino favente, accipietis. Intereà verò crebras
ad Deum preces fundite pro longæva, prosperavè Sanc-
tissimi Domini Nostri incolumitate, & sospitate, pro
Christianorum Principum pace, & concordia, pro Emi-
nentissimo Cardinali Protectore Nostro, & pro no-
bis tandem, qui Seraphicam Vobis impartimur bene-
dictionem. Datum Romæ ex Nostro Aracoelitano Con-
ventu nonis Junij millesimi septingentesimi vigesimi
tertij.

Fr. Laurentius à S. Laurentio,
Minister Generalis,

Loco ✕ sigilli.

*De mandato Suae Paternitatis
Reverendissima,
Fr. Antonius à Mazaria,
Secretarius Generalis Ordinis*



STATUTA

PRO UTRAQUE FAMILIA.

PROTESTATUR Capitulum Generale se profiteri, ac observare Regulam S. P. N. Francisci secundum suam omnimodam puritatem juxta declarationes Nicolai III. & Clementis V. & si quis ausu temerario docere intenderit, præcepta ipsius sub peccato obligatoria non esse, tanquam suspectus doctrinæ prævæ tractetur, & puniatur.

2 Renovatur pro Cismontana Familia, & ad Familiam extenditur Ultramontanam, Statutum Capituli Generalis Romani anni 1688. quo tolluntur omnino de medio quarti Lectores Theologiæ sub iisdem poenis, & clausulis in eo appositis, imò quantum ad Cismontanam Familiam statuitur, ut illicò auferantur.

3 Si Lector Jubilatus de numero alio æquali, aut potiori titulo gaudeat privilegijs, quibus vii Lector de numero gauderet, occupet locum ejus Lector antiquior de non numero, & ad privilegia tanquam Lector de numero admittatur, modo præfatus alterius titulus sit permanens perpetuusque; idemque est si Lector aliquis Jubilatus de numero perpetuò abdicet se privilegijs suæ jubilationis.

4 Districte injungitur, & in virtute Sanctæ Obedientiæ omnibus, & singulis Provinciarum Subditis, & Superioribus, ut servant, atque servari faciant Conventionum antiquos limites, & laudabiles secundum nationum usus pro Eleemosynis colligendis, qui quidem limites si uspiam, aut prorsus inversi, aut nondum stabiliter firmati sunt, præcipitur item Diffinitorijs, ut

vel ejusdem ; vel diversarum Provinciarum ; prout nempe Conventus , vel ad eandem , vel ad diversas Provincias spectant , vt amicabiliter inter se agant de præfatis limitibus assignandis , & iungitur si concordiam assequi nequeant , vt ad Superiorem Generalem utrimque transmittant rationes suas , utque demum talium limitum compositiones à Diffinitorijs ejusdem , vel diversæ Provinciæ , aut à Superioribus Generalibus opportuno consilio adhibito sancitæ , ac demandatæ tanquam ex nunc prò tunc à Generali Capitulo ratihabitis perpetuò observentur.

5. Minister Provincialis , etsi legitimè institutus ; quacumque de causa nunquam exercitium inierit sui Ministeriatus , semper , & quoad omnia ultimum locum habeat inter illos , qui non modo fuerunt , vt ipse , Ministri legitimi Provinciales , verum etiam sese in propriæ suæ Provinciæ gubernio exercuerunt ; quod quidem Capitulum Generale in posterum servari præcipit , sine præjudicio gaudentium actu præcedentia sublata per legem hanc.

6 Si quis Guardianus mediatè , vel immediatè pecunias , aut schedulam pro pecunijs det suis Subditis , vel motivo indumentorum comparandorum , vel aliarum necessitatum succurrendarum , ipso facto à suo munere deponatur , & Minister Provincialis negligens infligere ipsi poenam hanc per Superiorem Generalem omninò à suo Officio suspendatur.

7 Qui Guardiani sollicitam curam non gesserint Infirmorum , & in hoc charitatis , & Regulæ nostræ præceptum non adimpleverint , primum à Provinciali Ministro seriò , ac publicè admoneantur , tum nisi à

8 Ad vitanda jurgia , & dissidia ob Diffinitoratus Generales vacantes oriri nata , statuimus primum , quod pro utraque Familia aliàs statutum fuit , vt nimirum Patres Ordinis in sua natione , & suo Ordine in vacantias hujusmodi subrogentur , illi scilicet , qui fuerunt biennio , aut Procuratores Generales , aut Commissarii Romanæ Curiae , aut Diffinitores Ge-

Cum per Constitutionem

SS. D. N. Benedicti Papæ

XIII. Universalis Ecclesiæ

regimini , qui fuerunt Superiores Gene-

rales non amplius votum

habeant , isti in sua Natione ante alios

sunt subrogandi.

herales; qui quidem Patres, si apud nationem Diffinitoratus vacantis desiderentur, aut Diffinitoratus iterum vacet postquam per subrogationem ipsorum impletum fuit, tamen nullius alterius ante Capitulum, aut Congregationem subrogatio fiat, sed tantum pro Generali, aut Congregatione, aut Capitulo substitutio, quæ, sicut dum Diffinitor Generalis subrogatus tantum est absens à Capitulo Generali, cadere debet in Ministrum, aut Vicarium, aut Pro-Ministrum, aut Custodem Provinciæ Diffinitoris Generalis subrogati absentis, ita quando Diffinitoratus Generalis est vacans cadere debet in eosdem Vocales non Provinciæ Diffinitoris Generalis subrogati, sed Provinciæ Diffinitoris Generalis electi, & si accidat, aut Diffinitore Generali absente, aut Diffinitoratu Generali vacante, abesse à Generali Capitulo etiam Vocales illos, quos in casibus istis statuimus esse substituendos, tamen substituatur, qui est dignior Minister, seu antiquior Nationis suæ, & quatenus non innotescat quis inter Nationis Ministros antiquior sit, substituatur demum Minister Provinciæ antiquioris.

9 Si actualis Minister Provincialis eligatur in Officium Romanæ Curiae, non possit in posterum adire tale Officium, & exercere ipsum, nisi prius cum effectum renuntiet suo Ministeriatui, & cum effectu Vicarius Provincialis in locum ipsius sufficiatur, definitur enim, & declaratur duo hæc munera in eodem esse incompatibilia.

10 Si Minister Provincialis sit vna Diffinitor Generalis, & ad Generale Capitulum ipsi accedendum sit, non possit ad idem Capitulum Provincia mittere Pro-Ministrum, sed vnus, & idem vnum in illo suffragium ferat, vt Minister Provincialis, & vt Diffinitor Generalis.

11 Ubi cumque impertienda sit benedictio, & aqua lustralis Fratribus aspergenda, si non adsit Pater Guardianus Conventus, non id præstetur à Patre digniori Communitatis, sed ab eisdem Conventus Vicario si præsens sit,

12 Dum aliquis in Choro est incensandus, ille omnino præferri debet, qui sedem occupat digniorem: quomobrem existente in Choro Patre Ordinis, qui Guardianum, vel Ministrum Provinciale actum præcedat, non Guardiano, vel Ministro, sed Ordinis Patri honor incensationis adhibeatur.

13 Absente Reverendissimo Patre Superiore Generali à residentia sua, Pater Minister Provincialis præcedat omnes Patres Reverendissimos quamvis majores se; & similiter etiam Patre Ministro Provinciali absente à residentia sua, Pater Guardianus Conventus eodem pacto, & in eisdem circumstantiis præcedat eosdem Patres Reverendissimos.

14 Ministri Provinciales, qui ex legitima causa Capitulo Generali probata non accesserunt ad idem Capitulum Generale, dispensantur à poenis pro hac vice contra non accedentes determinatis.

15 Institutio in Prædicatorem nemini concedatur, nisi ultra præscriptum Capituli Gener. Valisolet. 1593. quod indispensabiliter observari præcipimus, sex vicibus saltè concionatus fuerit in publica refectioe, & testimonium habuerit à petitoribus, & Discretis de sua idoneitate ad munus hujusmodi exercendum.

16 Quod competit votum, quodque denuò confirmatur Procuratoribus Generalibus, si vè Ordinis, si vè Reformatorum, si vè Recollectorum, & Excalceatorum, Commissariis Generalibus Romanæ Curie, Diffinitoribus Generalibus Ordinis etiam Excalceatis, & Recollectis in omnibus cujuscunque naturæ Diffinitoriis, Congregationibus, atque Capitulis suarum, Provinciarum, competere declaratur ipsis statim ac possessionem inierint respectivè prædictorum suorum Officiorum.

17 Confirmatur, & extenditur ad utramque Familiam, etiam quantum ad Reformatos, Recollectos, & Excalceatos Statutum illud de Diffinitoribus Generalibus, quod in Generali Capitulo anno 1700. confectum fuit, quodvè conceptis verbis est tenoris sequentibus: *Injussendo declarationi authentica, quam circa*

Ex mandato
SS.D. N. Benedicti Papæ
XIII. auditis
Ceremoniis
Apostolicarum Præ-
fecto, & Or-
dinis Patribus

Abrogatam
per Constituta-
tionem SS.D.
N. Benedicti
Papæ XIII.
Universali Ec-
clesiæ regimini
16. Novemb.
1724. juxta
quam habe-
bunt sacra-
tus subrogan-
di, ut Patres
Ordinis ante
omnes Patres
Provinciæ,
statim ad elec-
ti sunt

precedentiam ex Diffinitorum Generalium, & ex Ministrorum Provincialium (perpenfis, & examinatis Statutis antiquis, & illo de anno 1639. consilioque habito aliquorum gravium Ordinis Patrum) fecit Reverendissimus Pater Bonaventura Poerius tunc temporis Minister Generalis pro Ex-Diffinitoribus Generalibus, & ad cujus sententiae executionem Apostolicas suas litteras expedivit Sanctissimus D. N. Innocentius Papa XII. incip. Ex parte Dilecti, &c. sub data 14. Kal. Junij 1696. statuitur ex Diffinitores Generales, qui ante non fuerunt Ministri Provinciales precedere debere non solum ex Ministros Provinciales, qui post Diffinitoratus munus expletum ad Ministeriatum sunt promoti, seu Ministros futuros, sed etiam illos, qui ante electionem, vel promotionem Diffinitorum Generalium ad Ministeriatum electi, vel assumpti fuerunt.

18 Statuitur Bononiae Civitas in Insubria in locum pro Generali Capitulo proximè celebrando.

19 De omnibus Postulatoribus Causarum nostrorum Servorum Dei apud Apostolicam Sedem Observantibus, Reformatis, Recollectis, & Excalceatis decernitur nullam eos expensam posse facere, nisi approbantibus respectivè, vel Superiore Generali, vel Curiae Officialibus juxta nationem suam, schedulaeque ipsorum ad Syndicum Apostolicum nullius valoris sint nisi respectivè, vel Superioris Generalis, vel Officialis Curiae Chirographo consignentur, moneanturque Syndici Apostolici, quod praedictae schedulae in rationes Causarum non inferentur, nisi praefato respectivè Chirographo fuerint validatae.

20 Gratiae aguntur Eminentiss. Domino D. Cardinali Laurentio Corsino Nostro Protectori, quod opera, & elemosynis egregiè promoverit, & adjuverit istud Capitulum Generale. Gratulatum etiam fuit Reverendissimo P. Fr. Josepho Garciae, quod multam impenderit operam eidem Capitulo Generali.

PRO ULTRAMONTANA FAMILIA.

21 **Q**Uoniam ex infractione silentij nocturnis horis, quod sub præcepto Sanctæ Obedientiæ per constitutiones Segovienſes mandatum eſt, in Religioſis ultramontanæ Familiæ ſcrupuli exoriuntur, Capitulum Generale concedit ejuſdem Familiæ Miniſtris Provincialibus, vt tale præceptum mutare valeant in aliam pœnam temporalem, ſed taxandam ab ipſis de conſenſu Provincialis Capituli, & promulgandam.

22 Si quis Ordinis noſtri Lector, vel actû obtinet, vel in poſterum obtinebit in vniverſitate Majoricensi Cathedrali publicam Theologiæ, tempus, quod inſumeret in ipſa ultrâ conſuetos annos duodecim ad jubilandum, non computetur penitus ei ad ulteriorem vllam prærogativam.

23 Ad petitionem octo Provinciarum Excalceatarum ad Luſitaniam pertinentium, qua poſtularunt, vt decerneretur vnum Diffinitorem Generalem aſſumi ex ipſis: Propterea ſtatuit Capitulum Generale illam non eſſe audiendam, quod eadem Provinciæ à Diffinitoratu Generali pertinente ad ſuam nationem excluſæ nequaquam ſint.

24 Cum Provinciæ ultramontanæ Familiæ juxta ſuorum Conventuum neceſſitatem, inſtabunt ad tenorem Statuti victoriensis anni 1694. vt ſua Miſſarum onera pro eleemoſynæ merito imminuantur, injungitur Patri Commiſſario Curia, vt ſedulò curret ipſas, agatque apud Sanctam Sedem, quantum fieri poterit, vt reſcripta tanti momenti petentibus concedantur.

25 Supplicante Provincia Cantabriæ, vt declaretur quodnam ſit ſpecimen gubernij commendabilis exigitum, vt in Provinciale Miniſtrum eligi quiſquam poſſit, & an etiam Diffinitores Provinciales, necnon Cuſtodes, & Lectores Jubilati ſub hoc prærequiſito comprehendantur: Statuit Capitulum Generale tale ſpecimen eſſe Guardianatum ad minus exercitum per duos

annos, & etiam præfatos sub obligatione hujus speciminis comprehendi.

26 Reprehenditur Provincia Canariensis propter loquendi modum, quo in dubijs, & petitionibus Capitulo Generali porrectis vsa fuit: Non enim habent Provinciæ jus Constitutionibus Generalibus (vt ipsa loquitur) contradicendi, sed habent tantummodo sup-
plicandi.

27 Eadem instante Provincia Canariensi, vt sibi adjudicetur Conventus Sanctæ Mariæ de Jesu situs in Luciferi Fano, quod San-Luchar indigenis appellatur, qui quidem Conventus à Provincia Bæthica Observantium jam à duobus, & ultra sæculis possidetur, Capitulum Generale re maturè considerata decernit Provinciam Bæthicam in possessione prædicta tenendam esse, & Provinciam Canariensem in puncto isto non amplius audiendam.

28 Considerato per Generale Capitulum labore Vocalium Canariensium, dum ad ipsum accedunt in his cismontanis partibus celebrandum, ad eosdem extendit omnia Privilegia concessa in Capitulo Toletano anni 1658. Indiarum Custodibus, & Pro-Ministris ad quodcumque Generale Capitulum accedentibus, dummodo quantum ad Pro-Ministros conditiones habeant Canarienses, quæ pro Pro-Ministris Indiarum ad obtinenda Privilegia antedicta in Romano Capitulo anni 1700: fuerunt determinatæ.

29 Expenso libello supplici P. Fr. Eusebij Gonzalez de Torres, Chronologi Generalis prærogativas petentis in Cismontana Familia hujusmodi Chronologis attributas; Capitulum Generale intuitu laborum ejus illa Privilegia dumtaxat concedit ipsi, quæ per leges ultramontanæ pro Jubilatis taxata sunt, qui duos Tomos Theologiæ in lucem publicam emisert.

30 Extenditur ad Ultramontanam Familiam Statutum hujus Cismontanæ Familiæ, quo cautum fuit, vt elapso triennio, & semestri à Capitulo ultimo Provinciali, atque adeò tunc Diffinitorio, & Guardianis activæ vocæ pro insequenti Capitulo destitutis, per Superio-

rem Generalem omnibus; & singulis restitui possit præfata vox, de consilio, & consensu graviorum Provinciarum Patrum, in qua tunc temporis existere accider eundem Superiorem Generalem.

31 Statuitur de Concionatoribus Catholici Regis, quod concurrentibus conditionibus per Constitutiones Generales exigitis, non gaudeant privilegio Patrum Provinciarum ex illo munere concionandi, nisi sexennio integro ipsum opere exercuerint.

32 In Causa Provinciarum Angelorum de Observantia, & Sancti Gabrielis Excalceatorum, vtra scilicet habeat maiorem proximitatem ad Curiam Matritensem, & quenam propterea vocanda sit ad Generales Congressus Matriti habendos, ad tenorem Constitutionum viciniore Provincias designantium, statuitur Provinciam Angelorum manutenendam esse in possessione, quam ad vocari pro congressibus antedictis obtinuit usque hunc, interimque partes ante Generale Capitulum immediatè futurum ostensionem facere satagant præterea majoris proximitatis.

PRO GALLIS.

33 CUM ad notitiam pervenerit Capituli Generalis in Provincia Sancti Antonij in Arthesia abusum invaluisse, quod scilicet Superiorissæ suorum Monasteriorum in officio sine termino villo continuantur; Statuit idem Capitulum Generale, quod tam in memorata Provincia, quam in omnibus alijs præfata Superiorissæ triennales dumtaxat sint, aut sexennales ad summum accedente opportuna dispensatione: Electionesque ipsarum ultra triennium irritas, atque nullas declararet esse habendas, & judicandas, mandatque Superioribus, quorum muneris illud erit, ne eas audeant ratas habere, & confirmare.

34 Ad supplicationem Provinciarum Turoniarum Pictaviensis, petentis à Generali Capitulo Novitiatuum immutationem, quos obtinent in eadem Provincia Con-

ventus Recollectionis , necnon translationem de vno Conventu ad alium quorundam aliorum ad eam pariter pertinentium ; Decernit Capitulum Generale , vt Provincia ipsa utatur jure suo quo ad vtrumque hoc , imo & vii præcipit , si reverà cessurum sit in publicam suam utilitatem.

35 Lecta Epistola Serenissimi Ducis Lotharingæ postulantis , vt Custodia Sancti Nicolai sita in Dominijs suis in Provinciam per Generale Capitulum erigeretur , statutum fuit , quod cum septem Conventus dumtaxat habeat , & Ordinis Constitutiones exigant ad minus duodecim , vt ad erectionem Provinciarum liceat devenire , deputetur à Reverendissimo Patre Ministro Generali Rev. P. Fr. Joseph Paticier , Pater Provinciæ Franciæ Parisiensis , qui de statu illorum Conventuum informationem sumat , sicut & de numero existentium in illis Religiosorum , instetque pro multiplicatione Conventuum apud suam Regiam Celsitudinem , ac demùm curet de omnibus rationem reddere Congregationi proximæ Generali , vt de istius erectione Provinciæ in obsequium Regij Principis vltimò resolvatur.

36 Statuta Familiæ Ultramontanæ pro Custodum privilegijs in Ultramontano ipsis Generali Capitulo suffragantium decernit Generale Capitulum etiam pro Custodibus Provinciæ Franciæ Parisiensis , executioni mandanda esse.

37 Admittitur protestatio Provinciæ Britanniæ Recollectæ , contra Provinciam Sanctæ Mariæ Magdalenæ pariter Recollectorum , quoad Conventum , & Hospitium San-Macloviense , & vt constet de ipsa , præcipitur inseri Actis Capitularibus.

PRO GERMANO-BELGIS.

38 **I**N Causa Provinciarum Sancti Andreae, & Flandriae de Conventibus nimirum inter utramque controversis, referente Reverendissimo Patre Commissario Generali Ultramontano, fuit representatum Ministrum Flandriae judicium Diffinitorii, quantum ad votum ab eodem ferendum apud Sacram Congregationem, subterfugisse, motiva incognita allegantem, quare eidem Diffinitorio non proferat rationes suas, & super hoc decrevit idem Diffinitorium representandum esse eidem Sacrae Congregationi, quod Minister Flandriae ob motiva Diffinitorio ipsi (ut asserit) non prodenda noluerit coram illo rationes producere pro sua Causa; Votum tamen dandum eidem Sacrae Congregationi decretum fuit istud debere esse, nempe Conventus, de quibus lis excitatur, in statu relinquendos esse, in quo sunt, quod idem decretum fuit à postremo Capitulo Generali.

39 Quoniam Diffinitorum Generalium Officia ideo in Nationes fuerunt providè distributa, ut in Congressibus Generalibus negotia curare possint, quæ suæ Nationis sunt, declaratur tales Diffinitores ad Nationem Germano-Belgicam pertinentes, ex Provincia Sancti Andreae Recollectorum eligi nequaquam posse, cum hæc à multis jam annis præfata Nationis Regimini, & Corpori se subduxerit, seque ipsam inter Galicanas Provincias posuerit, & permaneat.

40 Protestationes Provinciæ Flandriae Recollectorum adversus ablationem plurium Conventuum ab eadem injuria avulsorum, & Provincijs partim Sancti Andreae, partim Sancti Antonij in Arthesia applicatorum: item Provinciæ Sancti Andreae contra Provinciam Sancti Joseph in Comitatu Flandriae Conventus Aldenardensem, & Contracensem, qui spectaverunt olim ad illam, occupantem: rursus præfata Provinciæ Sancti Joseph adversus Provincias Sancti Andreae, & Sancti Antonij in Arthesia contra jus multos suos Religiosorum, &

Sanctimonialium Convētiūs detinentēs : Similit̃er Provinc̃iæ Argentinensis , contra Provinciam Colonien-
sem habentem Conventus Lutrensem, Crucenacensem,
Oppenneimensem, & Flaidelbergensem, ad Provin-
ciam, quæ eos repetere instat, primitus pertinentes;
& tandem Provinciam Sancti Antonij in Arthesia ad-
versus præmemoratam Provinciam Sancti Joseph tan-
quam Conventus Gravelingum, Casletensem, &
Dunkercanum, quia sibi (vt ait) autoritate Ordinis
traditos, indebitè repetentem: has igitur protestationes,
ideò Capitulum Generale inferi præcipit istis actis, vt de
ipsis, & vt per ipsas constet Ordini Universo, quibus
agitationibus, atque inconvenientibus Provinciam pa-
teant, si antiqui earum limites sine autoritate legitima
transferantur. Declarat proindè se præmissas distractio-
nes Conventuum, Monasteriorum, Residentiarum au-
thoritate incongrua factas nullatenus approbare, man-
datque in virtute sanctæ obedientiæ, vt cum primum li-
cebit per Principes sæculares respectivè suis Provinciis
omniñò omnia restituantur, exceptis Conventibus Alde-
nardenſi, & Cortracensi, si vltro Provincia Sancti An-
dræ concesserit eos Provinciam Sancti Joseph in sua pri-
mæva institutione, & exceptis similiter quos à Provincia
Colonienſi restitui sibi postulat Provincia Argentinen-
sis, si Dominus habens jus patronatus in ipsos, disposue-
rit eos Colonienſi Provinciam addictos esse.

41 Pro eadem Natione statuitur etiam hoc, vt nem-
pe Custodes, & Pro-Ministri ad Generalia Capitula ac-
cedentes, privilegijs, & præcedentiæ gaudeant post ha-
bentes Votum in Capitulis Provincialibus, & post Lec-
tores Jubilatos, dummodò requisita concurrant in præ-
satis Custodibus, & Pro-Ministris, quæ per Ultramonta-
na Generalia Statuta ad prærogativas ejusmodi posita
sunt.

42 Stricte injungitur Subditis, & Superioribus Pro-
vinciæ Argentinensis, ne excursus, vel faciant, vel per-
mittant ad eleemosynas in Provinciæ Bohemiæ terminis
colligendas, & qui secus fecerint possint per opportu-
nos recursus, & juris, & facti remedijs coerceri.

PRO INDIS.

43 **I**N singulis Provincijs novæ Hispaniæ, atque Pervani Regni instituaturs unus, vel alter Linguarum Lector pro utilitate Missionariorum, qui post exactos duodecim annos in hujusmodi Lectoratu privilegijs gaudeant Concionatorum sexennialium.

44 Qui per omnes antedictas Provincias Novæ Hispaniæ, atque Pervani Regni in Parochijs actualium conversionum extiterint Parochi duodecim annis, gaudeant omnibus Concionatorum Generalium prærogativis.

45 Decernitur alternativam Provinciæ Limanæ duodecim Apostolorum, quæ inter Ministros, & Custodes ipsius fuit jam introducta, etiam ad ejusdem Custodes, & Pro-Ministros, qui destinandi erunt ad Generalia Capitula, extendendam.

46 Confidens Generale Capitulum, quod Reverendissimus Pater Commissarius Generalis Indiarum, quantum ad Visitatores Provinciæ S. Helenæ in Florida, & quantum ad Præsidentes Capitalorum ipsius pro conscientia sua acturus sit, relinquit arbitrio ejus, ut ex alijs Provincijs non evocentur, si id esse cognoverit è præfate Provinciæ utilitate.

47 Quoad alternativam in Provincia Sancti Evangelij de Mexico stabilitam, & nunc ad controversiam denno revocatam, citentur partes idoneæ ad proferendas in invicem rationes suas.

48 Capitulum Generale perpenſis supplicationibus Provinciæ Assumptionis de Paraguay, decernit ad primum, non posse Provinciam eximi à consuetis expensis, quantum Provinciæ vires eas præferre possunt. Ad secundum, Capitula Provincialia de triennio in triennium celebrari debere, ut juris, & moris est. Ad tertium, concedi posse ex eadem Provincia Commissarium Visitatorem, nisi aliquando Reverendissimo Patri Commissario Generali Indiarum videatur ex alia desti-

destinandus. Ad quantum : quoad Lectores actuales Sacrae Theologiae in Guardianos (vti petitur) eligendos, servari oportere Constitutiones Generales id fieri prohibentes.

PRO EXCALCEATIS.

49

Alternativam in Provincia Immaculatae Conceptionis in Brasilia inter Lusitanos, & Brasilianos ipsius Provinciae consensu inductam, ac novissimè Sanctissimi Domini Nostri Innocentij PP. XIII. Litteris confirmatam, Capitulum Generale sic admittit, vt injungat omnibus futuris temporibus mandari executioni, nullumque ejusdem Provinciae Alumnum eidem nullatenus refragari.

50

Cum SS. D. N. Innocentius PP. XIII. Provinciae Sancti Antonij in Lusitania indixerit alternativam per Breve suum ab eadem Provincia jam acceptatum, voluit Capitulum Generale innui Breve hujusmodi in actis istis, ejusque perpetuam observantiam eidem Provinciae imperari.

51

Quoniam Provinciarum Excalceatarum, non modò Indiarum Occidentalium, & Orientalium, verum etiam Hispaniae, & Lusitaniae Custodes, & Pro-Ministri ad Generalia Capitula accedentes, quia eosdem, quos cæteri, anfractus, atque labores adeunt, digni etiam sunt, vt aequè, ac cæteri remanerentur, Generale Capitulum extendit quoque ad ipsos omnes, & singulas praerogativas, quae hoc intuitu Pro-Ministris, & Custodibus Provinciarum Observantium respectivè pro distantijs antedictarum Regionum taxatae sunt sub iisdem tamen conditionibus pro Observantibus ad eas praequisitis, quamvis idem Capitulum Generale pro hac vi-e tantum dispenset super conditionibus istis, si fortè aliquis Pro-Ministrorum, & Custodum Excalceatorum eas non plene habuerit, vt in memorandum omnium beneficium redundet clementia summa per SS. D. N. Innocentium PP. XIII. eidem Generali Capitulo impetrata.

52 Residentia ordinata Admodum Rev. Patris Procuratoris Generalis Excalceatorum Hispaniæ, & Recollectorum Galliæ statuitur in Conventu Romano Sanctæ Mariæ de Ara Cœli; cumque alternis iidem Recollecti, & Excalceati Procuratores, & Secretarij agere debeant, adeò ut dum Procurator est Excalceatus, Secretarius sit Recollectus; propterea sicut pro Recollectis Procuratoribus, & Secretarijs Domicilium interservit, quod ad eorum Agentes antiquitus pertinebat in Conventu præmemorato, ita pro Excalceatis Procuratoribus, & Secretarijs in eodem Conventu assignatur Domicilium illud, quod situm est à regione mansionum spectantium ad Terram Sanctam, adeò ut ab Hispanis dumtaxat Procuratoribus, & Secretarijs Excalceatis, ex quacumque demùm Hispana Provincia eos contigerit eligi, debeat inhabitari.

PRO CISMONTANA FAMILIA.

53 **L**ecturas Philosophiæ, ac Theologiæ à Provincijs conferri solitas, statuitur, ut per oppositiones, seu concursus indispensabiliter conferantur, adeò ut Judices sint Pater Minister Provincialis, actuales Patres Diffinitorij, qui aut Jubilati, aut sexennales, vel actualis Lecturæ Theologiæ sint, Patres Ordinis, & Patres Ex-Provinciales Jubilati similiter, vel sexennales, & duo antiquiores Patrum Jubilatorum, atque in deficientia alicujus è Diffinitorio, cui nimirum conditiones hujusmodi non assistant, ipsorum loco actuales totidem Lectores Theologiæ in Judices advocentur, & quotiescumque dato tali defectu contingat hos pariter desiderari, eorum loco totidem alij, qui Theologiam docuerint, assumantur.

54 Modus autem istarum oppositionum, seu concursuum erit sequens. Omnibus oppositionibus habitis Judices congregabuntur, primumque collatione sedulo habita de concurrentium habilitate, jurabunt singuli tacto pectore more Sacerdotali, quod judicium de

de ipsiſ fecundum ſuam conſcientiam latu-
 ri ſint. Tum intra menſuram duntaxat punctorum decem, incipien-
 do ab ultimo Judicium puncta ſinguli oretenus palam
 ferent, quæ cenſuerint ſingulorum concurrentium me-
 rito convenire, hiſque per Secretarium ſcripto excep-
 tiſ, & adnotatiſ, ac demum in ſummam actiſ, ita
 præferentur ad Lecturas, qui punctiſ prælati depre-
 hendentur, ut incidente paritate punctorum, antiquior
 habitu ſit alijs anteponendus, utque punctiſ quo ad
 aliquem concurrentem non excedentibuſ mediocritatem
 numeri ſummi; id eſt conſtati ex punctiſ decem Judi-
 cum ſingulorum talis concurrens ad Lecturam inhabiliſ
 declaretur, & ad iterandum concurſum non amplius ad-
 mittatur.

55. Ad conſervandam Studio Aracœlitano de Ur-
 be, quam obtinuit ſemper ſpecialeſ aliquam dignita-
 tem, reſervatur arbitrio Superioriſ Generaliſ, ut Arti-
 um Lectura in illo functum, etiam ſine ullo concurſu præ-
 vio, Lectorem Generalem inſtituere poſſit in quolibet
 Studio Generali, licet ſi reperitur in propria ipſi-
 uſ Provincia Lecturæ locus, eidem Superiori, ut præſatum
 Lectorem ad illam, & non ad alium deſtinet, enixi-
 uſ commendantur.

56. Studioſi omneſ Clerici, & Sacerdoteſ in ſuiſ
 reſpectivè Provincijs ad Studia detineantur exceptiſ ob
 deficientiam Studi-
 orum Provincijs Ultramariniſ, ex-
 ceptiſque quatuordecim Sacerdotibuſ, & ſex Clericiſ
 ad hoc Studium Aracœlit-
 anum ex alijs Provincijs evo-
 candiſ; ſtatui-
 muſ enim ſtudium iſtud conſtare debere
 duodecim Clericiſ in Profeſſorio ejuſdem operam dan-
 tibuſ Phyloſophiæ, quorum ſex ſint ex Provincia Ro-
 mana, & ſex ex alijs, ut modò decretum fuit, & con-
 ſtare item debere Sacerdotibuſ viginti quinque vacanti-
 buſ Theologiæ, quorum ſeptem ſint ex eadem Provin-
 cia Romana, quatuor ex Provincijs quatuor Sancti La-
 diſlai, Poloniæ minoriſ, Ruſſiæ, & Poloniæ majoriſ, &
 quatuordecim demum ex alijs Provincijs ad iſtam Fa-
 miliam pertinentibuſ.

57. Studia Theologiæ dicta ſecundæ Claiſiſ redu-
 cuntur

tuntur, ut olim ad duos Lectores tantum, atque adeo qui primo vacabit in ipsis Lectura locus vacuus relinquatur; sublata Generali Ministro facultate aliter providendi.

58 In Studiis primæ Classis Romæ, Neapolis, Sancti Didaci, & Sanctæ Mariæ Novæ Mediolani, Venetiarum, Florentiæ; Genuæ, Panormi, Messanæ, Taurini, Bononiæ, Perusiæ, Anconæ, Litij, & Lucæ, deputer Superior Generalis ad legendas Fidei controversias unum ex actualibus tribus Lectoribus approbatis.

59 Nullus admittatur ad oppositionem pro Cathedra Theologiæ, nisi adimpleverit triennium solare Lecturæ Philosophiæ, & quantumlibet ingenio præstans nullus ad Lecturæ concursus recipiatur, nisi reverà moribus probatus sit.

60 Cum singulis mensibus Conclusiones, quas dicunt Mensiles, haberi debeant, teneantur Lectores mittere ad Superiorem Generalem testimonium Diffinitorii, quod respectivè Conclusiones istas habendo impleverint munus suum, alias ab eodem Superiore Generali à Lectura prorsus amoveantur.

61 In Studiis non habentibus Studium primæ Classis, sufficiat ad jubilationem legisse tempore debito in Studio secundæ Classis.

62 Lectores actuales Philosophiæ, & Theologiæ à Provinciis juxta Constitutiones Generales institui soliti, à suis Lecturis amoveri possint ab integro Diffinitorio in Capitulis, & Congregationibus tantum, & à Superiore Generali etiam extra præfatum tempus, modo causa interveniat eidem Superiori Generali cognita, & respectivè ad talem effectum cognita integro Provinciæ Diffinitorio, sed ipsi Lectori amovendo non necessariò manifestanda.

63 Studia Generalia recens erecta una cum antiquis in Provinciis omnibus confirmantur, & quantum opus sit, virtute præsentis Statuti denuò, eriguntur.

64 In Provincia Sancti Patris Nostri Francisci Studium Generale secundæ Classis, quod in Conventu

Tipherni extitit à multis annis , transfertur Perusiam per Capitulum Generale , ibique in Conventu Sancti Hieronymi collocatur. Ad Conventum Catanensem in Provincia Siciliae transfertur aliud secundae Classis, quod nunc in Conventu Hadranensi existens est. Et in Provincia S. Angeli Studium item secundae Classis, quod ad Conventum Pietatis Luceriae translatum fuerat, Conventui S. Mariae Gratiarum Campobassi denuò restituitur.

65 Si Lectores actuales, tam futuri, quam existentes de quorumcumque Superiorum vel permissu, vel jussu, etiam ad negotia Ordinis, vel Provinciae, aut jam distracti fuerunt, aut in posterum distraherentur, tempus, quo cum effectu, aut non vacaverunt, aut non vacabunt deinceps Lecturae suae, computetur ad Jubilationem eisdem tamquam non interruptum, sed non computetur tamquam realiter adimpletum.

66 In Provincia Russiae studium Theologicum Lublinense erigitur in Studium secundae Classis: In Provincia Poloniae Majoris Studium Generale Posnaniense constituitur primae Classis: Et in Provincia Dalmatiae transfertur Justinopolim Jattense Studium, & Generale secundae Classis statuitur, & declaratur.

67 In vnoquoque Studio Generali collocentur de Familia duo saltem Lectores Jubilati, sive de numero, sive non, quorum alter arbitrio Superioris Generalis semper, aut praefectus, aut vicem gerens Praefecti sit.

68 Fiat à Reverendissimo Patre nostro Ministro Generali tabula omnium Lectorum Generalium, ut in Capitulis Generalibus usus obtinuit eam confici, possitque pro hac vice formare ipsam eos removendo, confirmando, transferendo, instituendo, prout nimirum censuerit expedire.

69 Statutum Generale concedens Patribus Guardianis praecipuorum Conventuum, si biennio continuo fungantur hujusmodi munere, certas quasdam prerogativas, declaratur suffragari debere Guardianis Sancti Francisci Lucae, cum inter Conventus praecipuos veniat numerandus.

76 Conceditur Provinciæ Bosnæ Argentinae, ut in Conventus possit erigere residentias, quas obtinet in Territorijs Themessvarino, & Belgradensi, nempe Foelduatinensem, Tolnensem, Czernichinensem, Moachsinensem, Uvalcovarinensem, Themessvarinensem, & Belgradensem, modò collocentur de Familia saltè duodecim Fratres in vnaquaque.

77 Ministris Provincialibus Austriæ, Bohemiæ, Bavariae commendat Generale Capitulum Provinciam Bulgariæ, ut scilicet aliquot Sacerdotes linguæ Germanicæ, Bohemicæque peritos, & ad laborandum in Vineâ Domini aptos, & inclinatos ad præsentiam Patris Ministri ejus mittere non graventur, qui post navatam proximorum salutem, & Fidei Catholicæ operam, aut ad proprias annuente præfato Ministro reverti poterunt, si voluerint, aut antedictæ Provinciæ accedentibus opportunis consensibus, & duorum annorum experimento, etiam à die habitus incorporari.

78 Committitur Reverendissimo Patri Ministro Generali, ut pro Provincia Albaniae opportunum Ministrum eligit, ad eamque transmittat toties, quoties opus sit.

79 Singulæ Observantium Provinciæ Terræ-Laboris, & Principatus Provincijs finitimæ, quæ propterea ex Statutis Generalibus mittere suos ad eas possunt; decernitur ne vno, & eodem tempore mittant Neapolim plusquam tres, & ne mittant nisi ad negotia Conventuum, & Provincialium, ut iisdem Statutis præsumptum est; imò injungitur, ut etiam à tribus abstineant transmittendis, quotiescumque plura negotia vel ab vno, vel à duobus commodè tractari possint, tribusque ad summum, uti præmissum est, Neapoli jam degentibus, omnino ipsis vltiora negotia, quæ ingruant, committantur; aliàs, & qui accesserint ad negotia publica vlti tres, & qui ad negotia tantum privatâ fuerint destituti, & qui ex tribus ipsis concessis non in Conventu Neapoli vitam ducent, & Apostatæ sint, & Apostatæ habeantur, scriptisque in Apostatas poenis omnino subjiciantur.

74 Eleemosynæ, quæ Concionatorum laboribus acquiruntur, tantummodo in servitium publicum Provinciarum, & ad unicum quidem totius Diffinitorii placitum infumantur.

75 Guardiani expensam decem aureos excedentem, non impetrato prius Diffinitorii consensu facere nequaquam possit, & qui contrafecerint, ultra Statutarias poenas, ad ejusdem Diffinitorii arbitrium puniantur.

76 Religiosi omnes degentes extrâ Provincias suas, sine individuali, & expresso permisso Superioris Generalis, confestim ad proprias revertantur; & quatenus huic mandato eorum aliquis non obtemperet, qui Clerici, & Laici sunt declarantur Apostatæ, & ipso facto à Divinis, qui Presbyteri fuerint, suspenduntur.

77 Lecto libello supplici R. P. Fr. Hieronymi à Monte-Fortino, Reformatæ Provinciæ Romanæ Patris super summa Theologica subtilis Doctoris Nostri ab eodem juxta summam Doctoris Angelici concinnatæ, statuitur ut imprimatur primus Tomus expensis Religionis.

78 Declaratur Provinciam Excalceatorum Sancti Petri de Alcantara in Regno Neapolitano gaudere voce activa, & passiva ad omnia, sicuti aliæ Provinciæ omnes in nostro Capitulo Generali.

79 Minister Provincialis, qui in aliena Provincia tali Officio functus fuit, redux ad propriam in omnibus sit illi posterior, qui biennio in propria fuit Vicarius Provincialis.

80 Cum Litteris Apostolicis SS. D. N. Innocentii PP. XIII. concessum fuerit Vice-Commissarios Generales Observantium, & Reformatorum gaudere Privilegijs suorum respectivè Officiorum, quamvis non permanentes in ipsis, nisi usque ad hoc Capitulum Generale, non absolverint integrum tempus ad id exigendum per Ordinis Constitutiones; decretum fuit, ut referretur hoc annuendo in Tabulas Capitulares.

81 In gratiam Sanctissimi Domini Nostri, qui præse-

Abregatum
per Constitu-
tionem SS. D.
N. Benedicti
Papæ XIII.
Universalis Ec-
clesiæ regimini
16. Novemb.

1714.

dece

tere in hoc Generali Capitulo dignatus est, ut etiam Pro-Ministri, & Custodes hujus Cismontanæ Familiz percipiant aliquod emolumentum, inhærendo benignitati Sanctitatis Sux, qui nos omnes favore amplissimo cumulavit, statuitur prædictos Custodes, & Pro-Ministros, tam Observantes, quam Reformatos debere gaudere pro hac vice privilegijs illis, quæ si accessissent ad Generale Capitulum ultra montes, ex Constitutionibus Ordinis percipere debuissent.

82 Lecto libello supplicis Monialium S. Claræ Locopolis in Carniola, quo petunt aggregari Ordini nostro quantum ad beneficia spiritualia, aggregantur uti desiderant, quamvis eidem Ordini nequaquam subiciantur.

83 Nullus Concionator titulo, & præminentijs clarissimi decoretur, nisi suggestis emensis, quæ Congregatio Romana 1679. ad istud determinavit; & dum insigniores Collegiatae admittuntur pariter ad hunc effectum, de illis Collegiatis id erit tantum intelligendum, quæ si sunt ubi ad minus in duabus Ecclesijs per quadriagesimam quotidie concionatur.

84 Conceditur facultas Patri Ministro Bulgariz, ut ad Provincias etiam non finitimas mittere possit Alumnos suos ad præsentiam nimirum Ministrorum Provincialium, qui assignent ipsis in studijs suis colloca-tionem, subministrantque indumenta, & per Superiores Locales alia necessaria, adhortaturque Capitulum Generale, tam illarum Provinciarum Ministros, qui charitatem hanc eisdem hactenus impenderunt, quam alios, ad quos Religiosi prædicti in posterum destinabuntur, ut eos benigne recipiant, curentque sedulo erudiri.

85 Ad petitionem Patris Fratris Bernardini à Vulfinio prætendentis titulos admodum Reverendi, & Lectoris Arabici Jubilati, necnon præcedentiam supra Lectores de non numero Jubilatos, ratione suæ Lecturæ Arabicæ, exercitijque Apostolici Missionariatus; decernitur primum titulum non convenire ipsi, secundum non esse in Ordine usitatum, & an-

relationem suprà Lectores prædictos non debitam ei esse.

86 Dum Alumnus vnius Provinciæ in carceribus alterius Provinciæ detinetur, teneatur Provincia, cuius Alumnus est, tot Sacra legere in levamen Conventus, in cuius carceribus custoditur, quot erunt dies detentionis illius, atque sustentationis.

87 Ad subveniendum Provinciæ Albanæ pro necessarijs indumentis, statutum fuit, vt solvantur quot annis in favorem ipsius centum aurei, à reliquis observantiæ Provincijs pro rata subministrandi, atque hi colligentur prout disposuerit Superior Generalis, & ad nutum ipsius, prout expedire dignoverit, expendantur.

88 Quantum ad præcedentiam inter Ex-Custodes, Ex-Diffinitores, Lectores Generales, & Lectores Jubilatos serventur respectivè consuetudines Provinciarum.

89 Cavetur sub nullitate electionis, vt nullus eligatur in Custodem, aut Diffinitorem, nisi aut sit Lector Jubilatus, aut Guardianus extiterit per sexennium, aut in Domibus principalioribus nimirum Studiorum Generalium, & Novitiatuum ad minus per completum quadriennium, aut Lector sexennalis triennio functus Guardianatu, aut sexennio Magister Novitiorum, & triennio Guardianus, aut Concionator clarissimus cum triennio Guardianatus, aut triennio Guardianus, & triennio Provinciæ Secretarius, aut Lector Generalis actualis habens sexennium Lecturæ Generalis. A qua tamen lege of Fratrū paucitatem Provinciæ Ultramarinæ excipiuntur, sicut etiam, qui actu inserviunt in Officio amanuensium Superioribus Generalibus, aut inservierunt, & quo ad hoc sub antiquis tantummodò legibus conservantur.

90 Motis dubijs circa ex Secretarios Generales Primò, an sufficiat ipsis explevisse biennium, vt privilegijs frui possint, & triennium Secretariatus tantummodò inchoasse; Secundò, an privilegijs suis in proprijs dumtaxat Provincijs gaudere debeant, an etiam in alijs om-

hibus; Tertiò, an præcedentiam in alijs, & proprijs habere debeant supra Lectores de numero Jubilatos: decifum fuit per Capitulum Generale, imò de novo etiam ftatuunt quatenus opus fit: ad primum, fufficere ipsis ad privilegia triennium tantummodò inchoatum: ad fecundum, eisdem gaudere debere privilegio præcedentia etiam extra Provincias proprias, ultimum tamen ibi tenendo locum suæ Cathegoriæ: ad tertium, eis debitam effe præcedentiam supra Lectores Jubilatos de numero, non modo in Provincijs proprijs, fed etiam in alienis.

91 Ad Jubilationem afsequendam Lectores Generales dictent omninò duodecim continuos annos Theologiam ultra triennium præviam Philofophiæ, & Lectores Provinciales Theologiæ, vt aggregationem ad illos, qui fuerunt Diffinitores obtineant, poft dictatam triennio Philofophiam dictent etiam octo continuos annos Theologiam; quod quidem ftatuunt non de Lectoribus actualibus Theologiæ, qui nunc in Studijs, fivè Generalibus, fivè Provincialibus eam dictant, fed de illis, qui poft publicationem Statutorum iftorum in iisdem Studijs Theologiæ Lectores inftituentur. Et de omnibus Lectoribus iftis, tam præfentibus, quàm futuris injungimus, vt quoties, vel Concionibus, vel itineribus, vel rebus alijs incumbendo, aut Theologiæ, aut Philofophiæ Lecturam interpolabunt, tot diebus arithmeticè omninò eadem fupplere debeant, quor ipsam realitèr, & cum effectu, infirmitatibus dumtaxat exceptis, non exercuerint, & Jubilationes, atque aggregationes prædictæ in pofterum nullæ erunt, fi non cum præfato fupplemento arithmetico fuerint impetratæ.

92 Supplicetur Sanctiffimo ab Officialibus Curia pro moderatione Privilegiorum Miffionarijs, eorumque Procuratoribus, atque Lectoribus concessorum.

93 Renovantur Statuta de conficienda nova compilatione omnium Statutorum Familiæ Cifmontanæ, & hoc negotium committitur Patri Diffinitori Generali Fr. Joanni Francisco à Sorrexina, qui debeat incumbere ipfi ad mentem Statutorum compilationem hujusmodi præfcribentium.

56
94 Injungitur Ordinis nostri Predicatoribus, ut per loca non erigant viam Crucis, quæ jurisdictioni Generalis Ministri non sint subiecta; & qui secus fecerit, priuentur manere prædicandi.

95 Compromittitur in Patrem Reverendissimum Ministrum Generalem per Observantes, & Reformatores, ut consilio aliquorum adhibito respectivè possint resolvere, & definire quædam puncta, quæ remanent indecisa, suasque resolutiones, & definitiones inserere Statutis istis.

PRO REFORMATIS.

96 **I**N Provincijs Reformatorum, in quibus non existunt Conventus Recollectionis, contra nudi tales Conventus instituantur, neque ipsarum vlla Novitios, vel induat, vel recipiat, in qua Conventus isti prius non fuerint instituti.

97 Concordiam limitum pro eleemosynis nonnullorum Conventuum colligendis inter Provincias nostras Sancti Salvatoris, & Sanctæ Mariæ in Regno Pannoniæ fitas in Gyongyosiensi Conventu die 26. Septembris anni 1720. per utriusque Provinciæ Diffinitorium initam, & subscriptam, & exemplari authentico Generali Capitulo præsentatam, idem sic approbat, & confirmat tamquam si de verbo ad verbum his actis infereretur; & injungit omnibus, & singulis utriusque Provinciæ Subditis, & Superioribus, ut eam perpetuò ratam habeant, non modò sub poenis expressis, & utrimque acceptatis in Instrumento præfatæ compositionis, verum etiam sub alijs pro meritò refractariorum ad Superioris Generalis arbitrium infligendis.

98 Ad petitiones Custodiæ Transilvaniæ decernitur; Primò, eandem Custodiam non posse in Provinciam erigi, utpotè ad id opportuno Conventuum numero destitutam; Secundò, neque Hospitia, neque Residentias, neque Conventus, sive à Bulgaribus Observantibus in Transilvania, sive à Reformatis Transylva-

disio Bulgaria; vel procurandos in posterum esse, vel admittendos, nisi aliter postulaverit ob defidiam alterutrius Nationis, vel Catholicorum servitium, vel Catholicæ Fidei propagatio; Tertiò, statuta municipalia ipsius exhibita Capitulo Generali in ijs dumtaxat servanda esse, quæ non adversantur Statutis Urbani VIII. & quæ Constitutionibus Generalibus Ordinis non opponuntur; Quartò, juxta Summorum Pontificum declarationes, illicitum, atque adeò veritum esse eleemosynas pecuniarias in suis Domibus asservari; Quintò, Commissarium Visitatorem ipsius Custodiæ Filium posse in eodem Capitulo, cui præsidet, eligi Custodem Provinciale, secus verò si alterius aut Custodiæ, aut Provinciæ Alumnus sit; Sextò, etiam quo tempore Missionarij exercent Missiones actu, tenentur incumbere puriori Observantiæ regulæ quantum possunt, ac proindè ab omni contrectatione pecuniæ pro viribus abstinere.

99 Quoad Provinciam Hungaricam Sanctæ Mariæ Reformatorem decernit Capitulum Generale, in Catalogum Studiorum Generalium inferendum iterum esse Conventum ejus Tyrnariensem Sancto Jacobo Apostolo nuncupatum: & nullam Sanctimoniali Monasterij S. Claræ ejusdem Civitatis Tyrnariensis titulo, & prærogativis Maternitatis augeri posse, nisi prius Abbatissæ; vel Priorissæ Officium debitè administraverit.

100 Conceditur Provinciæ Sancti Salvatoris in Hungaria, ut Nationibus Slavonica, atque Hungarica consentientibus per virosque discretos, alternativa inter utramque, licet ad gradus totius Diffinitorij tantum formari possit: & Generale Studium etiam pro Natione Slavonica designari: & sicut dum assignabitur hoc, ex tunc pro tunc haberi præcipitur approbatum, ita cum primum firmabitur illa, reputari jubetur ex tunc pro tunc per Generale Capitulum ratihabita, & ad perpetuam Provinciæ pacem mandari perpetuæ executioni.

101 Provinciæ Reformatæ Sancti Nicolai in Apulia conceditur Almæ titulus, quoniam numerum Conventuum obtinet pro hujusmodi titulo requisitum.

102. Quod præcedentiam Lectorum Actualium Sacrae Theologiae servetur Decretum clarae mem. Emmentissimi Cardinalis Barberini Ordinis Protectoris, quod dedit die 20. Augusti 1678. facultate sibi attributa à Sacra Congregatione, videlicet quod dumtaxat in Conventibus illis præcedentia gaudeant, in quibus exercent munus Lectorum suarum, necnon in Capitulis, & Congregationibus, tam Provincialibus, quam Generalibus, ad quæ, ut exercitationes Scholasticas habeant, evocantur.

103. Patres Discreti Provinciae, seu Carniolæ, seu Bosnæ Croatiae, variè scilicet hætenus appellatae, agant in Provinciali Capitulo proximè celebrando, ut conveniat inter ipsos de vno titulo determinato, qui stabili nomenclatione Provinciae in posterum attribuatur: cumque ante publicationem præsentium Constitutionum nuntiatum fuerit eos jam consensisse, ut dicatur Provincia Sanctæ Crucis in Croatia, & Carniola, iste ipsius titulus promulgatur.

104. Non existentibus Guardianis intra limites suis Conventibus assignatos Vicarij eorum præcedant in omnibus Patres Diffinitores actuales, imò & omnes Provinciae Patres: qua tamen præcedentia non gaudeant Guardianis intra præfatos limites existentibus, quamvis ad eosdem Vicarios spectet Benedictionem ferre, sicut & aquis Sacris Communitatem aspergere, quotiescumque, & quomodocumque Guardiani non adsunt, dum talia de more præstanda sit.

PRO TERRA SANCTA.

105. **S**Tatuitur Patrem Guardianum Hierosolymitanum nullam jurisdictionem in Sanctam Custodiam exercere posse quoad usque patentes litterae institutionis suae, aut confirmationis inibi formiter publicentur.

106. Eidem interdicitur ne Syndicos Terræ Sanctae, aut Procuratores instituatur in partibus Christianorum.

rum, siue ad eleemosynas pro Sanctis Locis excipien-
das, siue ad negotia Sanctæ Custodiæ in Tribunalibus
promovenda.

107 Comitatus ipsius in Terram Sanctam profici-
entis non excedat quatuor Religiosos, & hi quidem pro-
bi, & idonei erant, sed ad ejus placitum eligendi.

108 Cum primum poterit, Visitationem instituat lo-
calem, & personalem, prout Constitutionibus Genera-
libus præscriptum est, & præsertim in Conventibus Sanc-
tissimi Salvatoris, Bethleem, Nazareth, & Sancti Joan-
nis in Montana, & ad Superiorem Generalem, quam ci-
tius poterit, Transumptum authenticum mittat ejusdem
Visitationis, ut utrique innotescat, quo pacto servitium
Terræ Sanctæ melius curari possit.

109 Prohibetur eidem ne in gravibus rebus se solo
judicium ferat, & ne quidquam proprio Marte, Discre-
tis inauditis, in momentosis negotijs exequatur.

110 Renovantur Statuta Generalia quoad Equites
Sanctissimi Sepulchri ex Cōcessione Apostolica per
Patrem Guardianum instituendos; eidem præcipitur in
virtute sanctæ obedientiæ, & sub pœnis ad Superioris
Generalis arbitrium infligendis, ut nullum instituat
talem Equitem, nisi ex prævio consensu unanimi om-
nium Discretorum, nisi adhibitis consuetis solemni-
tatibus ad talem institutionem, & nisi latis in eleemo-
synam centum zecchinis venetis per Equitem instituen-
dum, iisque ad conservationem SS. Sepulchri vnicè ap-
plicandis.

111 Conceditur Patri Procuratori Generali Terræ
Sanctæ, ut prudenter invigilet super Ministris Officio-
rum Sacristiæ, Cellariorum, Coquinæ, Procurationis,
ne quidquam contra sanctam paupertatem perdat, vel
distrahatur, & quatenus vel minus fidelem, vel minus
attentum aliquem deprehenderit, de hoc Patrem Guar-
dianum certiores reddat, ut remedium ab ipso adhi-
beatur.

112 Idem Procurator Inventarium habeat rerum
omnium primum, quæ in Officinis existant suæ Pro-
curationis, tum etiam earum, quæ in Sacristijs, Cella-
rijs,

rijs, & Coquinis Conventum SS. Salvatoris, S. Joannis in Montana, Bethleem, & Nazareth asservantur, illudque à Patre Guardiano, & à Discretorio subscriptum sit, vt rationem de omnibus reddere possit, & debeat, si aliquando expediat ipsum ad eam reddendam expostulari, & singulis Officiorum Ministris singula inventaria tradantur earum rerum, quas respectivè in Officio credito illis continget adinveniri, vt eodem rationabiliter instante Patre Procuratore, ad rationem ipsi quoque per P. Guardianum coram Discretis vocari possint.

113 Pro servitio Conventuum omnium, atque Hospitiorum Custodiæ Terræ Sanctæ sexaginta Laici, & Sacerdotes centum, id est Fratrum centum, & sexaginta numerus assignatur, qui tamen non sic arithmeticus erit neque impræteribilis, vt admonente Discretorio à Superiore Generali augeri nequaquam possit, vtque supra prædictos non alij aliqui ibidem in promptu habendi sint ad occurrendum fortuitis necessitatibus ab epidemijs, alijsque infortunijs oriri habitis; atque adeò certus præfatus numerus idcirco figitur, vt normæ sit prudentiæ Superiorum ad ipsum immodicè non excedendum, & in eundem hunc finem injungitur Patri Guardiano, vt possessione inita Officii sui, Cathalogum ad Superiores Generales transmittat degentium ibi Religiosorum, subnectendo cuique juxta taxatas moras, quo tempore ad propriam dimitteretur, & informando singulis annis, quot ipsorum è vivis sublati sint, vt opportunius providentia, quæ convenit, impendi possit.

114 Statuitur iterum, vt Fratribus redeuntibus è Terra Sancta post exhibitum ipsi triennio consueto servitium commendabile, Pater Procurator ad tripliciarum sumptum Sanctuaria concedere teneatur, reddere libros, si quos secum iidem illuc comportaverunt, & assignare ipsis vnum illud, ni admodum comsumptum fuerit, cum quò ad Terram Sanctam pervenerant, indumentum.

115 Litteræ patentes indeterminatæ, seu in albo

Et vulgo dicitur; pro Religiosis in Terram Sanctam mit-
tendis omnino prohibentur.

116 Quæcumque patentes Litteræ recognosci de-
beant à Patre Provinciali cum Diffinitoribus, quate-
nùs ij apud ipsum inveniuntur, & insuper cum Discretis
Conventus, in quo moram fecerit ille, cui concessæ sunt;
quandoquidem idem Pater Provincialis, Diffinitores, &
Discreti attestationem facere debent, an Religiosus, pro
quo patentes Litteræ sunt expeditæ, moribus ijs prædi-
tus sit, vt ad benè inserviendum Sanctis Locis capax, &
idoneus reputetur.

117 Ut autem hæc ordinatio non frustretur effec-
tu suo, mandat Capitulum Generale, vt testimonia
præfata Diffinitorij, & Discretorij, profecturo tradantur
ab eo cum Patentibus asseruanda, vtque Superiores
eidem progredi non permittant, nisi ab illo vna cum Pa-
tentibus ipsis Testimonia præfata exhibeantur.

118 In quibusvis Patentibus litteris exprimat
conditio hæc: *Dummodò antecedentè in seruitium
Terra Sanctæ Religiosi ejusdem Provincia non reperian-
tur jam destinati*; exceptis tamen Missionarijs ejusdem
Terra Sanctæ.

119 Quilibet Religiosus completo termino in suis
Litteris Patentibus expresso ad Christianas Regiones,
& ad propriam Provinciam, sub pœna privationis per-
petuæ vocis activæ, & passivæ redire debeat ad nutum
Patris Guardiani Hierusalem; moram autem ulterius in
Locis Sanctis protrahere, quoad illos Religiosos, qui
permanere cupient, ac Terræ Sanctæ proficui inve-
nientur, arbitrio Discretorij ejusdem Terræ Sanctæ re-
linquitur.

120 Nulli Religioso, Missionarijs exceptis, ac Elee-
mosynarum Transvectores, titulo devotionis ad Ter-
ram Sanctam, postquam alias, tempore sibi in suis Litte-
ris Patentibus præscripto, ibi moram fecerit, redire
permittatur. Si verò Pater Generalis, aut Commissarius
Generalis erga aliquem Religiosum illuc redeundi cupi-
dum propendeat, priùs Discretorium Terræ Sanctæ de
moribus, & idoneitate illius exquirat.

121. Quolibet annò Pater Guardianus Hierosolymæ ad Patrem Generalem, si vè ad Patrem Commissarium Generalem Familiæ, Cathalogum omnium Religiosorum actû in Sanctis Locis permanentium mittat, eorundem Provinciam specificando, & simul quando tempus eorum permanenti præfixum expiret, ad hoc vt prædicti Pater Generalis, si vè Commissarius Generalis Familiæ tot dumtaxat Religiosos, quot ad servitium Terræ Sanctæ erunt opportuni, dimittat.

122. Ad effectum exonerandi quantum fieri poterit Commissionem Tusciæ ab onere imponendi in Naves externos Religiosos in Terram Sanctam profecturos, quilibet eorum ingressum in Naves curet in Portu viciniore propriæ Provinciæ, dummodò ibi aliquis ejusdem Terræ Sanctæ Commissarius existat.

123. Receptæ Eleemosynarum, quæ à Patribus Commissarijs Terræ Sanctæ ex Christianis Regionibus Hierosolymam mittuntur, fiant deinceps, & subscribantur à Patribus Guardianis Sacri Montis Sion, & Discretis Terræ Sanctæ pro tempore præsentibus.

124. Eleemosynæ omnes, quæ ad Sancta Loca, vt supra transvehuntur, id Arca sub tribus clavibus asserventur, quarum vna sit penes Patrem Guardianum Hierosolymitanum pro tempore, altera penes Patrem Vicarium, tertia deniquè à Patre Procuratore detineatur; quod decretum Pater Guardianus omnimodæ executioni demandari curet, sed poena suspensionis ab Officio in casu inobservantiæ per ipsum incurrenda.

125. Nullatenus in posterum quacumque de causa cuique pecunias, & mobilia Terræ Sanctæ distrahere, seu alienare, aut ædificia construere, vel extra ordinarios sumptus facere permittatur, absque prævia approbatione ejusdem Guardiani, & Discretorum pro tempore præsentium, seu saltè majoris partis.

126. Vicarius Guardiani Hierosolymitani nominetur tantùm Vicarius Sacri Montis Sion, & nullo modo Vicarius Generalis appelletur, qui in functionibus, quæ sunt conveniente Communitate Sancti Salvatoris, absente, vel impedito P. Guardiano, præsideat, & præferatur.

ipseque tūc in SS. Sepulcro prædictas functiones exequatur.

127 Præcedentiæ ordo inter Vicarium Montis Sion, & P. Procuratorem Generalem Terræ Sanctæ servetur ubique per Terram Sanctam, qui Hierosolymis sanctus est.

128 Pater Vicarius Montis Sion in Processionibus procedat ante indutos Superpelliceis, etiam dum Patris Guardiani præsentia desideratur.

129 Chori Moderatores S. Salvatoris, SS. Sepulcri, Nazareth, Bethleem, & Sancti Joannis in Montana, sic successivè in præfatis Conventibus permutentur, ut singuli inserviant singulis saltem per unum annum: Cumque sexennium integrum in tali Officio elaboraverint, fruantur in suis respectivè Provinciis privilegio illo, quod Moderatori annorum totidem Chori Ara-Coelitani concessum est.

130 Prohibetur omnibus Religiosis, quicumque illi sint, sub pœna Excommunicationis majoris ipso facto incurrenda, necnon privationis perpetuæ vocis activæ, & passivæ, ne vilo pacto, nec scilicet vendendo, nec permutando, nec alio quovis genere negotiationis agendo distrahere audeant, vel per se, vel per alios Coronas, Rosarios, & alias id genus Devotiones Hierosolymæ.

131 Spolia Defunctorum consistentia in Rosariis, Crucibus, aliisque hujusmodi Devotionibus, & omnia quaecumque alia, uti extracta fuerunt ex peculio Procuracionis, ita non nisi eidem restituantur.

132 Pater Guardianus Terræ Sanctæ non utatur facultate, aut mittendi, aut vocandi Ex-Provinciis Fratres in Terram Sanctam, nisi Superiorem Generalem præmoneat de vnoquoque ipsorum, ipsique permissio ab eodem concessa sit.

133 Extenditur Privilegium Commissariorum Terræ Sanctæ existentium in Curijs Principum ad Procuratorem Generalem Terræ Sanctæ Hierosolymis commorantem, postquam hic expleverit illorum instar duodecim continuos annos suæ Procuracionis.

134 Pater Guardianus, & Pater Vicarius, & Pater Procurator teneantur respectivè Discretum eligere Nationis suæ.

135 Ex vnaquaque Commessione Terræ Sanctæ non destinetur, nisi vnus Frater quantum fieri poterit ad Eleemosynas earundem Hierusalem transfuehendas.

PRO TERTIO ORDINE SÆCULARI.

Cōfirmatum,
& extensum
per Bullam
Innoc. XIII.
Ordines, &
Congregationes
Ec. 23. Ja-
nuarij 1724.

136 **D**eclarat Capitulum Generale illos omnes, qui in Civitate Sancti Sebastiani Fluminis Januarij in Brasilia recipient habitum Tertij Ordinis S. P. N. Francisci independentè à Commissario Primi Ordinis ad legitimè deputato, nec habendos esse, nec posse præfati Tertij Ordinis Professores, nec vllò pacto Indulgentijs, & Privilegijs gaudere posse veris tantum Alumnis ejus per Summos Pontifices impertitis, nec præstare aliud quidpiam, quod Professoribus veris concessum est: idemque Generale Capitulum injungit Patri Commissario Curiae, vt Sanctissimo supplicet pro confirmatione istius declarationis, inhærendo alijs Constitutionibus Apostolicis desuper emanatis, vtque dignetur Sanctitas Sua innovare mandatum suorum Prædecessorum ad Congregationes præfati Tertij Ordinis Sæculares, de subjectione per ipsos Ministro Generali totius Ordinis, alijsque subalternis ejusdem Ordinis Superioribus in ijs, quæ disposuerunt Summi Pontifices, exhibenda.

Impetrata
fuit Bulla SS.
D. N. Be-
dicti Papæ
XIII. Pater-
nae Sedis Apo-
stolicae, Ec. 4.
Idus Decēbr.
1725. lucu-
lentissimè dis-
ponens de to-
to Tertio Or-
dine, quoad
subjectionem
ejus Superio-
ribus Primi
Ordinis.

137 Commissarius Tertij Ordinis in Urbe de-
gens, vel alius quicumque gerens ipsius vices non
concedat consuetas Patentes litteras, nisi illis, qui
vel de sua in Tertium Ordinem receptione testimonia
ipsi authentica exhibebunt, vel proferent litteras va-
lidas obedientiales à Ministris Provincialibus sibi for-
miter expeditas.

Ex Sacris Congregationibus.

Mandato Sacrae Congregationis Disciplinae Regula-
rium

nium præposita præcipitur Ministris Provinciarum Regularis Observantiæ constitutæ intra Italiam, & in suas adjacentes, ut sedulam navent operam Disciplinæ augendæ, & conservandæ, utque invigilent observantiæ puritatis Regulæ nostræ, necnon generalium nostrarum Constitutionum, illarum præsertim, quæ pro Recollectionum Conventibus præscriptæ sunt, omniumque decernarum illarum Ordinationum, quæ Bulla san. mem. Innocentij XI. *Militantis Ecclesiæ*, &c. expressè comprehenduntur.

Ejusdem Sacræ Congregationis auctoritate injungitur Ministris omnium Provinciarum Strictioris Observantiæ, ut quisquis in Provincia sibi credita omnino Conventus secessus erigat, id est Conventus, qui *di Rittaro* Italicè appellantur ad normam Epistolæ Encyclicæ quondam Patris à Montebufo, quæ per eandem Sacram Congregationem die 27. Maji anni 1708. approbata fuit in omnibus, & confirmata, assignaturque ipsis terminus mensium sex à publicatione istarum Constitutionum, ad mandandum executioni Decretum istud, docendamque authenticè præfatam Sacram Congregationem, quod re ipsa fuerit adimpletum.

Eriam jussu ejusdem Sacræ Congregationis præcipitur quoque Ministris Provinciarum omnium Regularis Observantiæ, ut similiter Conventus in Provinciis suis instituunt ad hunc secessum, moneantque authenticè intra sex mensium terminum prædictam Sacram Congregationem, quod in talium Conventuum institutione reverè fuit obtemperatum.

Jubente Sacra Congregatione negotijs Episcoporum, & Regularium præposita ex mandato speciali SS. D. N. D. Innocentij PP. XIII. intimantur sequentia Statuta executioni omnimodæ demandanda.

I. In Fratres denarios, vel apud se quomodolibet retinentes, vel proprijs manibus expendentes, innovantur poenæ omnes, quæ per Capitula Generalia Afsis. 1354. Salm. 1553. & Vallis. 1593. fuerunt olim in ipsos determinatæ.

II. Si qua, vel Provincia, vel Domus, vel Bona

immobilia, vel quodlibet aliud habeat fructum illicitum nobis ferens, siue ea connexa certa onera teneant, siue non, iungitur primum, vt ad formam per Capitulum Viator. 1694. indictam ad perquisitionem, & abdicationem ipsorum illico procedatur; tunc præcipitur, vt abdicatio horum bonorum nullis oneribus obligatorum, si primo legantium non adsit hæres, & commodè possit fieri, eo pacto mandetur executioni etiam apud nos, quo per Congregat. Tolet. 1583. Hispanis præcepta fuit; Sin minus tam horum bonorum, quam aliorum certis oneribus connexorum, eo modo abdicatio fiat, qui præscriptus fuit per Congreg. Rom. 1603. quique per Sacram Congregationem particularem negotijs nostris à fel. rec. Urbano VIII. præpositam, & approbatus fuit die 14. Junij 1628. & fufius explicatus; ac demùm iubetur ad mentem Capitulorum Generalium Genuen. 1302. & Alsif. 1304. sub Excommunicationis maioris latæ sententiæ poena, tam Subditis, quam Superioribus Locorum, & Provinciarum, Superioribus quidem, vt exequantur tales abdicaciones, & quando, & quomodo præscribuntur; Subditis verò, vt moneant Superiorem Generalem, si quidpiam quoad abdicaciones huiusmodi, vel omitti receiverint à Superioribus, vel calari, qui etiam à Generali, constituto quod reuera deliquerint, à suis muneribus deponantur.

III. Contra ludentes quamcumque rem, innovantur poenæ, à Capitulo Generali 1374. & Aquil. 1495. olim præscriptæ, & quamvis ad levamen animi statis horis, atque temporibus ludi aliqui permittantur, observetur, quoad hoc ordinatio Capit. Vallisfol. 1593. & rem aliquam ludere vetitum semper sub poenis prædictis intelligatur.

IV. Disponatur de Fratrum spolijs, prout à Cap. Toler. 1606. sancitum fuit, & prout sanctionem huius Capituli Congreg. Rom. 1679. præsius explicavit, ad quem effectum explicatio huius Congregationis in Constitutionem perpetuam stabilitur, & sub poenis quidem à prædictis Congregatione, & Capitulo constitutis, quæ sanè poenæ, aliæque ad Superio-

ris Generalis arbitrium imponendæ statuuntur in Superiores illorum Conventuum, & Provinciarum, qui Fratrum Infirmorum spolia professioni nostræ non coherencia, vel suis privatis vñibus applicant, si decedunt, vel iterum ipsis Fratribus tribuunt, si convalescunt.

V. In substituētes pro arbitratu suo Syndicis Apostolicis alias Personas particulares, in quorum manibus pecunias servant, innovantur pœnæ Congregat. Messanen. 1532. & Capit. Vallisfol. 1593.

VI. Quoniam observantia Regulæ nostræ plurimum ex eo pendet, quod per Superiores Locales necessaria Fratribus quoad vestitum, & victum subministrantur, statuuntur pœnæ in eisdem id non præstantes, & in Superiores Provinciales eas exigere negligentes, quæ per Generalia Cápitula Vallisfolet. 1593. Tolet. 1633. & 1682. & Victor. 1694. decretæ sunt.

VII. Charitas erga Infirmos in aliquibus Provinciis auditur ita refriguissè, ut ex hoc vel Sæculares ipsi scandalum pati perhibeantur, ac proinde ad eliminandum pro viribus defectum adeò abominabilem renovantur contra ipsum Statuta omnia generalia Absis. 1354. 1430. 1547. Salinat. 1553. Aquil. 1559. Neapol. 1590. Vallisfol. 1593. Tolet. 1633. & Victor. 1694. & strictè injungitur, ut pœnæ contentæ in illis mandentur executioni.

VIII. Renovantur Statuta omnia, & præsertim anni 1337. 1590. & 1593. de Officio Divino quoque die in vnoquoque Conventu sanctissimè recitando disciplina Chori servata, & Fratribus omnibus ad ipsum convenientibus, prout iisdem Statutis, pœnitis etiam indictis, præceptum est: nullum prorsus negotium, vel per totam Communitatem, vel per Fratres particulares, quod vel ante, vel post recitationem Officij commodè tractari possit, statim ad Officium horis, sub quocumque prætextu assumi possit: Si quando in Officij horam incidat negotium aliquod, quod per Communitatem vel differri nequiverit, vel prævenire, tunc per eandem Officium Divinum devotione, qua convenit, vel antea omnino, vel postea celebretur.

omnibus, & singulis horis interesse omnes, & singuli adeo teneantur, ut dumtaxat Lectores, & Prædicatores, quo die legunt, & prædicant, exempti sint, ut hi ipsi, si notabiliter negligent interesse, à suis etiam munibus absolvi possint, ut demum omnes, vel habitualibus morbis impediti, vel indevotionis contemptu culpabiles notabiliter quoad hoc, ad nullum prorsus Officium, & gradum Ordinis, vel deputari, vel suffragari, vel eligi valeant sub nullitate Electionum, Subrogationum, atque deputationum, quoad usque per duos continuos annos à notorio defectu Chorum, ut præmittitur, frequentaverint. Hanc eandem inhabilitatem fortius adeant Superioris Conventum, qui culpabiliter præfatos defectus, vel in tota Communitate, vel in aliquibus Fratribus, aut permiserint, aut dissimulaverint, ipsosque Superior Provincie, etiam à Superioritate, quam obtinent, extrudere teneatur, subijciendus & ipse poenis ad Superioris Generalis arbitrium, si adimplere neglexerit Statuta hæc; quorum observantia cum primis iungitur Patribus Visitatoribus, ut disciplina adeo contingens de proximo cultum Dei, aut firmetur, aut restituatur.

IX. Oratio mentalis quotidie in omni Conventu ab omnibus habeatur, & quidem horis, modo, & tempore per generalia Statuta prædefinitis, nempe Salmant. 1553. Parisiens. 1579. Rom. 1587. Neapol. 1590. Vallis. 1593. Rom. 1600. & 1612. Tolet. 1633. necnon sub poenis in Superiores, & Subditos per eadem Statuta latis.

X. Quæ salubriter à majoribus nostris in Capitulis Salmant. 1553. Vallis. 1593. Rom. 1603. & 1612. de Silentio statis horis, & locis pulsando, & observando mandata sunt, iungitur, ut in unoquoque Conventu plenum effectum habeant sub poenis arbitrarijs quidem, sed omnino infligendis, & his etiam gravibus quatenus opus fuerit ad licentiam oppositam compescendam, & Superiores Locales à Superioribus Provincialibus pro negligentia modo prout discipline congruere noverint, castigantur.

XI. Etsi Capitulum Vallisfol. 1593. congestis multa, quæ in offerendo Sacrosancto Sacrificio Missæ devotionem simul injungerent, & inspirarent, commendatur adhuc modestia, & gravitas, quæ tantam actionem decent, quæque infra dimidium horæ nequaquam, ut convenit, impendi possunt, & præcipitur Superioribus primum, ut sedulo invigilent huic rei, tum ut quos vel inconditè, vel celerius facere deprehenderint, propria vice disciplinæ per integrum Miserere subiciant in plena Communitate, pro secunda in publica Refectione de genu in pane tantum, & aqua habeant, pro tertia utriusque correctioni prædictæ signa probationis adjiciant, nullatenus adimenda ipsis, donec stabiliter emendentur, & quatenus aliquis se adhuc præbeat incorrigibilem omnino à Sacris Altaribus arceatur, & suspendatur, & alijs servijs applicetur; & de Patribus gravibus laborantibus de vitio isto Superiores Majores, ut omnino efficax remedium adhibeant per Superiores Locales admonantur, & informantur, qui si desides fuerint in præmissorum adimplemento vocæ activa, & passiva sexennio careant, quin possint redintegrari.

XII. Qui equitaverint, bigaverint, quadrigaverint, vel sine probata necessitate, vel non servato in necessitate ipsa præscriptostrarum Constitutionum, puniantur irremissibiliter prout ipsdem injunctum fuit anno 1337. 1416. 1430. 1514. 1521. 1541. 1553. 1590. 1593. & prout etiam præceptum fuit per Apostolicas Constitutiones, & Superior Generalis illis ipsdem animadvertat in alios subalternos, qui vel in se, vel in alijs, aut foverint, aut neglexerint abusum hunc.

XIII. Calceamenta, & Caligæ, & quæcumque alia; vel Crurium, vel pedum operimenta eodem vigore, & tenore assatim prohibentur, quo ipsis interdictum fuit per Capitula Generalia Alsif. 1526. Salmant. 1553. Vallisfol. 1593. & Rom. 1603. & præcipitur, ut Constitutio san. mem. Innocentij XI. *Sollicitudo Pastoralis*, &c. Quoad hoc, & alia omnia, quæ continet mandando, & declarando, adamussim, & attendatur, & observetur.

XIV. Poenæ in largitores munerum à fel. rec. Clemente VIII. in Constitutione sua, quæ incipit: *Religiosa Congregationes*, &c. Quæque per Capitulum Romæ 1600. Fratribus quoque accipientibus à Fratribus munera constitutæ per Capit. item Rom. 1612. translatae etiam sunt ad Fratres munera Fratribus impertientes, extendantur præsertim in Superiores Provinciarum, & in Commissarios Visitatores earum, si denarios maxime, & à Guardianis maxime accipere non perhorrescant, & Superior Generalis eas omnino ipsis infligere teneatur.

XV. Superiores Generales, qui denarios quomolibet contrectare, eosque, vel apud se, vel in Conventu, vel alibi retinere, aut contractus emendo, vendendo, commutando facere ausi fuerint, vel aliud quidpiam, vel per alios, vel per se ipsos exequi, quod tantum per Syndicos Apostolicos præstandum est, aut se solis determinare rem aliquam, pro qua, aut consilium, aut consensum, vel Discretorij Conventus, vel Diffinitorij Provinciæ attendere adiguntur, poenis afficiantur per Constitutiones Apostolicas, & Statuta Ordinis in ipsos latis, & in perpetuum voce activa, & passiva privari possint.

XVI. Quæ de Concionatorum stipendijs non modo per Ordinis Constitutiones, sed per Concilium ipsum Tridentinum, & per Summos Pontifices Clementem, & Urbanum VIII. poenis etiam taxatis in transgressores sancita sunt, adeo intimantur, ut si qui Ministri Provinciales approprient sibi partem talium stipendiorum, & partem eorumdem relinquant Concionatoribus ipsis appropriatam, iisdem poenis, quibus tunc Concionatores ipsi obnoxij sunt, Ministri quoque subiciantur.

XVII. Præcipitur eisdem Superioribus Provinciæ, ut Ballam fel. rec. Urbani VIII. de restituendo candore, præsertim quoad cibum, & potum ipsi cum primis servant, utque proinde nulla Promptuaria ciborum reposita sibi habeant, unde hanc disciplinam opere in se ipsis, & scandalo in alijs labefactent; qui autem in
vtror-

utroque, aut in altero culpabiles se præbuerint, taxatas ibi à Summo Pontifice pœnas luant, quas etiam dent alij, quocumque gradu polleant, præfatam Bullam non observantes, Superioresque Locales, qui non eundem vicum, & sibi, & alijs administraverint.

XVIII. Visitatione Cellarum in menses singulos Superioribus Localibus injuncta à Rom. Capitulis 1625. & 1676. mandetur executioni duobus Discretis adhibitis, & ministrando necessarias res, sicut etiam superfluas auferendo, & qui Superior omisserit tertium obire ipsam, & vel superflua tollere, vel necessaria addere non curaverit, det pœnam à Congregatione Rom. 1615. in ipsam latam, fatigantque Ministri, & Commissarii Visitatores inquirere, an Superiores Locales huic Statuto obtemperaverint, visitentque Cellas, & ipsi ad præscriptum Capituli Generalis Rom. 1571. Neapol. 1590. Vallis. 1593. & Rom. 1612. ut emendent si quid à Superiore Locali neglectum fuit, & ut exigant pœnas in ejus delictum præstitutas.

XIX. Cum pecunia quam maximè per Regulam nostram explosa sit, atque in ipsam omnia seic Genetalia Capitula conclamaverint, statuitur, ut quicumque Superior eam Subditos suos professos, vel non professos mendicare, aut jusserit, aut permisserit, aut dissimulaverit, ipse quidem à Superioritate, quam obtinet, illico deponatur, & vocis activæ, ac passivæ privatione, atque inhabilitate perpetua condemnatur, Subditi verò si professi sunt, Proprietarijs pœnam infligendam luant, & si professi non sunt, à consortio nostro perpetuum amoventur.

XX. Qui plures quam duas tunicas, vel plusquam unum Caputium habuerit extrà Communitatem Conveniunt ad usum suum, si ad id Superioris permissu expresso, veraque careat necessitate, statim privetur ipsis, & ad ejusdem Superioris arbitrium puniatur. Si autem vera necessitate adactus, expressa tantum careat facultate, prout id, vel incogitantia, vel contumacia fecerit, vel secreto, vel palam corripiatur.

XXI. Intimantur prohibitiones, quæ ordinatæ fuerunt

runt etiam, atque etiam, & præsertim à Capitulo Victorienſi 1694. thoracium, ſubucularum, induſorum, aliorumque omnium id genus indumentorum, & præcipitur vt eadem Sanctio Victorienſis non quoad ſubſtantiam modò, verùm etiam, quoad cautelas, & poenas mandetur executioni, & ſimiliter quod ſtatuit F. R. Nicolaus III. contra non dormientes cum habitu non ſibi conceſſa licentia per Medicum, & Superiorem.

XXII. Computus exigant ab Aromatarijs Superiores Locales, & Provinciales prout à Capitulo Toletano 1606. poenis etiam in obluſtantes conſcriptis ſtatutum fuit; & ſi quis pharmaca vendere contra præſcriptum Sacre Congregationis particularis præpoſitæ negotijs noſtris 14. Junij 1628. aut etiam capſulas ad nummos, vel accipiendos, vel aſſeruendos contra ſtatutum Congregationis Romanæ 1615. auſus fuerit retinere, det Superiori Locali poenas ab eadem Congregatione aſſignatas, & Commiſſarij Viſitatores perquirant quo pacto Aromatarie fuerint adminiſtrata, atque in Superiores, tam Locales, quàm Provinciales, qui indormierint deſectibus iſtis, ſeuerè animadvertant.

XXIII. Cum habere capſulas apud nos ad Eleemoſynas Miſſarum recipiendas non modò per Congregationis Aſſiſ. 1526. vetitum prorsùs fuerit, ſed eatenùs non probaverit Capit. Rom. 1700. vt ſupplicari præceperit, ne per Bullam noviſſimam Innocentianam ad eam habendam coarctaremur, cùmque rogata Sacra Congregatio Concilij, an, & quomodo Minores Obſervantes valeant retinere capſulas pro Miſſis celebrandis ad 7. Julij 1708. reſponderit negativè; injungitur Superioribus localibus ne huiusmodi capſulas, vel in Sacratio, vel alibi audeant conſtituere, & contrafacientes poenæ ſe noverint ſubjectos eſſe, quæ in Statutorum compilatione edita anno 1994. nomine Statutorum Valliſol. 1593. hic pluries uſurpata in ipſos ſancita eſt.

XXIV. Viſitationes Conventuum, & Provinciarum inculcatur, vt methodo, & zelo fiant, qui præſertim per Conſtitutiones Aſſiſ. 1445. Salmat. 1553. & Valli-

Valisfol. 1593. præscriptus fuit ; quod quidem maximum Disciplina Regularis momentum , ut maxime inflauretur, Ministri Provinciales, qui authenticè remedia defectibus in Visitationibus non applicaverint, vel audito ex successum non habuisse Superiores Locales non castigaverint, à Superioribus, & Visitatoribus Generalibus adeò puniantur, ut pro negligentia modo etiam deponi possint; Commissarii autem Visitatores, qui pariter in forma probante defectus tollere non curaverint, & Superiorem Generalem minutim de Provincia statu, decretisque in visitatione à se factis non admonuerint, Regestumque de omnibus ipsis ad novi Definitorii notitiam non efformaverint, nec eligi ad propriæ Provinciae Ministeriatum, nec ad alterius Visitationem transmitti unquam ulterius possint.

XXV. Præferre in omnibus Aedes nostras paupertatem debere, quod ab usque Capit. Afsif. 1219. fuit injectum, & commendatum, in memoriam revocatur etiam nunc, ut ubique, & ab omnibus impleatur, & signanter præcipitur Guardianis, Ministris, atque Visitatoribus, ut Aedificia publica, quæ Paupertatem, & simplicitatem nostram Seraphicam non præferunt, omnino reforment prout à Capit. Afsif. 1304. Statutum fuit addita in Auctorem ipsorum privatione actuum legitimorum. Injungitur etiam, ut nullæ privatæ Fratrum habitationes, vel pluribus consent Cellis, vel aliquo vno spatio in plures Cellas commodè divisibili, magisque, ut neque marmoratis, neque picturis ornatae sint, neque alia vlla structura, vel re nostræ contraria humilitati, & præcipitur per Sanctam Obedientiam, tam Subditis, quam Superioribus antedictis, ut in præmissis omnibus apponant statim remedium permanens, & opportunum, cui si Subditi mediata, vel immediata resisterint, ipso facto excommunicationem incurrant absque ulteriori alia declaratione, & si Superiores defuerint, & irreversibiliter, & gradatim ad aliorum majorum arbitrium puniantur.

XXVI. Si quis (quod absit) adeò immemor suæ Professionis exiterit, ut mediata, vel immediata

exerceat mercaturam; incurrat ipso facto poenam excommunicationis majoris, à qua, donec non se revera correxerit, per neminem absolvi possit, & nihilominus si citra notabile scandalum institui causa in ipsum queat, proprietarij poenam luat sine vlla dispensatione, aut diminutione, vocisque activæ, ac passivæ damnetur perpetua privatione.

XXVII. Provinciæ, in quibus Lanificia extant ad conficiendum pannum pro induendis Fratribus suis, permittuntur dumtaxat erogare alijs Provincijs eundem pannum, in quibus ad prædictum effectum Lanificia hujusmodi non existunt, sicuti, & Novitijs suis ad habitum Ordinis admittendis, cavendo in utroque casu, ne tales erogationes quæstum redoleant, mercaturamque, ne Eleemosynæ pecuniariæ ab alijs, quam à Syndicis Apostolicis tractentur, aut recipiantur; ne demum pannum distrahant in Fratres, sive Professos, sive Novitios aliarum Provinciarum, quæ & ipsæ Lanificijs suis instructæ sint, & Deputati Lanificiorum, qui contrafecerint, deponantur à tali deputatione, nunquam amplius in ipsam restituendi.

XXVIII. Omnibus autem Provincijs districtè injungitur ne pannum in Fratrum usum elaboratum sub quocumque prætextu directè vendere audeant Sæcularibus, fortiusque ne alium cujuscumque generis pannum fabricent in Sæculares, vel alios alienandum. Qui Ministri permittendo, jubendo, dissimulando in abusus consenserint adeò detestabiles, districtè puniantur à Superiore Generali usque ad depositionem ipsorum, si opus fuerit, & qui deputati ad Lanificia cûranda, in aliquo eorum culpabiles deprehendantur, actibus legitimis, ad quos rehabilitari non possint, decennio careant, & inhabiles perpetuò sint ad exercendam eandem deputationem. Visitatorum autem sit disquirere sedulò omnia hæc, & præsertim qua æquitate, & fidelitate Lanificiorum negotium administretur, ut de Provinciæ discretorum consilio melius ipsum instituunt, si æquitas minor sit, utque in reos omnes ad poenam Proprietariorum procedant, si fortassis fidelitas desideretur, etiam
aggra-

aggravando juxta modum hujus delicti eandem poenam, eamque infligendo etiam Ministris actualibus, & Patribus gravibus, non quoad Carceres, sed quoad privationem actuum legitimum, si hujus criminis vel rei, vel complices deprehendantur.

XXIX. Breve, quod incipit, *Admonemur Pastores Officij* editum à F. R. Urbano VIII. contra Procurantes favoribus Officia Ordinis, intimatur iterum prout à Cap. Rom. 1700. fuerat intimatum, & injungitur publicari, & servari prout ab eodem Capitulo injectum fuit, & extenduntur prohibitiones, & poenae constitutae in ipso etiam ad procurantes favoribus ibi vetitis Officium Visitationis.

XXX. Renovantur Statuta Afsis. 1526. & 1547. necnon Salmat. 1553. & Vallisfol. 1593. de Carceribus in vnaquaque Provincia extruendis, iisque pluribus, vel paucioribus prout necessitas postulabit, qui tamen cum ad eorundem Statutorum praescriptum debeant humani esse, praecipitur, ne subterranei sint, aut luce penitus destituti, & si qui tales uspiam inveniantur, vel reducantur ad formam hanc, vel alijs excitatis, qui ferri possint, penitus deferantur.

XXXI. Quoad suspensiones, privationes, aliasque poenas, & praesertim carceribus mancipationes servetur praescriptum Generalium nostrarum Constitutionum, & Superiores in his aliter procedentes poenis, & ipsi subsint, quae contra male punientes à Constitutionibus ipsis taxatae sunt.

*Defunctorum numerus à postremo Capitulo
Generali.*

In Ultramontana Familia obierunt in Domino Fratres 26971. Sanctimonialis verò 14114. & in Familia Cis-montana Fratres 16854. Sanctimonialis autem 3055. atque adeo omnes Fratres defuncti sunt 43825. & Sanctimonialis 17169.

Pro Sanctissimo Domino Nostro Innocentio Papa XIII. ejusque ad multos annos incolami sospitate, vltra preces jam statutas à Nobis, & ab eodem Apostolicis litteris confirmatas, singuli Sacerdotes tres Missas legant.

Pro omnibus Principibus Christianis Ordinem nostrum in Ditionibus suis tuentibus, & promoventibus, singuli Sacerdotes legant similiter Missas tres.

Pro Eminentissimo; & Reverendissimo Domino D. Laurentio Cardinali Corsino apud Sanctam Sedem Ordinis Protectore, vnusquisque Sacerdos recitet vnam Missam.

Pro Eminentissima Congregatione Dominorum Cardinalium vna Missa legatur à quolibet Sacerdote.

Pro Excellentissima Familia de Comitibus Ordini nostro impensè addicta quisque Sacerdos recitet Missam vnam.

Pro Excellentissimo Comite de Chinchon, cujus beneficentia expensæ pro Generali Capitulo fuerunt factæ, Sacerdotes omnes celebrent vnam Missam.

Pro felici statu nostræ Seraphicæ Religionis, & Apostolici Ordinis Prædicatorum, duæ Missæ à Sacerdotibus omnibus recitentur.

Pro pace inter Principes Christianos, extirpatione Hæresum, Fidei propagatione, victoria contra Infideles, & Ecclesiastici Ordinis prosperitate, duæ Missæ legantur à quolibet Sacerdote.

Ita est.

Fr. Laurentius à S. Laurentio, Minister Generalis.

Fr. Joseph Garcia, Ex-Minister Generalis.

Fr. Joannes de Soto, Commissarius Generalis, & Indiarum.

Fr.

Fr. Joannes à Petrasitta, Ex-Vice-Commissarius Generalis Reformatorum.

Fr.

Fr. Cherubinus à Nardo , Ex-Commissarius Generalis.

Fr. Deodatus à Roma , Ex-Vice-Commissarius Reformatorum.

Fr. Joannes Cosimus à Monte Miniano , Ex-Vice-Commissarius Generalis.

Fr. Antonius Blahch , Discretus perpetuus Ordinis.

Fr. Matthæus à Pareta , Procurator Generalis Ordinis.

Fr. Hyacinthus Serrat , Commissarius Generalis Curiae.

Fr. Benedictus à Castro Arquato , Procurator Generalis Reformatorum.

Fr. Joannes Diaz à Conceptione , Procurator Generalis Discalceatorum, & Recollectorum.

Fr. Bartholomæus de Vulsinio , Diffinitor Generalis.

Fr. Carolus à Corleto , Diffinitor Generalis.

Fr. Gabriel Maria de Venetijs , Diffinitor Generalis.

Fr. Seraphinus à Sancto Fratello , Diffinitor Generalis.

Fr. Joannes Benedictus de Sarzana , Diffinitor Generalis.

Fr. Andreas Pordanes , Diffinitor Generalis.

Fr. Michael Angelus à Gallipoli , Diffinitor Generalis.

Fr. Hilarius Maria à Ragusio , Diffinitor Generalis.

Fr. Albericus Balbiano , Diffinitor Generalis.

Fr. Saturninus Dirop , Diffinitor Generalis.

Fr. Antonius Duro , Diffinitor Generalis.

Fr. Carolus Bourget , Diffinitor Generalis.

Fr. Emmanuel à Remedijs , Diffinitor Generalis.

Fr. Franciscus Delamar , Diffinitor Generalis.

Fr. Thomas Montalbo , Diffinitor Generalis.

Fr. Michael Mosterz , Diffinitor Generalis.

Fr. Joannes Salazar , Diffinitor Generalis.

Fr. Petrus Poisson Diffinitor Generalis.


Fr. Joseph à S. Theresia Diffinitor Generalis.

Ita est Fr. Joannes Franciscus à Sorexina, Diffinitor Generalis Secretarius.

Supremo Sanctissimi D. N. Benedicti Divina Providentia Papæ XIII. imperio parendo. supradicta Statuta totius Ordinis Minorum à Celeberrimo Capitulo Generali Romano anno 1723. Præsidente san. mem. Innocentio XIII. condita, ea, qua potuimus sedulitate, & accurato studio perlustravimus, omniaque in illis contenta nedum Seraphici Patriarchæ Regulis uniformia, & consentanea recognovimus, verum etiam maximam universis, publicoque Ordinis bono, recto Provinciarum Regimini, ac exoptato Fratrum omnium profectui utilitatem allatura fore censemus, proindeque, quatenus eidem Sanctissimo Domino Nostro placuerit, confirmationis Apostolicæ ob solemnitates rigoroſe forsitan non adhibitæ robur elargiendum fore credimus. Datum Romæ hac die 18. Decembris 1728.

L. Cardinalis Corfinus Protector.

Fr. Laurentius Cardinalis Cozza:



BENEDICTUS PP. XIII.


Ad perpetuam rei memoriam.

AD pastoralis Dignitatis fastigium meritis licet imparibus, divina dispositione evecti, illa, quæ pro felici, prosperoque Religiosorum Ordinum vberibus bonorum operum fructus in Ecclesia Dei assidue proferre satagentium gubernio, & progressu providè constituta, & ordinata esse noscuntur, ut firma semper, atque in-

inviolabilia persistant, Apostolici muniminis nostri patrocinio, cum id à Nobis petitur, libenter constabimus. Exponi siquidem nobis nuper fecit dilectus filius Josephus Maria ab Eboræ, Procurator Generalis Ordinis Fratrum Minorum Sancti Francisci de Observantia nuncupatorum, quod pro salubri totius Ordinis hujusmodi, illiusque Fratrum regimine, & directione diversarum Constitutiones in Capitulo Generali ipsius Ordinis novissimè, videlicet anno MDCCXXIII. in hac Alma Urbe celebrato, cui sel. rec. Innocentius PP. XIII. prædecessor noster præfedit, editæ, ac subindè jussu nostro à Venerabili Fratre nostro Laurentio Episcopo Tusculano Corsino, Ordinis præfati apud nos, & Sedem Apostolicam Protectore, & bon. mem. Laurentio Cozza, dum viveret S. R. E. Cardinalibus nuncupatis revisæ, ac per eos in meliorem, clarioremque formam redactæ fuerunt. Cum autem, sicut eadem expositio subjungebat, prædictus Josephus Maria, Procurator Generalis illas pro firmiori earum subsistentia, exactiorique observatione Apostolicæ Confirmationis nostræ præsidio communiri summo opere desideret. Nos ipsius Josephi Mariæ, Procuratoris Generalis votis hac in re, quantum cum Domino possumus, favorabiliter annuere volentes, eumque à quibusvis excommunicationis, suspensionis, & interdicti, aliisque Ecclesiasticis Sententijs, Censuris, & poenis, à Jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, Constitutiones præfatas in ijs tantum, quæ Sacris Canonibus, Concilij Tridentini Decretis, Constitutionibusque, & Ordinationibus Apostolicis, præsertim Reformationem dicti Ordinis, illiusque Fratres Reformatos, seu Recollectos, vel Discalceatos nuncupatos quomodolibet concernentibus, & quandocumque editis non adversantur, auctoritate Apostolica thenore præsentium confirmamus, & approbamus, illisque inviolabilis Apostolicæ firmitatis robur adjicimus, ac omnes,

nes, & singulos Juris, & facti defectus, si qui desuper
quomodolibet intervenerint, supplemus. Decernentes
easdem præsentis litteras, ac Constitutiones, ut præ-
fertur, semper firmas, validas, & efficaces existere, &
forè, suosque plenarios, & integros effectus sortiri, &
obtinere, ac illis ad quos spectat, & pro tempore spec-
tabit plenissimè suffragari, & ab eis respectivè inviolabi-
liter observari; Sicque in præmissis per quoscumque Ju-
dices Ordinarios, & Delegatos, etiam Causarum Pala-
tij Apostolici Auditores judicari, & definiri debere, ac
irritum, & inane, si secus super his à quoquam quavis
auctoritate scientè, vel ignorantè contigerit attentari.
In contrarium facientibus non obstantibus quibuscum-
que. Datum Beneventi sub annulo Piscatoris die secun-
da Maji MDCCXXIX. Pontificatus Nostri anno quinto.

F. Cardinalis Oliverius.



CONSTITUTIONES
PER CELEBRIS
CAPITULI GENERALIS
TOTIUS ORDINIS FRATRUM MINORUM,
CELEBRATI
IN VIGILIA SACRI FESTI PENTECOSTES;
JUXTA PRÆSCRIPTUM SERAPHICÆ REGULÆ
S. P. N. FRANCISCI,

Anno 1729. die 4. Junij in Conventu S. Angeli
Mediolani.

CONSTITUTIONS

OF THE

STATE OF

NEW YORK

AS REVISED

AND

ENACTED

BY THE

LEGISLATURE

IN THE

YEAR

1892



IN DEI NOMINE AMEN.

HÆC EST TABULA CELEBERRIMI

*Capituli Generalis totius Ordinis Fratrum Minorum
celebrati in Conventu S. Angeli Mediolani in*

Vigilia Pentecostes anno 1729. die

4. Junij.



LAPSO sexennio à novissimo Capitulo
Generali, cum Reverendissimo Patre
Fr. Laurentio à S. Laurentio totius Or-
dinis Ministro Generali infra quartum
gubernij sui annum ad apicem Cardina-
latus evecto, ex speciali dispositione

Sanctissimi Domini Nostri BENEDICTI Papæ XIII. per
suffragia Patrum, & Discretorum Ordinis Romæ com-
morantium in Vicarium Generalem assumptus fuisset,
& successivè ex Pontificio Rescripto Ministri Genera-
lis titulo insignitus Reverendissimus Pater Fr. Matthæus
à Pareta, Lector Jubilatus, Provinciæ Observantium
Terræ laboris Ex Minister, & in Romana Curia Procu-
rator Generalis actualis, suffecto in idem Procuratoris
Generalis Officium Adm. Rev. P. Fr. Josepho Maria ab
Ebora Secretario Generali Ordinis: in hoc demùm Ge-
nerali Capitulo (quod quidem juxtà Sanctionem Capi-
tuli Romani 1723. Bononiæ celebrandum erat, rationa-
bilibus tamen de causis cum placito Sedis Apostolicæ in
hac perampla Civitate coactum est) præsidente eodem

Reverendissimo P. Matthæo de Pareta, Generali Ministro ex speciali dignatione Sanctissimi, qui quantum etiam ad præsidentiam hanc pro sua in pusillum gregem nostrum verè mirifica benignitate, omissa alia deputatio-
ne; Constitutionibus Ordinis locum fecit, conspirantibus omnium suffragijs in Ministrum Generalem totius Ordinis S. P. N. FRANCISCI ritè, & canonicè electus est Reverendissimus Pater Fr. Joannes de Soto, Provinciæ Regularis Observantiæ Immaculatæ Conceptionis Lector Jubilatus, Ex-Secretarius Generalis Ordinis, ejusdemque Ex-Procurator Generalis, & Familiæ Ultramontanæ, ac Indiarum Commissarius Generalis actualis.

Commissarius Generalis Familiæ Cismontanæ:

Reverendissimus P. Fr. Franciscus à S. Severino, Lector Emeritus, Ex-Procurator Generalis Reformato-
rum, & Minister actualis Provinciæ Principatus.

Pater utriusque Familiæ.

Reverendissimus P. Fr. Matthæus à Pareta, Lector Jubilatus, & Ordinis Ex-Minister Generalis immediate-
diatus.

Procurator Generalis Ordinis.

A. R. P. Fr. Bernardus Monterde, actualis Minister Provinciæ Aragoniæ Observantium.

Commissarius Generalis in Romana Curia.

Reverendissimus P. Fr. Joseph Maria ab Ebo-
ra, Provinciæ Romanæ Observantium, Lector Jubilatus, Ex-Procurator Generalis immediatus Congregationis Consistorialis, & Supremæ, atque Generalis Inquisitionis Consultor.

Procurator Generalis Reformatorum.

A. R. P. Fr. Fulvius à Bononia Provincia Bononiensis Reformatorum, Lector Emeritus.

Procurator Generalis Excalceatorum, & Recollectorum.

A. R. P. Fr. Gildaldus Dulfios, Provinciae Sanctae Andree in Belgio Custos.

Diffinitores Generales Ultramontani.

A. R. P. Fr. Joannes Lasso, Lector Jubilatus, Provinciae Bethicae Observantium Ex-Minister, & Custos.

A. R. P. Fr. Petrus Polo, Lector Jubilatus Provinciae Valentiae Observantium Ex-Minister, & Custos.

A. R. P. Fr. Vincentius Zendra, Lector Theologus, & Minister Provinciae Excalceatorum S. Joan. Baptistae.

A. R. P. Fr. Godifredus Stuve, Minister Provinciae Recollectorum S. Crucis in Saxonia.

A. R. P. Fr. Andreas Augustinus Bondet, Doctor Sorbonicus, & Magni Conventus Parisiensis Guardianus.

A. R. P. Fr. Albettus Counac, Minister Provinciae Aquitaniae inferioris.

A. R. P. Fr. Chrysogonus Castien, tertio Minister Provinciae Recollectorum Immaculae Conceptionis in Gallia.

A. R. P. Fr. Romulus Vandemale, Lector Jubilatus, & Minister Provinciae Recollectorum Germaniae inferioris.

A. R. P. Fr. Ferdinandus à Sancto Antonio, Lector Theologus, & Minister Provinciae Immaculae Conceptionis Discalceatorum in Brasylia.

A. R. P. Fr. Andreas Cavallo, Minister Provinciae Tertij Ordinis in Bethica.

Diffinitores Generales Cismontani.

A. R. P. Fr. Matthæus de Atina, Lector Jubilatus; & Provinciæ Terræ laboris Observantium Ex-Minister.

A. R. P. Fr. Joannes Maria de Augusta, Lector Jubilatus, & Provinciæ Observantium Vallis Neti Ex-Minister, & Custos.

A. R. P. Fr. Joannes Jacobus de Vallico Provinciæ Romanæ Observantium, Lector Jubilatus, Ex-Secretarius Generalis Ordinis.

A. R. P. Fr. Camillus de Breno, Lector Theologus; & Minister Provinciæ Brixiae Observantium.

A. R. P. Fr. Cherubinus de Capriata, Lector Jubilatus, & Provinciæ Observantium Genuæ Minister.

A. R. P. Fr. Joannes Capistranus Jovenski, Lector Jubilatus, & Provinciæ Observantium Poloniæ Majoris Ex-Minister, & Custos.

A. R. P. Fr. Franciscus Maria Spinelli, Provinciæ Reformatorum S. Angeli Ex-Minister, & Ex-Secretarius Generalis.

A. R. P. Fr. Carolus Maria de Novocomo, Lector Emeritus, Ex-Minister, & Custos Provinciæ Mediolani Reformatorum.

A. R. P. Fr. Gentilis à Nicæa, Lector Emeritus, Ex-Minister, & Custos Provinciæ S. Thomæ Reformatorum.

A. R. P. Fr. Crescentius Krisper, Lector Emeritus; & Provinciæ Reformatorum Austriæ Minister.

Guardianus Hierosolymitanus.

A. R. P. Fr. Aloysius à S. Angelo, Lector Jubilatus, & Provinciæ Principatus Observantium Ex-Minister.

Antequam hæc Typis mandarentur, & vivis sublatus est Adm. Rev. P. Fr. Franciscus Maria Spinelli: Cumque ob ejus subrogationem quæstiones oriri præviderentur,

tur, Sanctitas Suā, vt ijs locum præcluderet, subrogandum censuit in Diffinitorem Generalem, prout per suum Breve subrogavit, & subrogatum declaravit Adm. R. P. Fr. Bernardinum à Pislicio Lectorem Emeritum, & Ex-Ministrum Provinciæ Basilicatæ Reformatorum.



FR. JOANNES DE SOTO,

LECTOR JUBILATUS,

CATHOLICÆ MAJESTATIS

pro Regali Immaculatæ Conceptionis Congressu Theologus, ac totius

tius Ordinis Fratrum Minorum

Minister Generalis,

& Servus, &c.

OMNIBUS FRATRIBUS, ET MONIALI-

bus, Prælati, ac Subditis nostræ curæ, & juris-

dictioni ubique gentium commissis, & subiectis,

vtramque salutem in eo, qui est vera salus, &

plenam in Spiritu Sancto consolationem.

Monituri vos, dilectissimi Fratres, de electione nostra in Ministrum Generalem totius Ordinis Fratrum Minorum communi, ac vnanimi consensu Vocalium ex toto Terrarum Orbe confluentium facta in Capitulo Generali Mediolani celebrato in Vigilia Pentecostes præsentis anni juxta Seraphicæ Regulæ

gulae nostrae praescriptum ; illud in primis à Vobis efflagitandum duximus , vt qui nos inter tot praeclarissimos Viros , de Religione optimè meritos , eximijs , & virtutum , & sapientiae ornamentis affatim cumulatos , ad tantum munus , & onus extulistis , vires paritèr auxiliij vestri ad ipsum comportandum admoveatis , quam diligentissimè. Id quod eo operosius à vobis impensum iri certè confidimus , quo studiosius sincerè pensitamus non tam favorem arbitrij , quam confidentiam iudicij vestri , quo tenuitatem nostram tanto oneri , ac honori idoneam potissimum iudicastis.

Ut autem apertius os nostrum pateat ad vos , & cor nostrum dilatetur , Sanctissimi Antecessoris nostri D. Bonaventurae verba in sua Pastoralis Epistola Vobis subijcere veriùs cogimur , iisdem compellamus ingenui animi omnimoda sinceritate : *Sarcinae gravi , & quasi im-portabili humeros supposuimus imbecilles , sperantes de adiutorio virtutis Omnipotentis , & confidentes de ad-miculo vestrae sollicitudinis in idipsum. Nam etsi sit impos-sibile quantumcumque fortè , industrio , & experto totam tanti oneris sarcinam suis humeris bajulare ; si tamen di-uisa in partes , & humeris imposita diversorum viriliter à quolibet portetur , non est quantumcumque debili Capiti horrore quodam rei insolite desperandam. Certè quidem multa fiducia nobis est in vobis , nec aliam , quam de suis Subditis quondam jure merito praesumebat idem Sanctissimus Praesul , modo Nos de Vobis fidenti animo concipimus , & ob easdem , & zeli vivacitatem , & sollicitudinem , & industriam multis jam dudum nobis comprobatas argumentis , quod nimirum prompti sitis ad extirpanda mala , promovenda bona , fovenda debilia , & fortia conservanda.*

Modo autem nostra clavum regiminis Seraphicae , & amplissimae tantae Fraternitatis tenentium potissimum interest , & vestrum auxilium enixius , impensiusque implorare , & sollicitudinem vestram vehementius commovere , vt super oves curae vestrae concreditas sedulo invigiletis , excubiasque pervigiles agatis , injuncti Officij ministerium implentes in omnibus , assidue laboran-

do cum obsecrationibus, tum increpationibus, in omni
 patientia, & doctrina, tum in primis operum exemplis, &
 factis desides, & pigrescentes primum excitando, & pa-
 ternerè admonendo; à bono verò opere torpentes, cum
 opus fuerit, arguendo cum imperio, ut refecatis senti-
 bus, culta undique revirescat Religionis hæreditas, spe-
 cies illa plagiferi Jacob P. N. Francisci, quam singula-
 riter dilexit Deus, ac fœru novæ Sanctitatis Proles quo-
 tidie mirificè multiplicat, & apprimè exornat. Ea prop-
 ter cavendum vobis præsertim est, ne ob segnem dili-
 gentiam, & curam, aut ob minus sedulam vigilantiam
 vestram in Pomorum custodiam positam, velut olim
 Hierusalem, se derelictam ingemiscat, aut minus cul-
 tam, & sylvescentem deploret. Idcirco vestrum est, ut
 pervicaces, & obstinati omninò compescantur, & syl-
 vescentes herbæ penitus eradicentur à florētissimo
 Religionis Viridario, ne immista malorum obscuritas
 fulgentissimam Ordinis claritatem obtenebret, aut in-
 ficere valeat. Nec minus vestri muneris est, totis viribus
 fovere, & juvare eos, qui promissa in Regula examus-
 sum servantes Dei opus in Religione faciunt, quin etiam
 eo vnanimitatis studio super eos ad eximium laborem insti-
 tare debetis, quo olim *Filij Juda quasi vir unus instab-*
ant super eos, qui faciebant opus in Templum Dei: Ut
 magisterio vestro copiosiores ad Dominum ascensiones
 in cordibus suis disponant, & ad fastigium perfectionis
 ascendant, præstito juvamine, & adjutorio vestro.

Sanè quasi vir unus in commune Religionis bonum
 perficiendum tunc instare meritò judicabimur, cum in
 primis charitatis vinculis perfecte uniti, fraternam cha-
 ritatis non fictæ pacem studiosè inquiremus, firmiter in-
 sequemur, & si fortè fugiat, velociter persequemur
 juxta Davidicum monitum; cum sine illa, nec religio
 firma subsistet, nec ullum diù perstabit spirituale ædifi-
 cium. Undè commonere vos, & obsecrare cum Aposto-
 to Paulo compellimur, *ut nulla sint in vobis schismata;*
sed sitis perfecti in eodem sensu, & in eadem sententia, &
supportantes invicem in charitate solliciti sitis servare unio-
nem in vinculo pacis.

Etenim verò cum pax Christiana belligeratrix esse debeat, ut veram pacem in Religione servetis, fictam diaboli pacem, è medio tollere studere, perpetuum bellum fortiter gerentes, & gladio strenuè pugnantes contra Leviathan illud, *cujus corpus quasi scuta fusilia, & compactum squaloris se praeferentibus*, graphycè designat ex D. Bernardo coherentium nexum, & unitatem aliquorum Fratrum tepidè, & remissè conversantium, quibus si quid honestatis, aut insigne cujusdam consuetudinis persuadere velis, promptiores sunt majori dispendio, ac difficultate graviore resistere, quam facili compendio assequi, quod rectum esse constitit.

Profecto Nobis, qui Apostolicam vivendi formam ex regula profitemur exactius servandam, potissimum incumbit, ut per bona opera proximis nostris lucis exempla monstremus, *providentes bona*, ut monet Apost. *non solum coram Deo, sed etiam coram hominibus*. Id quod eo vigilantius, & operosius observabimus, quo reverentius, & formidolosius memoria recalemus foedus illud initum, & commercium celebratum inter Fratres nostros, & Mundum, testante, ac indubiam fidem faciente SS. P. N. Seraphico, ut nimirum, *quando ipsi retraxerint bonum exemplum, fide mentita, retrahet mundus manus, juxta censura*. Certè sanè metuenda nimis est maledictio, quam Seraphicus Patriarcha noster imprecatur fœdistragis, & ijs qui suo malo exemplo confundunt, ac destruunt, quod per Sanctos Fratres hujus Ordinis Deus ædificavit, & ædificare non cessat.

Cum scientia pariter ad Religionis decorum eximium, & vocationis nostræ munus adimplendum, necessaria, nedum utilis, proculdubio censenda sit, omni prorsus diligentia curandum est, ne villo modo langueant, quin imò vernantissimè floreat, & accuratissimè excolantur earum litterarum studia, quæ & viros Religiosos apprimè decent, & ad populorum instructionem, Fideliumque Spiritualem directionem, necnon Ecclesie Catholicæ defensionem, ad hæresum confutationem necessaria sunt. Hæc enim, dum Sanctæ orationis, & devotionis Spiritum Fratres non extinguat, nedum non

à Seraphicæ Regulæ nostræ amulsi desciscere noscuntur, quin potius vocationi nostræ cælitus inspiratæ prorsus consentanea jure censentur, & necessaria. Quapropter ea omnia, quæ in Constitutionibus Ordinis providè circa litterarum studia conservanda, & promovenda ordinata sunt, seriò præcipimus ad vnguem servari, de eorumque diligenti observatione summo studio curabimus, desides, & ineptos à lectura repellentes; digniores, & aptiores ad magisterij lauream promoventes, & honores.

Nec minus sedulam curam adhibebimus, vt Ordinis munia, Dignitates, & Honores ij dumtaxat assequantur, qui suffragantibus meritis, cæteris ante stare, ac verè digniores legitimè probati sint, & aptiores, omnes vires maximè exerendo, vt via ambitiosis omninò præcludatur, imò & prorsus exturbentur illi, qui instar pessimi Acham pallium Hierico furantis, per Sæcularium protectionem, & conquisitos favores contra Sacras Leges subripere conantur Ordinis Officia, & Dignitates, Religionem Sanctam scandalo perturbantes, ac nefas magnum facientes in Israel, & Dei populum anathemate contaminantes.

Ad hæc cum Superiores in primis monere debeamus his nostris paternis litteris, sanè salubriora consilia illis dare minimè valemus, quam ea, quæ Sacrosanctum Concilium Tridentinum Ecclesiæ Prælati sapientissimè præstitit Cap. primo de Reformatione, eos, nimirum, primum admonendo, vt se Pastores, non percussores esse meminerint, atque ita præesse sibi Subditis oportere, vt tamquam filios, & Fratres diligenter, elaborantque; vt hortando, & monendo ab illicitis deterreant, ne ubi deliquerint, debitis eos pœnis coercere cogantur: Quos tamen si quid per humanam fragilitatem peccare contigerit, illa Apostoli ab eis servanda est præceptio, vt illos arguant, obsecrent, increpent in omni bonitate, & sapientia, cum sapè plus erga corrigendos agat benevolentia, quam severitas, plus exhortatio, quam comminatio, plus charitas, quam potestas.

Subditis vero nostris ea verba D. Pauli paterno

affectu submittimus: Obedite Prepositis vestris, & subja-
cete eis. Ipsi enim pervigilant quasi rationem reddituri pro
animabus vestris, aut cum gaudio hoc faciant, & non ge-
mentes. Igitur diligentissime advertite, Fratres charis-
simi, quod vobis ipsis detrimentum infertis non modi-
cum, ac super vos ipsos onus grave imponitis, dolore in
caput vestrum converfo, dum non spontè, sed quasi
coacti subjecti estis, laborantes vt servi mercede con-
ducti, non tamquam filij liberè, promptè, & spontaneè.
Sanè Prælati jure gemunt ab onere regiminis, dum suos
labores irritos, & frustraneos esse vident, vel ob duri-
tiam Subditorum, vel ob neglectam legum observan-
tiam, & debitam reverentiam. Fugite itaque quam lon-
gissimè illorum vestigia, qui, vt quondam agebat Bona-
ventura, monstruosum quemdam statum eligentes inter
vitam activam, & contemplativam, non tam carnaliter,
quam crudeliter sanguinem comedunt animarum. Ergo
noscite militiam, cui nomen dedistis, fortiter dimicite;
& contendite per angustam portam intrare, licet enim
arcta sit via, & alta, quæ ducit ad vitam, si tamen duci
vos libenter sinatis per semitas æquitatis, cum ingressi
fueritis, non arctabuntur gressus vestri, & currentes non
habebitis offendiculum, vt dicitur quarto Proverbio-
rum. De cætero, Fratres, quacumque sunt vera, quacum-
que pudica, quæcumque amabilia, quacumque bona famæ
si qua virtus, si qua laus disciplina, hæc cogitate, vt fa-
ciatis, & sequamini.

Cum etiam Pastoralis muneris sollicitudo ad revo-
 candas oves, quæ perierint, intendere maximè debeat,
 & ex inventis ovibus gaudium boni Pastoris accrescat
 plurimum, omnes Apostatas nostræ Religionis, qui tam-
 quam deperditæ oves vagi, & profugi per devia errant;
 paternis misericordiæ visceribus amplecti desideramus;
 & ad causam gregum revocare, condonantes eis omnes
 poenas ratione apostasiæ ex præscripto legum infligen-
 das, dummodò intra spatium quatuor mensium ab ha-
 rum litterarum publicatione se præsentent suis Provin-
 cijs: quibus elapsis, nulli præsens suffragabitur gratia;
 sicut nec illis, qui in confidentiam harum litterarum,
 post

post eas intimatas deliquerint; quinimò tan contra ipsos, quam contra alios quoscumque sui status desertores omni juris rigore procedemus.

Denique vt gratitudinis nostræ debita pro viribus persolvamus; cùm Religio nostra eo magis adstricta sit beneficijs Principum, quo in Terris degens pauperior ab ipsis cumulatiùs muneribus oneratur, & gratijs, omnes curæ nostræ subjectos exhortamur vehementer in Domino, & præcipimus, vt omnes, continuis apud Deum effusis precibus, maximè commendatos habeant. In primis autem Deum exorare debemus pro incolumitate, ac diutina conservatione vniuersalis Ecclesiæ Pastoris, Sanctissimi Domini Nostri. BENEDICTI XIII. cui potissimum Religio nostra se devinctam quam arctissimè agnoscit ob eius singularem, paternamque erga ipsam dilectionem; cum gratiarum, & beneficiorum ingenti effusione conjunctam: deindè sine intermissione orare pro Fidei exaltatione, pro victoria contra Infideles, pro pace Christianorum Principum, ac pro eorum salute, felicitate, prosperoque gubernio. Postremò pro majori spirituali incremento Religionis nostræ humillimas Deo effundite preces, & iussa in Statutis Generalibus Ordinis suffragia exactè implete, ac memores nostri sitis in Orationibus, & Sacrificijs. Interea Nos in nomine SS. Parentis N. Francisci Vobis omnibus Seraphicam impartimur benedictionem in Nomine Patris, & Filij, & Spiritus Sancti. Dat. Mediølani in hoc Conventu Sancti Angeli die 15. mensis Junij anni 1729.

Fr. Joannes de Soto,
Minister Generalis.

Loco ✕ Sigilli.

De mandato sua Paternitatis Reverendissimæ
Fr. Dominicus Loffada,
Secretarius Generalis Ordinis.

CONS-

CONSTITUTIONES GENERALES

PRO UTRAQUE FAMILIA.

1 **R** Edduntur gratiæ à toto Capitulo Generali Sanctissimo D. N. D. BENEDICTO Papæ XIII. pro innumeris beneficijs vniverſo Ordini collatis, ejuſque impenſiſſimo, ac verè Pontificio amorì ſe debere gaudet marmoreum Simulachrum S. P. N. Franciſci in Vaticano Templo excitatum, Ordinis faſtos multiplici Beatorum, ac Sanctorum apotheoſi decoratus, & auctos, Sacræ Purpuræ decus generali Miniſtro bonæ memoriæ Eminentiffimo Cozzæ, ac per ipſum Ordini vniverſo conceſſum, innovatam Bullam Pij V. pro omnimoda à veſtigialibus exemptione, Prædeceſſorum privilegia Apoſtolicæ confirmationis munimine reſtituta: & quia operoſum foret ſingula commemorare, tanto Pontifici, ac Patrono iterum, iterumque gratias exhibet immortales, quod inter cætera ſuæ beneficentiæ teſtimonia, regularem diſciplinam per ſuam Bullam: *Univerſalis Eccleſiæ regimini* egregiè adjuverit, ipſiuſque clementia rogatur pro ſua in Nos beneficentiſſima voluntate, vt juxta Conſtitutiones Ordinis eandem Bullam à nobis ſervari velit.

2 Statuta facta in præterito Generali Capitulo, & à Sanctiſſimo Domino Noſtro confirmata executioni mandentur, & imprimantur.

3 Decernitur ſupplicandum eſſe Sanctiſſimum Pontificem, vt reducatur ad antiquum ſtatum deputatio Officialium Curiz caſu quo intra tempus Officij ex hac vita decedant, vel renuncient.

4 Supplicetur Sanctiſſimus ab Officialibus Curiz pro moderatione vacantiz Officiorum Generalium à

minoribus ad majora, necnon pro moderatione Bullæ expulſionis incorrigibilium ad normam Statutorum antiquorum.

5 De mandato Summi Pontificis Definitorium Generale ſtatuit, vt omnes Sancti, qui ex hac vita migraverunt ante diſiſionem Ordinis, denominentur ſolummodo Sancti Ordinis Minorum abſque alio addito: Qui verò poſtea deceſſerunt inter Obſervantes, Excalceatos, Reformatos, Recollected, Conventuales, & Capucinos denominentur nomine appropriato cuique membro.

6 Intimantur denuò Statuta Generalia omnem cantum præter Gregorianum noſtris Fratribus prohibentia: cumque de hoc habeatur mandatum Sanctiſſimi Domini Noſtri Benedicti Papæ XIII. de menſe Decembris 1726. encyclicis Reverendiſſimi P. N. Miniſtri Generalis præteriti per omnes noſtras Provincias promulgatum ſub die 8. Martij anni 1727. ſtatuitur, vt omnes Religioſi, tam Obſervantes, quàm Reformati, Diſcalceati, Recollected, ac Tertij Ordinis Miniſtro Generali ſubjecti in Officio, & Miſſa Conventuali præfato cantu Gregoriano vtantur ſaltem diebus feſtis, præſertim ſolemnibus, ſub pœna privationis vocis activæ, ac paſſivæ Superioribus Localibus, ſi contra fecerint.

7 Commendat ſummopere Capitulum Generale Superioribus Generalibus, & Officialibus Curiz, vt apud Sanctam Sedem Apoſtolicam promovere ſtudeant cauſam Venerabilis Doctore noſtri Mariano: Subtilis Joannis Duns Scoti in ordine ad Beatificationem, & Canonizationem.

8 Statuantur pro vtraque Familia Agentes Generales pro Cauſis Beatificationis, & Canonizationis Sanctorum nominandi à Superioribus Generalibus reſpectivè, qui habeant curam, & directionem in ipsis Cauſis, eiſdemque reddatur ratio ſemel in anno à Poſtulatoribus particularibus de expenſis factis, & de eleemoſynis perceptis, quas communicare debent etiam Superioribus Generalibus, & Officialibus Curiz.

9 Reformetur Breviarium Ordinis quoad Officia pro

propria, & ritus; itemque Missale, & Rituale disponantur ad usum nostrum: quorum cura committitur Reverendissimo Patri Josepho Mariz ab Eboræ Commissario Generali Curiz.

10 Præcipitur insuper, quod pluries præceptum fuit, Observantia nimirum Cæremonialis Ecclesiastici pro toto Ordine olim promulgati: Cumque expediat, ut etiam quantum ad cæremonias in Conventibus, Choris, & Refectorijs observandas habeatur congrua methodus, & conformitas universalis; mandatur ut in Compilationibus Statutorum apto loco inseratur conformiter ad Statuta jam facta, & ab utraque Familia inviolabiliter observetur.

11 Promoveatur in omnibus Conventibus Confraternitas Immaculatæ Conceptionis Ordinis nostri Patronæ, & fiat methodus pro illius directione.

12 Statuta item pro Tertio Ordine Sæculari dirigendo, cujus incrementum Superioribus enixè commendatur, sint in omnibus Provincijs communia juxta Bullam novissimè emanatam.

13 Quamvis Fratres Minores ex instituto omnia exercitia charitatis, humilitatis, & modestiæ erga omnes Personas Ecclesiasticas, Regulares, & non Regulares, ita exhibere debeant, ut in nostra conversatione nihil aliud experiantur, quam humilitatis indicia, & Officia servitutis, & reverentiæ obsequia; tamen cum præclarissima Religione Prædicatorum speciale tenentur habere fraternitatis commercium, tum ob Sanctissimorum Patriarcharum conjunctissimæ sacre amicitie nexum, tum ob utriusque Ordinum simultaneum, ac eundem finem, ortum, & progressum, quos ut gemellos in Mundi reparatione Ecclesia Sancta, ut foecunda Mater, produxit.

14 Hinc Sanctissimum Patrem nostrum Dominicum majori Nobis permisso cultu celebrare debemus, ejusdem Sanctissimi Patriarchæ Successori Generali Magistro eandem obedientiam, reverentiam, & obsequia, quæ Ordinis nostri Ministro à nostris exhibetur, impendi exoptamus.

15 Hinc quoque præcipimus omnibus Prælatiſ nōſtri Ordinis, vt quoties prædictus Reverendiſſimus Pater Magiſter Generalis acceſſerit ad Civitates, aut Oppida, in quibus Conventus habemus; ſi in eis non fuerit Conventus ſui Ordinis ab eo enixè petant, vt in noſtris ſic, vt in proprijs hoſpitari velit, cui adhuc maiora reverentiæ, & ſervitutis obſequia præſtabunt, quam noſtro Miniſtro accedenti exhiberent: Si verò Conventum ſui Ordinis habeat, & ad eum accedat, tota Communitas Conventus noſtri in illum opportuno tempore pergat ad eum excipiendum, ipſi obedientiam præſtandum, & ab eodem Benedictionem S. P. N. Dominici recipiendum.

16 Similiter quotieſcumque Fratres Ordinis Prædicatorum quicumque ad noſtros Conventus, vt Hoſpites acceſſerint, velut Fratres noſtri Ordinis benignè recipiantur, & charitative, ac perhumaniter tractentur. Et ne nimia ipſorum modèſtia acceſſum retardet, à Prælatiſ Localiſ non ſolùm invitentur, ſed ſuppliciter cogantur accedere.

17 Obſequia autem noſtræ ſervitutis, & fraternitatis indicia erga hunc Sacrum Ordinem, non ſunt collocanda in rebus, quibus abuti poteſt etiam injurioſus affectus, ſed in illis, quæ poſſint ſinceritatem oſtendere, charitatem radicare, firmare ſocietatem, corroborare pacem, & mentes vnire in Dei placitum, & ædificationem Fidelium: Proindeque Fratres Minores tenentur Religionis Prædicatorum progreſſus, incrementa, & honorem verbo, & opere ſollicitare, quaſi vtriſque Religioni iure fraternitatis communia.

18 Et ne ex parte noſtra vlla enjuſvis diſcordiæ occaſio detur, præcipimus omnibus Fratribus noſtri Ordinis ſub pœna privationis Officiorum, & alijs Superiorum arbitrio infligendis, ne deinceps in controverſiſ Scholaſticis verbo, aut ſcripto minus reverentè taxent noſ, cenſuris, aut exaggerationibus opiniones à Thomaſtica Schola communiter ſecutas, nec alicui illarum notam vilam impingant; nam multoties inimicus ludibrit Scholarum ludis in præjudicium fraternæ ſocietatis;

negotia namque Scholastica non sunt tractanda exasperatione puerili, sed candore mentis cum modestia verborum, & ponderatione rationum.

19 Si autem aliquis Frater nostri Ordinis (quod Deus avertat) tentaret scribere, aut loqui contra Sacrum Ordinem Prædicatorum, aut inter eum, & nostrum zizaniam, aut discordiam seminare, in easdem poenas censeatur incursum, quæ in nostris Statutis contra turbatores pacis, & infamatores nostri Ordinis sanciantur.

20 Statuitur, ut quælibet Provincia deputet Religiosum capacem, qui componat Chronicam propriæ Provinciæ.

21 Deinceps nullum opus Typis mandetur ab ullo Religioso, nisi revisum de licentia Superioris Generalis tum sub expresso nomine, cum etiam sub nomine palliato sub poenis taxatis per Statuta generalia, & alijs Superiorum arbitrio.

22 Quoniam invaluit apud non satis compotes status nostri, quod Religiosi, qui profitentur Regularem Observantiam S. P. N. Francisci, ob æquivocationem ex vocabulis oriri natam, appellentur etiam in Tribunalibus, ac scripturis publicis, Fratres Minoris Observantiæ S. P. N. Francisci; præcipitur, ut in futurum relicta simplici appellatione Minorum de Observantia se ipsos nomenclent, & ab alijs appellentur juxta Bullam Unionis, vel absolutè Fratres Minores, vel Fratres Regularis Observantiæ ejusdem Seraphici S. P.

23 Declarat Capitulum Generale, ut Officiales Curiæ Romanæ pro itinere ad Capitula Generalia subsidium recipiant à suis respectivè Provincijs, sicuti pro Definitoribus Generalibus cautum est.

24 In omnibus materiis arduis, & gravibus, tam Minister Generalis, quam Commissarius Generalis consulant Patres Ordinis, si commodè haberi possint.

25 Dum ad subrogationes per Statuta vocatur Pater dignior in Provincijs cum illa clausula: *Dummodò non sit perpetuò impeditus*; declaratur impedimentum illud, quod faceret Patrem hujusmodi non posse,

posse, eligi, non debere pariter facere, vt nequeat subrogari.

26 Statuitur, vt Scriptores, qui inserviunt Curia Superiorum Generalium per octo annorum spatium, connumerentur inter Patres aggregatos, & pariter illi, qui deinceps per id tempus inservient. Qui verò inservient inter Reformatos, habilitentur ad gradus vsque ad Custodiatum.

27 Pro Tertiarijs nostris Conventibus inservientibus statuitur, vt adhibitis circumstantijs debitis Novitiatum faciant, & Professionem emittant Tertij Ordinis S.P.N. Francisci: idque inchoent post quatuor annos à sui habitus susceptione, vsque dum gravi aliquo motivo expellendi sint à Conventibus, vel Provincijs; vti iuxta causam urgente eos à Ministris Provincialibus expelli præcipitur, subtrahatur eis habitus, quo in Religione utebantur, & sub Sæculari vestitu etiam post Professionem prædictam dimittantur.

28 Decernitur, quod decedente ex hac vita Illustrissimo Garcia Episcopo Seguntino, & olim Ministro Generali, fiant suffragia pro ipsius anima, sicuti solent fieri talibus ex Ministris decedentibus à vita in Religione: & deinceps fiant omnibus, qui Ministri Generales fuerint, etsi ad Episcopatum ascenderint, vel Cardinalatum.

29 Statuitur, vt morientibus Duce de Infantado, ejusque Coniuge inter Fratres Ordinis adscriptis, Superiores Generales commendent eorum animas omnibus Fratribus, quatenus pro ijsdem suffragentur.

30 Locus designandus pro futuro Generali Capitulo relinquitur arbitrio Reverendissimi Patris Ministri Generalis.

PRO CISMONTANA FAMILIA.

31 **P**roposita ex facultate Sanctissimi Domini Nostri moderatione Brevis Clementis PP. XI. super præmio conferendo Lectoribus Linguae Arabicæ, Sanctissimus approbavit.

bica, Definitorum Generale censuit si Sanctitati Suae placuerit, quod si hujusmodi Lectores jam acquisierint graduationem inter ex Diffinitores; connumerentur completo octavo anno inter ex Custodes; Si autem alia graduationem non gaudeant, solum inter ex Diffinitores locum habeant.

32 Quantum ad Lectores Controversiarum Definitorum Generale censuit, si Sanctissimo placuerit, quod si non fuerint Lectores Jubilati, legant per duodennium, eoque completo gaudeant privilegio Lectorum Jubilatorum: Si verò fuerint Jubilati legant per sexennium; & postea connumerentur inter Patres Provinciae, seu inter Lectores Jubilatos de numero, quoad praecedentiam dumtaxat sine jure subrogandi,

33 Definitorium Generale decrevit observandam esse ubique locorum Bullam praecedentiae Observantium supra Reformatos sub poena privationis vocis activae, & passivae infligenda Superioribus contrafacientibus, & carcerationis per tres menses infligenda Subditis reuoluentibus.

34 Lectoribus novissimè permisis ex oraculo Sanctissimi Domini Nostri Benedicti XIII. ut juvenes secundum Novitiatum agentes litteras humaniores doceant, assignatur praecedentia, quae Lectoribus Artium per Statuta competit, & post expletum Lecturae suae decennium cum duabus Lectionibus quotidianis, & absque vlla interpolatione, privilegijs gaudebunt Patrum aggregatorum: inter Reformatos verò etiam ad Provincialatum sint habiles.

35 Ad Cultum Divinum, ut convenit, magis promovendum decernitur, ut etiam pro Conventibus inferioribus à Ministro Provinciali deputetur moderator Chori, qui devotus sit ad dirigendam psalmodiam, & peritus ad cantum moderandum.

36 Si alicubi Libri Chori habeantur, qui non secundum emendationem Romanae Ecclesiae fuerint reformati, praecipitur, ut quamprimum ad emendationem depictam reducantur.

37 Quod alias Statutum fuit in praeium Chori Ara-

Ara Coelitali moderatorem; extenditur omnibus alijs, qui inserviant Choro vni, & principaliori Conventui vniuscujusque Provinciae, dummodo tamen alij inserviant per decem annos.

38 Cum pium exercitium, quod appellatur *Via Crucis*, etiam ex indulgentijs applicabilibus pro Defunctis tanti momenti sit, & Ordinis nostri ex indulto Sedis Apostolicae quodammodo characteristicum, praecipitur, vt apud omnes Conventus, vel intra Ecclesiam, vel extra ipsam pro locorum capacitate singulis diebus Dominicis alijs necessarijs functionibus non impeditis per Religiosum ad id in Capitulis, vel Congregationibus deputandum, sedulo habeatur; etiam omisis alijs functionibus ad devotionem Populi excitandam, quae dudum in eisdem Ecclesijs introductae inveniantur.

39 Deputetur vnus tantum Postulator pro Causis Sanctorum Observantium ex Observantia, & pro Causis Sanctorum Reformatorum vnus dumtaxat Postulator ex Reformatione.

40 Renovantur Statuta praecipientia, vt Sabbatis non impeditis cantetur Missa solemnis de Immaculata Conceptione, & innovantur etiam poenae sancitae contra inobservantiam dictorum Statutorum.

41 Patribus Vice-Commissarijs Generalibus, qui non totam Familiam, sed vnum tantum membrum ejus ad biennium completum gubernabunt, servatur expleto Officio titulus Reverendissimi, quo etiam in actuali munere uti, & frui debeant, & assignatur pro sua graduatione locus immediatus post Commissarios, & etiam post Vice-Commissarios totius Familiae, si qui fuerint.

42 Ut Officia per Definitorium in Provincijs collata absque legitima Causa ab eodem Definitorio probanda non recusetur, primum iungitur assumptis ad ipsa, vt ea acceptent; tum inculceatur Superioribus Provincialium, vt per poenas sibi arbitrarias ad acceptationem debitam eisdem cogant, ac demum eisdem Superioribus mandatur, vt resignantes Officia sibi collata remoto omni praetextu, & excusatione infallibiliter à locis amoveant, in quibus permanebant, & quocumque

quis

quis ab vno Conventu ad alium transit quomodocumque de Familia, aut longo tempore ibi habitaturus, præcipitur ipsi, vt Cellam, à qua recessit Communitati resignet, poenas alias in proprietarios sancitas subiturus ad arbitrium Superioris Localis.

43 Dum Statuta generalia præscribunt, quod post trinam parem ballottationem præses vtatur voto decisiuo, declaratur de trina ballottatione supra eundem cadente intelligenda esse.

44 In Provincijs habentibus ex auctoritate legitima alternativas statuitur, vt deficiente in Definitorio aliquo Patre, non subrogetur loco ipsius Pater dignior Provinciæ, sed dignior illius partis, in qua defectio accidit.

45 Qui per sexennium continuum laudabiliter fuerint secundi Magistri Novitiorum, eligi possint in primos Magistros eorundem, etiamsi triennio Guardiani non existerint, dummodò eis aliæ conditiones non desint ad Magistros huiusmodi requisitæ.

46 Statuitur quod Officium Magistri Novitiorum inter Reformatos habiliter ab omnes gradus in Provincia, & quod illi, qui per duodennium tale Officium exercuerint, præcedant immediatè post Definidores actuales.

47 In vnaquaque Provincia seruetur quantum ad acceptationem Novitiorum æqua illa distributio, vt pro vnoquoque districtu Provinciam componente Iuvenes ad numerum congruum acceptentur, aliàs commendantur summopere Superioribus Generalibus, vt acceptationibus per Definitorium non ita factis denegent consensum suum.

48 In paritate votorum, dùm tertia vice feruntur pro Novitijs ad professionem admittendis, statuitur vt absque vlla vltiori computatione Novitius expellatur, nisi aliter in Domino censuerit P. Provincialis, qui in hoc votum decisiuum habere, vel aliam computationem imponere valeat.

49 Ut Clerici in professorijs degentes maiori solitudine dirigantur, præcipitur vt eorum Magister sit semper distinctus à Vicario Conventus.

50 Concionatores clarissimi, & Prædicatores insignes semel in quadriennio teneantur concionari in suggestis nostri Ordinis juxta dispositionem faciendam à Superiore Generali.

51 Actualibus Guardianis nostrorum Conventuum, & Confessarijs Monialium Ordini subjectarum interdicitur, ne vlllo pacto deferant munus suum ob Conciones, sivè per Adventum, sivè per Quadragesimam habendas, nisi ad eas in principalioribus Urbium suggestis fuerint destinati.

52 Tempus deferendi, & deponendi mantellum, seu pallium relinquitur arbitrio Superiorum Localium, sed præcipitur, quod in vnoquoque Conventu omnes simul pallium assumant, simulque deponant, ne in functionibus Communitatis difformitas vlla sit.

53 Statuit Definitorium Generale, ut deinceps nemini ex Clericis liceat petere Breve Apostolicum pro suscipiendo Sacerdotio, sed id pertineat ad Provinciã, vel ad Conventum, in quo sunt de Familia, & transgressores puniantur.

54 Nullo unquam tempore, & nullo prorsus prætextu impensæ Conventuum pro Religiosis alendis, & sustentandis fiant titulo, seu sumptu aliquo particulari, vel Guardiani, vel Præsidentis, vel Vicarij, sed semper titulo Communitatis per Syndicos Apostolicos omnia recipiantur, & expendantur sub pœna in proprietarios inflicta, si qui contrarium attentaverint.

55 Fratribus, qui incorporantur in Provincijs, non concedatur incorporatio à die habitus, nisi aliter videatur Superioribus Generalibus inspectis incorporandorum gradibus, & qualitatibus, quæ omnino debent esse singulares, vel in Provinciarum commodum, & utilitatem.

56 Quantum ad litteras obedientiales, quæ conceduntur Religiosis à Superioribus Generalibus, renovatur Statutum editum pro Familia nostra in Capitulo Generali anno 1688. & quoad observantiam ipsius conscientia Superiorum Generalium, ut convenit, oneratur.

57 Injungitur omninò Superioribus Localibus, vt videant, legant, observent litteras omnes obedientiales omnium Religiosorum etiam quomodocumque graduatorum ad eorum Conventus accedentium, & animadvertendo, quod vel tempus præscriptum in ipsis præterierint, vel quod notabiliter declinaverint à via itineris sui, sint obligati denunciare eos vti apostatas, prout alias per Constitutiones Ordinis cautum fuit: & omninò præcipitur eisdem Superioribus Locorum, ne præfatum tempus in obedientialibus assignatum prorogare audeant quovis prætextu Subditis suis ab eorum Conventibus discessuris sub poena suspensionis ab Officio ipsosfacto incurrenda, alijsque ad arbitrium Superioris Provinciæ, omni excusatione postposita, infligendis.

58 Peregrinationes Fratrum prætextu visitandi Sanctuaria à Ministris Provincialibus prohibeantur, nisi sciant Fratres peregrinatos esse sine scandalo, & ad præscriptum regulæ, & Superior Generalis rarò has litteras concedat.

59 Declaratur, quod vacationes concessæ per Statuta generalia Ordinis intelligantur de vacationibus solummodo à Studijs; ac propterea omnes aliæ vacationes, quæ potiùs sunt perniciosissimæ evagationes, omninò prohibentur, coarctata quoad hoc non tantum Visitationum, sed etiam Superiorum Provincialium auctoritate; eademque quoad Clericos in Professorijs, seu Seminarijs degentes penitus sublata.

60 Innovantur Statuta de galeris, biretis, chordis; & usu calceamentorum strictè præcipiendo Superioribus Provincialibus, & Localibus eorum observantiam; vtque invigilent, ne in bacculis etiam, & capsulis pro tabacco vlla curiositas appareat, & omnis omnino eliminetur corruptela in chirotecaveis, manicaveis, & in strophijs sericis, sicut decet sanctæ humilitatis, & paupertatis professores.

61 Renovatur inhibitiò omnis lusus à jure prohibiti sub poenis per Statuta sancitis.

62 Cum in Provincia Observ. Bononiæ sint quinque Studia Generalia cum paucò numero Studentium,
De:

Definitorium Generale decrevit, vt dicta Studia reducantur ad quatuor, & quod eorum suppressum sit, remaneat arbitrio Superioris Generalis.

63 Declaratur Provincia Regularis Observantiæ Principatus intra categoriam Magnarum Provinciarum, cum ex triginta Conventibus componatur; Sicut etiam omnes aliæ Provincie ex triginta Conventibus constitutæ declarantur.

64 Alternativa in Provinciam Regularis Observantiæ S. Bernardini ab anno 1686. auctoritate legitima introducta ad evitanda dissidia, quæ ab ejus inobservantiâ oriri possent, præcipitur, vt in suis primævis terminis firma, ac stabilis præserveret.

65 Cum Provincia S. Salvatoris in Hungaria statuerit alternativam, tum in electionibus, tum in subrogationibus, & substitutionibus, & eandem confirmari exposcat, Definitorium Generale annuit juxta petita, ita vt dicta alternativa non tam in electionibus, sed etiam in substitutionibus, & subrogationibus observetur.

66 Instante Provincia S. Salvatoris Strictioris Observantiæ in Hungaria, vt Statuta sua municipalia in vnum corpus jam redacta auctoritate Capituli Generalis confirmetur, remittit idem Capitulum Superiori Generali Familiæ negotium hoc, vt adhibita revisione opportuna etiam nomine suo confirmet, dummodò non aduersetur Statutis Generalibus Reformatorum.

67 Attenta diversitate nationum Provinciam Minoris Poloniæ de Regulari Observantia componentium, simulque inspectis magnis distantijs Conventuum ipsius difficillimas reddentibus eorum visitationes: Capitulum Generale instantiæ inhærens Lithuanorum eandem Provinciam in duas dividit, assignans vni Conventus per Poloniam constitutos, eidemque servans titulum Poloniæ Minoris, locumque in serie Provinciarum Provinciæ Poloniæ Minoris competentem; & attribuens alteri Conventus in Lithuania positos, eandemque denominans Provinciam Lithuanicam.

68 Ad instantiam Provinciæ Observantiæ Bosnæ

bus, quamvis eisdem vocalibus deficiant aliqua qualitates ad id à Statutis præscriptæ, & hoc in gratiam longi itineris, magni laboris, & plurimorum periculorum.

79 Definitorium Generale congregatum die 12. Junij pendentibus Actibus Capituli Generalis decrevit Pro-Ministris, & Custodibus Ultramontanæ Familiæ, qui suffragati sunt in hoc Capitulo Generali, deberi nedum præcedentiam eis aliàs concessam, sed etiam jus subrogationis.

80 Minister Generalis in deputazione Commissarij Generalis Nationis Germano-Belgicæ consulat Patres Definitores Generales ejusdem Nationis super subiecto deputando.

81 Determinat Definitorium Generale, quod si in Natione Germano-Belgica convocatis, & convenientibus jam ad Capitulum celebrandum PP. Vocalibus mori contingat Commissarium Nationalem, (nullo alio designato Capituli Præsidente) in eo casu spectet ad Ministrum Provinciæ, in qua Capitulum jam celebrandum instat, eidem suæ Provinciæ Capitulo præsidere.

82 Proposita lite adhuc vertente inter Provinciam Angelorum de Observantia, & Provinciam S. Gabrielis Excalceatorum in Hispania quantum ad jus suffragandi in electione Vicarij, aut Vice-Commissarij Generalis habenda Matriti, vel in Provincia Castellæ, Definitorium Generale decernit, Provinciam Angelorum manutenendam esse in sua possessione, & Provinciam S. Gabrielis super hac re non esse amplius audiendam.

83 Pro Provincia Algarbiorum, in qua juxta abusum præcedunt Prædicatores etiam juvenes Confessarios quamvis graduatos, Statuitur, ut hic abusus magnus, & corruptela gravis omninò tollatur, & ut serventur Statuta de præcedentia.

84 Quantum ad præcedentiam inter Fratres Clericos, & Laicos Provinciæ S. Mariæ Magdalænæ Recollectorum in Gallia, qui jam professi sunt, servetur pro modo consuetudo.

85 Lectores Theologiæ Provinciæ Majoricarum,

com-

completo duodenio, & adepta prima jubilatione, & si protrahant suam lectionem; non gaudeant secunda. Proinde observandum est Statutum Generale, editum super hac re à Capitulo Generali Romano anno 1723, nempe ut obventa prima jubilatione, à lectione amoveantur.

86 Provincia S. Nicolai Lotharingiae noviter erecta adscribitur Cathalogo Provinciarum Ordinis.

87 Definitorium Generale decrevit erigendos esse in custodiam sex Conventus Provinciae S. Bonaventurae in Sabaudia existentes: Liberumque sit PP. & FF. Gallis degentibus in praefatis Conventibus transire ad alios Conventus ejusdem Provinciae extra Sabaudiam positos, & e converso PP. & FF. Sabaudis ad dictos Sabaudiae Conventus accedere.

88 Pro revisione, & correctione Compilationis Statutorum deputantur Ad. R. P. Thomas Montalbus, & Ad. R. P. Antonius Duro, Ex-Definitores Generales, atque Ad. R. P. Dominicus Loffada, Secretarius Generalis Ordinis.

PRO TERRA SANCTA.

89 CUM praemia laboribus proportionanda sint, statuitur, ut Commissarii Terrae S. Matriti, Parisijs, Viennae in Austria, & Romae collectioni elemosynarum adlaborantes, post expletum duodennium gaudeant privilegijs PP. Provinciae quo ad precedentiam, & Paternitatem tantum. Quo ad alios vero Commissarios ejusdem Terrae Sanctae longè minoribus laboribus ex suis Officijs obligatos, sicuti per Statuta Generalia decretum alias fuit, ut octonales vltimum locum habeant inter eos, qui fuerunt Definitores, ita statuitur nunc, ut qui in posterum duodennales fuerint, inter eandem Cathegoriam Ex-Definitorum primum locum obtineant; nec ipsi unquam (ut olim per ordinem praecceptum fuit) arrogant sibi titulum Commissarii Generalis pro Terra Sancta.

90 Ad excavendas expensas inutiles, & præjudicium inde oriri natum pro Terra Sancta præcipitur Commissarijs ejusdem Terræ Sanctæ per Italiam constitutis, vt in posterum non mittant nisi de triennio in triennium, vel ad summum de biennio in biennium eleemosynas, quas in suis commissionibus collegerunt; exceptis illis, qui hætenus consueverunt mittere quoque annos in propria specie pro vsu, & servitio Religiosorum ibidem degentium necessarias, & quoad illos pariter commendatur eis, ad quos pertinet in Terra Sancta; vt quantum ad ordinandas præfatas res, præsens habeant Statutum illud pro expensis inutilibus evitandis; & quo ad seligendos Religiosos pro eleemosynis, & rebus prædictis in Terram Sanctam deportandis iungitur Definitorijs Provinciarum, in quibus respectivè isti Commissarij resident, vt matura discussione præhabita determinent quos magis idoneos judicaverint.

91 Quantum porro ad Residentiam istorum Commissariorum Terræ Sanctæ per Italiam constitutorum; Sancitur, ne in Conventibus vel Novitiatus, vel Recollectionis ea sit, cum ex Officijs suis ab observantia Disciplinæ in ejusmodi præsertim Conventibus omnino habendæ prædicti Commissarij legitime excusentur.

Defunctorum numerus.

Ab ultimo Generali Capitulo usque ad præsentis obierunt in Domino ex Familia Ultramontana Fratres ; Moniales ; Ex Familia Cismontana Fratres 4070. Moniales 730. Neque silentio prætereunda mors Eminentissimi Principis Laurentij Cozzæ, Ordinis Ex-Ministri, qui die 18. Januarij hujus anni 1729. in Conventu S. Bartholomæi de Urbe mortalitatem explevit.

Sequuntur Suffragia.

Pro Sanctissimo Domino Nostro Benedicto Papa XIII. ejusque ad multos annos incolumni sospitate, singuli Sacerdotes tres Missas legant,

Pro omnibus Principibus Christianis Ordinem nostrum in Ditionibus suis tuentibus, & promoventibus, singuli Sacerdotes legant. similiter Missas tres.

Pro Eminentissimo, & Reverendissimo Domino D. Laurentio, Cardinali Corsino, apud Sanctam Sedem, Ordinis Protectore, unusquisque Sacerdos recitet unam Missam.

Pro Excellentissima Ducissa de Naxera, cujus beneficentia expensæ pro Generali Capitulo fuerunt factæ, Sacerdotes omnes celebrent unam Missam.

Pro felici statu nostræ Seraphicæ Religionis, & Apostolici Ordinis Prædicatorum, duæ Missæ à Sacerdotibus omnibus recitentur.

Pro pace inter Principes Christianos, extirpatione Hæresum, Fidei propagatione, victoria contra Infideles, & Ecclesiastici Ordinis prosperitate, duæ Missæ legantur à quolibet Sacerdote.

Ita est.

Fr. Joannes de Soto, Minister Generalis, & Præses:
Fr. Franciscus à S. Severino, Commissarius Generalis.

Fr. Matthæus à Pareta, Ex-Minister Generalis immediatus.

Fr. Bernardus Monterde, Procurator Generalis Ordinis.

Fr. Joseph Maria ab Eboræ, Commissarius Generalis Curie.

Fr. Fulvius à Bononia, Procurator Generalis Reformatorum.

Fr. Gildaldus Dulfos, Procurator Generalis Excalceatorum, & Recollectorum.

Fr. Joannes Lasso, Diffinitor Generalis.

Fr. Petrus Polo, Diffinitor Generalis.

Fr. Vincentius Zendra, Diffinitor Generalis.

Fr. Godefridus Stuve, Diffinitor Generalis.

Fr. Andreas Augustinus Bondet, Diffinitor Generalis.

Fr:

- Fr. Albetius Coluac, Diffinitor Generalis.
 Fr. Chrysogonus Castien, Diffinitor Generalis.
 Fr. Romulus Vandem Male, Diffinitor Generalis.
 Fr. Ferdinandus à S. Antonio, Diffinitor Generalis.
 Fr. Andreas Cavallo, Diffinitor Generalis.
 Fr. Matthæus de Atina, Diffinitor Generalis.
 Fr. Joannes Maria de Augusta, Diffinitor Generalis.
 Fr. Camillus de Breno, Diffinitor Generalis.
 Fr. Cherubinus de Capriata, Diffinitor Generalis.
 Fr. Joannes Capistranus Jovenski, Diffinitor Generalis.
 Fr. Franciscus Maria Spinelli, Diffinitor Generalis.
 Fr. Carolus Maria de Novocomo, Diffinitor Generalis.
 Fr. Gentilis à Nicæa, Diffinitor Generalis.
 Fr. Crescentius Krisper, Diffinitor Generalis.
 Fr. Joannes Jacobus de Vallico, Diffinitor Generalis Secretarius.

110

32

110

32